

3.5. 2417





DE NUMMO ARGENTEO  
BENEDICTI II<sup>I</sup>. P. M.  
*DISSERTATIO.*





D E  
NUMMO ARGENTEO  
BENEDICTI III.

PONT. MAX.  
DISSERTATIO

IN QUA PLURA AD PONTIFICIAM HISTORIAM ILLUSTRANDAM,  
ET JOANNÆ PAPISSÆ FÆULAM REFELLENDAM PROFERUNTUR.

ACCEDUNT

NUMMI ALIQUOT ROMANORUM PONTIFICUM  
HACTENUS INEDITI

ET APPENDIX  
VETERUM MONUMENTORUM.



ROMÆ CL. IO. CC. XXXXVIII.

---

EXCUDERANT NICOLAUS, ET MARCUS PALEARINI  
TYPOGRAPHI ET BIBLIOPOLÆ ROMANI.

*SUPERIORUM FACULTATE.*



H/

SANCTISSIMO . DOMINO . NOSTRO  
D. BENEDICTO . XIII.

PONT. MAX.  
REI . CHRISTIANAE  
TVTORI . PROPAGATORI . VINDICI  
PIETATE . DOCTRINA  
ET . MVNIFICENTIA  
TOTO . ORBE

SEMPER . AC . FELICITER . CELEBRANDO  
PRINCIPI . OPTIMO  
ET . PROVIDENTISSIMO  
BONO . REI . PVBLICAE  
N A T O

IOSEPHVS . GARAMPIVS . ARIMINENSIS  
DEVOTVS . NOMINI . MAIESTATI Q. EIVS

THE OLD MAN



DE NUMMO ARGENTEO  
**BENEDICTI III.**

*DISSERTATIO.*



**I**NSIGNE tibi BEATISSIME PATRIS veterum Decessorum tuorum Nummarie supellectilis dico consecroque Monumentum, quod magno (ut cenſeo) Hiſtorie lumini, atque huic Apoſtolicæ Sedi decori futurum, nunc primum e tenebris mea opera in lucem proſertur. Nummus est Benedicti III. Pont. Max. eruditis hætenus incognitus, quo non modo tanti Pontificis nomen mirifice illuſtratur, verumetiam notum illud & impudentiſſimum Joannæ Papiſſæ commentum, quo Heterodoxorum plerique adhuc non parum delectantur, funditus exploditur. Hoc noſtrorum temporum ſtudia pepererunt, ut illuſtrata plurimum hiſtoria, quæ a Majoribus noſtris geſta ſunt magis magisque pateſcant, & quæ fuerunt hominum fraude imperitiæque introducta facile detegi conſutarique poſſint. Conſtat inter omnes quam late in præteritorum ſæculorum barbarie fabula hæc

# 8 DE NUMMO ARGENTEO

hæc ubique obtineret, adeout ne illi quidem, qui Apostolica Sedî addictissimi erant ( quum temporum infelicitas, qua ratione ab ejusmodi probro vindicari posset, eos videre non sineret ) ab ea probanda abhorrerent: sed tandem crassæ ignorantix tenebris emergentes sese paulatim studiosi ( sæculo præsertim xvi ) effecerunt, ut tota impudentissimæ calumniæ fallitas plane appareret. Rejici ex eo tempore cœpta est, & ab omnibus sanæ mentis hominibus, ceu fabula, ut erat, contemni & refutari. Egrege præ ceteris hoc in argumento versati sunt eruditissimi æque ac de Pontificia historia optime meriti Onuphrius Panvinus (a), Florimundus & Carolus Remundus (b), Cæsar Baronius (c), Leo Allatius (d), Petrus Lambecius (e), Philippus Labbeus (f), Antonius & Franciscus Pagius (g), Natalis Alexander (h), Jo. Georgius Eckhartus (i), ac inter ipsos met Heterodoxos David Blondellus (k), Guillelmus Godefridus Leibniti-  
tius (l), Brownus (m), aliique, quos longius hic referre non juvat.

Sed incredibile dictu est, quam ægre tulerint plerique Apostolicæ Sedis ofores tam bellam sibi auferri occasionem in Romanæ Cathedræ dignitatem suis vel concionibus vel colloquiis vel scriptis impune frequentissime debacchandi, cujus furturis homines Claudium Salmasium (ceteroquin doctissimum), Samuelem Marefium (n), Fridericum Spanhemium,

(a) Panvin. in not. ad Platinam.

(b) Florimundi Remundi Error popularis seu fabula Johanna &c. interpretæ Carolo Remundo auctoris alio. Colonia 1618.

(c) Baron. Annal. ad A. 833. n. 56.

(d) Allatius in Confutat. Fabula de Johanna Papiss. Exst. etiam in T. IX. p. 779. Amst. Læster. Scheloni.

(e) Lambec. Bibl. Vindob. lib. 31 cap. 8.

(f) Phil. Labbeus in Chronologio Johanna Papissæ T. VIII. Concil. p. 154. Ed. Paris.

(g) Ant. Pagius in Critica Baron. ad

A. 833. n. 14. Franciscus Pagius in Breviar. Rom. Pontif.

(h) Natal. Alex. Hist. Eccl. Diff. 3. Sæc. 12.

(i) Jo. Georg. Eckhartus Hist. Franc. Orient. lib. 30. c. 119.

(k) David Blondell. Anacryf. samefæ questionis de Johanna Papissa.

(l) Leibnitiuss in opere Mss. apud Eckhartum loc. cit.

(m) Brown. Errori Populari &c.

(n) Johanna Papissa resistita. Grevin-  
ge 1658.

C. O. 2. 1

BENEDICTI III PONT. MAX. 9

mium, Jacobum Lenfantium, Vignolium (a), Wagen-  
 seilium (b) aliosque, pluribus memorare piget. Eorum ta-  
 men longe turpior est vel impudentia vel imperitia, qui ne  
 nunc quidem cessant infelici vulgo falsa imponere, & Ro-  
 manam Sedem malunt, quoquo modo possunt, apud po-  
 pulares suos vituperare, quam recte sapere, aut, si sa-  
 piunt, incredibili non uti temeritate. Hos inter præcipui  
 habentur Samuel Maresius, cui tamen Labbeus noster abun-  
 de satisfecit, & Spanhemius prædictus, cujus laboribus  
 nunc maxime gloriantur. Anno primum 1691. prodiit  
 Lugduni Batavorum ipsius *de Papa femina inter Leonem III*  
*& Benedictum III Disquisitio historica in 8*, tanta utique in-  
 ter suos fortuna, ut brevi in Gallicam linguam ad facilitio-  
 rem vulgi caprum translata, additisque Jacobi Lenfantii,  
 & Vignolii Ministri Brandenburgici curis, Coloniae (seu  
 potius Amstelodami) A. 1694 iterum prodierit hoc titulo:  
*Histoire de la Papesse Jeanne fidelemente tirée de la Dissertation*  
*Latine de Mr. de Spanheim premier Professeur en l'Université de*  
*Leyde, in 12*. Eandem postea Hagæ Comitum A. 1720 vo-  
 luminibus duobus in 12 recusam, & A. demum 1736 ibi-  
 dem per Jacobum Vanden Kieboom variis Tabulis æri inci-  
 sis adornatam conspeximus. Opus universum hac mea Dis-  
 sertatione ad trutinam revocare mihi non est animus, quum  
 in eo trita sint omnia, ex præteritorum calumniatorum  
 scriniis descripta, & ad nauseam usque sexcenties repetita,  
 ut mirum videatur homines sanæ mentis potuisse in medium  
 ea ipsa proferre, quæ contra vetustiores hujus commentiti-  
 æ Papiæ defensores ab iis quos supra laudavi tum Catho-  
 licis viris, tum prudentioribus quibusdam suæ sectæ homi-  
 nibus, fuerant plane solideque refutata.

In eo autem Spanhemius, Lenfantius, & Vignolius

B

præ

(a) In Opere infra citando.

(b) Wagenseilii *Dissert. pro Joanna Pa-*

*pissa* T. 1. p. 142. *Amamit. Litterar. Sche-*  
*lervus.*



## IO DE NUMMO ARGENTEO

præ ceteris qui in hoc argumento elaborarunt , præclare se præstitisse gloriantur , quod existimarint congruum se temporis intervallum invenisse , in quo Papissæ suæ Pontificatum commodè collocari possit . Id tamen ut facili negotio assequerentur , coacti sunt bene constitutam Romanorum Pontificum Chronologiam , ab A. 827 ad A. 872 arbitrato suo perturbare , ut ad propria deliria eandem accommodarent . Itaque Leonem IIII translatus ad Superos fuisse contendunt Kal. Aug. A. 854. Benedictum III. non ante Septembrem A. 856 Apostolicam Cathedram conscendisse ; quare fieri , ut in illud temporis spatium , quod inter utrumque Pontificem hac ratione intercessisset ( nempe a Kal. Aug. A. 854 ad Septembrem A. 856 ) Joannæ Pseudo Papissæ Pontificium incurrisse defendi possit . Quare qualem navarint opem , ex ipsius Lenfantii verbis audiamus : „ On a renvoyé a la quatrieme Partie la plus considerable & la plus difficile de toutes ces objections , c'est celle qui est tirée de la Chronologie . Au reste dans cette dernière Partie , dont l'arrangement sur les Memoires de Mr. Spanheim , demandoit & plus d'exactitude & plus de capacité que je n'en ai , je n'ai pas crû devoir m'en reposer uniquement sur mes soins . Si cette discussion Chronologique donne quelque satisfaction au Public , j'en aurai d'autant plus de joye qu'un de mes amis ( *Mr. des Vignoles Ministre a Brandebourg* ) y a la meilleure part . Si j'avois été le seul qui eût intérêt a cet Ouvrage , je me serois moins deslé de moi meme , & j'aurois épargné beaucoup de peine a cet obligeant & docte ami . Mais ayant a travailler sur les Memoires d'un Auteur qui s'est acquis un si grand nom parmi les sçavans , & particulièrement dans l'Histoire Ecclesiastique dont il s'agit ici , il étoit juste que je prisse toutes les precautions

# BENEDICTI III PONT. MAX. II

„ tions nécessaires , pour ne rien produire . comme de  
 „ lui , qui ne fut en effet digne de lui . Le Public pourra  
 „ en meme temps par cet echantillon juger de la capacité  
 „ de celui qui m'a si genereusement secouru .

Verum hac ipsa in re adversarios nostros & falsos esse,  
 & ceteros sesellisse , hac Dissertatione confido me luculen-  
 ter esse demonstraturum . Primum enim , everlis Spanhemia-  
 næ Chronologiæ fundamentis , Leonis IV. mortem an. 855  
 die 17. Julii contigisse probabimus ; deinde Benedictum III.  
 anno eodem duobus post mensibus cum dimidio, die nempe  
 29. Septembris subsequentis in Apostolica Cathedra suffe-  
 ctum fuisse , adeout nullus plane locus monstrosæ huic Joan-  
 næ relinquatur . Argumentum plane conficiet præclarissi-  
 mus argenteus Nummus cusus a Benedicto III. sub Hlothar-  
 rio Imperatore , cujus Typum quem illustrare aggredior ) ,  
 fronti hujus Dissertationis præfixi . Quum enim Hlotharius  
 Imp. 4 Kal. Octobris an. 855 mortem obierit , clare ap-  
 paret eodem circiter tempore a Benedicto III. Pontifica-  
 tum initum fuisse ; quodque consecratus fuerit 3 Kal. Octo-  
 bris ejusdem anni 855 , infra pluribus confirmabo ; proin-  
 deque eo tempore Nummum cussisse , quo nuntius de Hlothar-  
 rii morte Romam nondum pervenerat . Rarissimum vero  
 hunc Nummum meoque argumento accommodatissimum  
 nactus sum humanitate viri optimi mihique familiarissimi  
 Reverendi Patris Domni Gregorii Pignattii Coenobitici Ca-  
 maldulensium Ordinis Presbyteri , qui dum Procuratoris  
 Generalis Comes in Urbe exiitit , selectam Pontificiorum  
 Nummorum seriem summo studio sibi undique conquisivit  
 & comparavit . Quapropter contigit illi ut quædam hujus-  
 modi Gemelia repererit , quæ diligentissimorum hominum  
 Vignolii , Floravantis , Scyllæ , aliorumque oculos effu-  
 gerant .

Itaque te oro obsecroque , Beatissime Pater , ut velis

## 12 DE NUMMO ARGENTEO

hanc meam qualemcumque Commentationem grato animo excipere ; digna est enim quæ Tibi Tuoque Nomini consecratur, non ipsa quidem per se ( neque enim is ego sum qui putem quidquam posse ex me Te dignum proficisci ) ; sed quia insignis Deceßoris cujus & nomen habes, & egregia facta & nularis , memoriam illustrat , vindicatque a calumnia & dedecore eam Sedem , qua sublimius nihil est inter homines , quamque nunc Tu magno cum fructu & Christianæ Reip. bono feliciter tenes. Quæ sunt a Te in eximio Opere, quod est *de Servorum Dei Beatificatione* (a) &c. sapienter solideque scripta contra fabulosam ipsam planeque ridiculam Papissam , eadem in hac Dissertatione animadvertes magis magisque a me confirmari, ope præsertim ejus Nummi, qui neminem ratione uti volentem sinet deinceps ea de re dubitare . Reliquum est , Pontifex Optime , ut me Tibi ad pedes officiose provolutum benigne ut soles excipias , Tuæque Apostolica dones Benedictione .




### CAP. I.

(a) Lib. 11. l. esp. x. n. 3. & 4. Tom. 11. l. Oper. 85. D. N. BENEDICTI XIV. Edit. Romæ. an. 1748.

## C A P. I.

- I. *Fabula de Joanna Pavissa exente sæculo xii. primum excogitata. II. Quibus a'grone itis hætenus ab eruditis viris refutata. III. Obiit Leo iiii. die 17. Julii. IV. Anno vero æra Christianæ 855. Alemannus refellitur. V. Eligitur Benedictus iiii. ; Imperatoris assensus. VI. Soli Hludovico Imperatori Decretum electionis perlatum. VII. Ubinam tunc esset Hludovicus. VIII. Imperatoris Legati Romam perveniunt. Benedictus consecratur. IX. & X. Probatur quod ejus consecratio die 29. Septembris inciderit. XI. Argumentum Papebrochii solvitur. XII. Anni & menses proleptice sæpe usurpati. Nova Hlotharii & Hludovici ii. Epocha a doctis viris constituta, reprobantur.*

- I. UIDAM igitur cadente sæculo xii. scelestissimi homines, quo hujus S. Apostolicæ Sedis dignitatem pro viribus imminuerent, confinxerunt mulierem quandam, cui esset *Joanna* nomen, inter Leonem iiii. & Benedictum iiii. Petri Cathedram tenuisse, in qua annos ii. menses v. dies vi. vel ( ut aliis placuit ) annis saltem ii. mense uno vel tribus, sederit. Si rei tam incredibilis qui sint testes, quæ testium auctoritas ex historiarum monumentis quæramus, maximam quidem Scriptorum copiam reperiemus, qui ei Fabulæ temere fidem adhibuerunt; at si eorum antiquitatem perscrutemur, nullum xii. sæculo ( eoque labente ) invenimus vetustiore. Ptolemæus Lucensis, qui ( ut Saxius vir cl. observat, ) inter an. 1312. & 1317. Historiam scripsit, luculenter testatur, quod in hac ordinatione Pontificum oritur discordia circa Chronicarum Scriptores, quia OMNES QUOS LEGI PRÆTER MARTINUM tradunt post Leonem iiii. fuisse Benedic-  
tum

## 14 DE NUMMO ARGENTEO

*Etum 111. Martinus autem ponit Joannem Anglicum v 111. : Loquitur autem de Chronico Martini Poloni Ordinis Prædicatorum Clementis 1111. Pœnitentiarum, qui ad ejus usque mortem & Gregorii X. electionem an. 1271. factam suum opus primum perduxit. Allatii tamen, & Lambecii, & Eckarti diligentæ acceptum ferimus, quod pluribus veterioribus hujus Operis MSS. Codicibus nihil tale scriptum narratumque fuisse a Martino Polono patefactum est. In iis enim cum nulla hujusce narrationis vestigia usquam appareant, quemadmodum nec in altero apparent ejusdem Operis membranaceo Codice, (a) quem ex præstantissima Bibliotheca Eminentissimi Cardinalis Nerii Corsinii optimi Litterarum Patroni, mihi communicavit doctissimus æque ac humanissimus Præsul Joannes Bottarius, & eidem & Vaticanæ Bibliothecæ Præfectus; illud plane effectum est, non modo Fabulæ hujus auctorem non fuisse Martinum, sed ne ullam quidem ejusdem factam ab eo fuisse mentionem: Quapropter dubitandum non est, quin pluribus ejusmodi Codicibus fuerit circa XIV. seculi initia aliena manu adjecta; quo sane modo etiam Mariani Scoti, & Sigeberti Gemblacensis Chronica, necnon Vincentii Bellovacensis Speculum corrupta fuerunt. Id optime Tu ipse animadvertisti Beatissime Pater in immortalis Opere tuo de *Servorum Dei Beatificatione*, ubi scribis, *figmentum prædictum non a Martino Polono, sed ab Hæreticis proditum fuisse .... & Martini scripta foedata ac adulterata fuisse ..... Vitiosa fuisse quoque exemplaria Operum Mariani Scoti Hæreticorum fraude, Fabulam Joannæ Papiæ obtrudere volentium*; quod pluribus argumentis solide, ut soles omnia, confirmasti (b).*

II. Sed

(a) *Cod. perg. Mss. in fol. num. 1098. xiii. vel xiv. seculi Bibl. Corsiniana.*

(b) Præstat hoc loco ad majorem argumenti nostri confirmationem integrum lo-

cum referre ex lib. 3. cap. 10. B. 3. & 4. d. *Servorum Dei Beatificatione* (Tom III. Oper. SS. D. N. BENEDICTUM XIV. Edit. Rom. an. 1748. J ubi de fabula Joannæ Papiæ

II. Sed quæ a viris doctissimis jam in medium allata fuerunt argumenta, quibus Fabula hujusmodi refutatur, hic exscribere non est necesse. Quæ enim ex Hincmaro (a), Adone (b), Lupò (c), Concilio Tullenfi (d), Nicolao PP. (e), Photio (f). Bertinianorum Annalium (g) & libri Pontificalis (h) Auctoribus petuntur, & valida sunt, & omnibus jam nota. Scriptores autem, qui iisdem annis, quibus Joannæ Papisæ Pseudo-Pontificium assignatur, vixere, antecurri

pisse : Scimus signum prædictum non u  
Martino Polono sed ab hæreticis proditum fuisse. Martini quippe scripta falsata fuisse & adulterata invidus argumentis ostenditur ab Ehard T. 2. Script. Ord. Præd. ad A. 1272. pag. 361. & seq. Exstat exemplar Operum Martini Poloni in Biblioth. Angelica Urbis Jono eruditissimi viri Luca Holstenii. E. habet editio illa vetustissimum manuscriptum ipsi Martino Polono pame contaneum, summa fide & diligentia expressum, ubi de prædicta fabula Editor loquens hæc habet in præfatione : *Martini Poloni a Basilensi Typographo eadem hæc Fabula adactum esse, scido satis probatur hoc argumento, quod a nostro antiquissimo auctore quamplurimis, que Suffridus Petri & Josias Simlerus viderunt exemplaribus, Fabella ex Lutherianorum latibulis eruta, impressisse que Codicibus per magnam vel infestiam vi imposturam inserta plane abesse, & semper absuisse omnium oculis videntur & videri possit.* Additur Marianum Scotum floruisse sæc. xi. & Martinum Polonum sæc. xiii. & 2 Launojo in libello de austeritate negantis argumentis asseri, Marianum Joannæ Papisæ testamentum perhibuisse ; ex quo inferri potest, signum nunquam Martino Poloni uti primo auctori esse adscribendum. At veritati ut obsequamur, quemadmodum Martinus Polonus a calumnia vindicatur, ita vindicari quoque debet Marianus Scotus, cum per utriusque sit causa. Auctor etenim præfationis Operum

Martini Poloni supra laudatus hæc habet de Mariano Scoto : *Marianus Leonem proximum & immediatum antecessorem Joannæ, centesimum secundum, Benedictum vero proximum & immediatum eisdem Joannæ successorem centesimum tertium a S. Petro Pontifice nullo pro Joannæ numero relicto, enumerat.* Ex quo proinde evincitur, viciatam fuisse exemplaria quoque Operum Martini Scoti, Hæreticorum fraude Fabulam Joannæ Papisæ obtrudere volentium. Marianum pluribus in locis vindicat Mabillonius & purgat ; qui non ita se gessit erga Martinum Polonum, quandoquidem non vidit Monumenta quibus ille u ceteris vindicatur.

(a) Hincmarus Rhemens. Episc. 26. ad Nicolaum I. PP.

(b) Ado Viennens. in Chron. T. xvi. Bibl. PP. Lugdun.

(c) Lupus Ferratien. Episc. 103. T. 21. p. 772. Hist. Franc. Script. Andr. Du-Chesnel.

(d) Concil. Tullenf. A. 829. Concil. T. v. l. p. 595. Edit. Paris.

(e) Nicolai I. Episc. 2. ad Michael. Imp. T. v. l. Concil. p. 273.

(f) Bertiniani Annales ap. Du-Chesnel. Hist. Francor. Script. T. 21. p. 208. & inter Rev. Italic. Script. T. 21.

(g) Photius Lib. 2. de process. Spiritus Sancti apud Allatum in Consist. Fab. Joh. Papisæ.

(h) Anastas. in lib. Pontif. in Leone IV. Bened. III. Nicol. I. & Adriano II.

## 16 DE NUMMO ARGENTEO

telierri omnino debent iis qui cccc. & quod excurrit amplius annis posteriores, hanc Fabulam scriptis tradidere. Præterea vero, nonne & Rheginonis (a), & Liutprandi (b), & Frodoardi (c) (qui sæculo x.), & Leonis IX. (d), & Hermannii Contracti (e), & Lamberti Schafnaburgensis (f) (qui sæculo xi.), & aliorum plurium (qui sequentibus floruerunt) tanta est consensus, ut etiam si laudati deessent Scriptores cœvi, istis potius qui ad confictæ Papiſſæ tempora propius accedunt, quam iis qui xiv. sæculo posteriores fuerunt, fides sit adhibenda? Hi autem omnes probatissimi Auctores nullum inter Leonem IV. & Benedictum III. Pontificem memorant, sed hunc illi immediate successisse, constanti & unanimi testimonio tradiderunt. Hoc plane illud est, quod ope Nummi nostri, quem nunc evulgare, & hac Dissertatione illustrare aggredimur, mirifice confirmatur.

III. Obiit Sanctissimus Pontifex Leo III. die xvii. Julii anno æræ Christianæ dccc. lv. (g). Quoad diem, luculentissimus nobis est auctor Anastasius S. R. E. Bibliothecarius, vel quilibet Leonis vitam conscripserit, quæ inter ceteras libri Pontificalis (qui Anastasii nomine vulgo circumfertur), inserta fuit: Et consentiunt etiam Ecclesiasticæ Tabulæ, quæ ejus memoriam hac die consignant. Ejus festum in Patriarchalibus Urbis Basilicis hac eadem die celebratur, prout ex ipsarum *Breviariis* cernere est, & cuique Romam commoranti patet. Hujus autem Sanctissimi Pontificis cultus profecto vetustissimus est. Nam Romanus Canonicus Petrus Manlius qui medio sæculo xi. Vaticanam Basilicam descripsit,

(a) Rhegino Præmian. in *Chron.* inter *Script. German.* Pistorii T. I.

(b) Liutprandus Ticinens. in *Hist. Ger.*

(c) Frodoardus ap. Mabillon. *pref. in fac. 11. Benedic. n. 64.*

(d) Leo IX. PP. in Epistola ad Michael. Patriarch. Constantinop. & Leonem Aethriadem A. chierificum Bulgaror. *cap. 2.*

(e) Hermann. Contractus in *Chron.* inter

*Script. German.* Pistorii T. I. & in *bibl. PP. Lugdun.* T. xviii.

(f) Lambertus Schafn. in *Chron.* inter *Script. German.* Pistorii T. I.

(g) Jo: Baptista Sollerius in *vita S. Leonis IV. int. Acta SS. Julii d. 17.* Papebrochius in *Propylæo ad Acta SS. Maji m. cv.* Pagius; Baronius aliique.

psit, peculiare in ea fuisse Oratorium S. Leonis PP. IV. nuncupatum, ostendit, in quo & aliorum SS. Leonis I. II. & III. corpora a Paschali II. condita fuere (a); quæ postea sub Paulo V. in Aram B. Mariæ de Columna translata fuerunt, ubi adhuc requiescunt, excepto tantum S. Leonis Magni corpore, quod an. 1714. inde eductum fuit, & in proprio Altari collocatum. (b) Quæ omnia antiquum esse Sanctissimi Pontificis cultum præclare ostendunt; Ex quo factum est, ut ejus diei, quo mortuus est, memoria potuerit facilius conservari. Testantur præterea Martinus Polonus, Ptolomæus Lucensis, alique, Leonis festum die XVII. Julii celebratum fuisse, quod non solum in editis, verumetiam in manuscriptis Martini Codicibus Vaticanæ, Orthobonianæ, & Corsinianæ Bibliothecæ non semel observavi. Quare (iis etiam omissis, quæ sumus infra cap. III. allaturi) his omnibus perpensis, diem XVII. Julii Leoni III. mortualem fuisse, affirmare non dubitamus.

## C

## IV. Quod

(a) *Basilica veteris Vaticana descriptio* autore Romano Canonico ejusdem Basilicæ Petro Manlio. Præditæ primò in Romæ an. 1646. fol. Typis Bernardini Tani cum notis Pauli de Angelis. Edit. audior 19 T. VI. L. Ad. V. Junii. Ibi igitur cap. 11. *prima Edit. sive cap. 3. n. 17. & seqq. de ler. Edit. pag. 19.* hæc habentur, „De Oratorio S. Leonis PP. Ave Altare S. Mauricii juxta aditum qui vadit ad S. Martinum, post S. Petrum, est Oratorium S. Leonis PP. IV. in quo sicut sæpe a nostris Majoribus accepimus videlicet a Domino Prebytero Cencio Priore, & Domino Christiano, sanctæ recordationis Dominus Paschalis PP. II. corpus B. Leonis PP. I. & I. & III. & III. recondidit, sicut etiam multi nostrorum viderunt. Hujus (S. Leonis III.) sanctissimum corpus requiescit in Altari suo &c. in quo etiam Altari, ut a nostris Majoribus sæpe accepimus, requiescit B. Leo PP. I. & II.

„ III. & III. „ Licet autem hoc Oratorium S. Leonis IV. novissime, Manlio ego intelligeretur, attamen ipso Leone IV. vetustius erat. Nam in bulla quam item Pontifex M. S. Martinus prope Vaticanam Basilicam extruere an. 854. emiserit (Bullar. Vatican. T. I. pag. 17.) hoc idem Oratorium S. Leonis PP. (nempe unum ex suis decessoribus) nominat *Venerabilem* (h. e. S. Martinum) qui conjuncto esse videtur cum Ecclesiâ S. Petri Apostoli cum Oratorio S. Sisti qui est juxta ferratam (prope Corpus S. Petri) atque Leoni PP. & S. Adriani, una cum nostris, qui exiit in Ecclesiâ S. Petri inter Oratorio S. Leonis & S. Adriani. De eodem Oratorio a variis in Paulo I. scilicet ad 1., & in Leone IV. scilicet 506. & 511.

(b) Consulend. Raph. Sirlone in *Descript. historica Altar. & Reliquiar. Basilicæ Vat. Roma 1744. cap. 22.*



## 18 DE NUMMO ARGENTEO

IV. Quod spectat ad annum, eo ipso, quem diximus, 855 Leonem mortuum, tum ex pluribus Pontificiis Catalogis quos infra proferemus (a), tum ex aliis firmissimis argumentis efficitur; sed præsertim ex synchrono Annalista Bertiniano qui ad an. usque DCCCLXXXI. Annales suos produxit (b), ita scribente: *Anno DCCCLV. mense Augusto Leo Apostolice Sedis Antistes defunctus est, eique Benedictus successit*: Ubi tamen observes exscriptori dormitanti 70 xv. Kalendas excidisse, oscitantia fati frequenti in Datis ac notis numeralibus veterum Codicum. Ceterum instar omnium esse potest eximium illud Carmen eo tempore concinnatum, quod editum primo a Ven. Baronio (c), nos cum Codice Vaticano 3827. x. vel xi. sæculi accurate contulimus. Narrat ibi primum Poeta obitum cujusdam Pontificis Leonis, indeque paullo post Imperatorem quoque fati cessisse, magno populi Romani mœrore. Quæ profecto nullis aliis, quam Leoni IV., & Hlothario Imperatori convenire possunt; quum ille xv. Kal. Augusti decesserit, hic iv. Kal. Octobris subsequens. Unde Poeta:

*O quanto premitur Roma dolore  
Præclaris subito Patribus orba:  
Infirmata prius morte Leonis,  
Nunc, Auguste, tuo funere languet &c.  
Luge Roma tuum nomen in umbris,  
Et defuncta duo lumina luge.  
Arcus frange tuos, sicque triumphum  
E te Roma tuis hostibus aufer.*

Non equidem ignoro virum doctissimum Nicolaum Ale-  
mannum (d) hoc ipsum carmen de obitu Leonis III. & Ca-  
roli Magni fuisse interpretatum. Verum toto coelo aber-  
ravit

(a) Infra cap. 9.

(b) Exll. apud Du-Chesne T. III. p. 208.  
Hist. Francor. Scriptor. & in T. II. Script.  
Rer. Italicar.

(c) Baron. Annal. ad an. 855. n. 50.

(d) Nicol. Alemann. de Paris. Latera-  
nen. p. 119.

rauit vir alioquin eruditissimus. Carolus enim æterna memoria dignus Imperator supremum diem obiit an. dcccxiv. v. Kal. Febr. ; Leo autem non nisi biennio post, nempe pridie Idus Junii an. dcccxvi. Quapropter aperte conitit virum doctissimum Anonymi nostri sensum non recte assequutum, quum ipse aperte significet Pontificis mortem, mortem Imperatoris antevertisse. Sed vitiata Codicis lectione deceptus est vir magnus, qui legit

*Infirmata a Pii morte Leonis ;*

quum tamen perspicue in ipso Codice appareat *Prius* a Librario scriptum fuisse. Idque clarius confirmatur voce illa *Subito*, quam in superiori versu legimus, ex qua nimirum constat tam Imperatorem, quam Pontificem uno eodemque fere tempore vita functos esse; quod sane in Carolo Magno & Leone III. minime contigit, quandoquidem a Carolo Magno vita functo ad obitum usque Leonis III. anni III. menses IV. dies XVI. numerantur :

Quod Leoni IV. supradictum Elogium conveniat, satis etiam innuit Poeta iis versibus :

*Leges a senibus Patribus actas ,  
Quas elapsa diu raserat ætas ,  
Omnes ut fuerant ipse reformans  
Romanis studuit reddere causis .*

Leonem IV. Ecclesiasticorum Canonum restitutorem vel propagatorem præcipuum fuisse, non obscure discimus ex ejus epistola ad Episcopos Britanniae ( *Concil. tom. IX. p. 1027. Edit. Venet. & apud Gratian. dist. XX. cap. 1. )* De bellis & commentariis aliorum non convenit aliquem judicare, & SS. Conciliorum Canones relinquere, vel Decretalium regulas, idest quas habentur apud nos simul cum illis in Canone, & quibus in omnibus Ecclesiasticis utimur Judiciis, idest Apostolorum &c. Isti omnino sunt per quos judicant Episcopi, & per quos Episcopi simul & Clerici judicantur. Quin & in Concilio anni 853 Synodum

## 20 DE NUMMO ARGENTEO

Romanam Eugenii PP. II. non solum confirmavit, sed & ampliavit: *Quidquid ad Sacerdotalem pertinet honorem, immo utilitatem justamque emendationem, nunc dignum magis magisque conveniens est, ut secundum Catholicorum precipuas promulgationes Doctorum Canonumque etiam venerabilium regulas nobiliter enodatas, virute ac sapientia desuper adistente Divina, sine tenus censeamus fore mansurum; Concil. pag. 1128. l. c. & apud Holsten. in collect. Rom. Par. II. p. 50. Sed Leonem IV. non modo SS. Canonum, verumetiam Romanarum legum restitutorem vel cultorem maximum fuisse, discimus ex quibusdam fragmentis apud Gratianum *dist. 10. cap. 9. & 13. & Ivonem part. 4. cap. 181. Vid. Baluzius in pref. ad Capitularia Reg. Francor. num. 21. & seqq.**

V. Post justa funebria Leoni IV. maximo Romani Populi mœrore peracta, mox omnis Clerus universique Proceres cunctisque Senatus ac Populus (a), ad Comititia cogitur, ut alium

sibi

(a) Elect tum in libro Ponticali, tum in Diario Sacerdotum, Cleri, Procerum, Optimatum, Consulum, Judicum, Axiomaticorum, Militum, Civium, & populi Romani consensus in Pontificia electione sepi. confunditur, attamen de jure (quidquid aliter temporum barbaries aliquando rulerit) diversum fuisse Populi & Laicorum consensum a suffragiis, quæ proprie a solo Clero & Proceribus vel filiis Ecclesiæ ferebantur, optime declarat Canon Synodi Lateranensis sub Stephano III. anni 769. *Aff. 3. apud Holstenium in collect. Romana par. 1. pag. 259. his verbis: Sed & hoc sub anathematis interdictionibus decernimus, ut nulli unquam laicorum sive ex manu armata, viri ex aliis Ordinibus præsumant intervenire in electione Pontificis; sed a certis Sacerdotibus, atque Proceribus Ecclesiæ & cunctis Clero ipsa Pontificatus electio præstetur. Et priusquam Pontifex electus fuerit & in Patriarchatum & Altitus, omnes Optimates militum vel cunctus Exercitus, & Civis honesti, atque universa genera*

*leas populi hujus Romana Urbis ad salutandum eum, sicut omnium Domini præparare debeat, & ita more solito Decretum facientes & in eo cunctis pariter concordantes subscribere debent. Et Aff. 17. pag. 264. Si quis resistere præsumserit Sacerdotibus atque Primatibus Ecclesiæ vel cunctis Clero ad eligendum sibi Pontificem, secundum hanc Canonice traditionem, anathema sit. Ceterum ne tumultuans populi audacia Canonice Pontificum electione perturbaretur, a Hlothario Imp. sub Eugenio II. an. 824. constitutum fuisse tradit Deusdedit Cardinalis (in sua Canon. collect. ap. Holsten. loco cit. pag. 209. part. 2.) ut in electione Romani Pontificis nullus sive liber sive servus præsumat aliquod impedimentum facere. Sed illi solummodo Romani, quibus antiquitus concessum est constitutio SS. Patrum, sibi eligant Pontificem. Quod & Otto & Henricus hujus nominis Primi constituerunt ut illis Romanis, quos ad hanc electionem per constitutionem SS. Patrum antiqua adhibere*

con-

sibi Pastorem præficiat (a). Quanto tempore Inter-Pontificium prolatum fuerit, non significavit Anastasius, sive Benedicti nostri Biographus, contentus voce illa *max* perbreve temporis intervallum demonstrasse. Cencius S. R. E. Camerarius, qui sæculo xii. incipiente Pontificum Catalogum conscripsit, indicat cessasse Episcopatum diebus sex; (b) quod intelligi commodè videtur de tempore, quod a Leone mortuo, ad electionem usque [non consecrationem] Benedicti effluxit. Quamvis ceteroquin erret idem Cencius dum scribit Benedictum sedisse annos duos menses quinque, qui ab electione numerati paullo plures esse debent.

Ceterum, quidquid Cencii auctoritati deferendum videatur, frequentius intervallum, quod inter unius Pontificis mortem & alterius electionem servari solebat, triduum erat. Bonifacius enim iii. qui annis 607. & 608. Romanam rexit Ecclesiam *fecit constitutum in Ecclesia B. Petri ... sub anathemate, ut nullus Pontifice vivente aut Episcopo Civitatis sue. presumat loqui de successore, aut partes sibi facere, nisi tertio die depositionis ejus, adunato Clero & filiis Ecclesie: tunc electio fiat, & quem quisque voluerit habebit licentiam eligendi sibi Sacerdote* (c): Quare in Decreto, quod de Pontificis electione ad Exarchum mittebatur, similis formula exprimi solebat: *Triduo enim nobis exiguis in oratione manentibus, ut omnium mentibus celestis dignatio demonstraret quem dignum ad successionem Apostolicæ vicis jubeat eligendum. ejus gratia suffragante & omnium animis inspirante in uno convenientibus nobis ut*

*moris*

consuetudo &c. (ex Anselmo Lucens. ap. Houten. loco cit. pag. 214.) Ceterum quoad Pontificis Romani electionem consulendum est etiam Can. xi. Concil. Romani an. 863. a cl. Muratorio evulgati tom. 2. par. 2. p. 138. *inter Script. rer. Italie.* Et Can. 2. alterius Concil. Romani sub Joanne IX. (Concil. tom. 9. pag. 409. edit. Paris.) his verbis: *Voluimus ut constituendus Pontifex conventibus Episcopis, & universo Clero eli-*

*gatur, exoptente Senatu & Populo, qui ordinandus est, & sic in conspectu omnium celeberrime electus ab omnibus, presentibus Legatis Imperialibus consecratur.*

(a) Sess. 227. 1.

(b) Ex Codice ms. xii. sæculi apud Antonium Franciscum Cornazzanum.

(c) Anastas. in lib. Pontif. in Bonifacio iii. sess. 111. T. I. & IV. Edit. Vaticana.

## 22 DE NUMMO ARGENTEO

*moris est familiaribus Cleri & Plebis , Procerum etiam & militaris presentia ..... concurrit atque consensit electio &c.* (a) Et in Nuncio ad Archiepiscopum Ravennæ: *In unum quippe post triduum, ut moris est convenientibus nobis, idest Sacerdotibus &c.* (b) Et ad Apocrisarium Ravennæ: *Cui post transitum, ut moris est, die tertia conveniatibus nobis, idest Clero &c.* (c) Hinc optime monuit cl. Cajetanus Cennius, statim atque Pontifex supremum diem obiisset, unam omnium sollicitudinem fuisse de Pastore eligendo: *Et quoniam tribus iis diebus vacandum erat jejuniis & precibus, ut fieret digna electio, raro celebres legimus pompas seu ebres Romanorum Pontificum. Cujus rei singulare exemplum præbet Concilium Lateranense [ an. 769 ] Nam Stephanus III. referens mortem Pauli Prædecessoris sui „ Quidam „ do, inquit, Dominus Paulus Papa de hac vita recesserat, omnes „ eum derelinquentes, nisi ego funeris adfuissebam custodiam ob sepul- „ tura tradendum (d). De hujusmodi motibus, qui in novi Pontificis electionibus excitari solebant, consulendi Can. x. & xi. Conc. Romani sub Joanne IX. & Lamberto Imp. (e)*

Mox igitur a morte Leonis, vel 3. vel ad summum 6. post dies eligitur Benedictus. Quo facto narrat idem Biographus, *Clerum & Proceres Romanorum*, ex veteri consuetudine Legationem ad Imp. Hlotharium, & Hludovicum Augg. instituisse. Mos enim jam tunc invaluerat, ut Romanorum Pontificum consecratio non fieret, priusquam de ipsorum electione Imperator certior factus suos *Missos* vel Nuncios Romam misisset, qui solemni Pontificiæ consecrationi interessent. Peculiare nempe hoc fuerat *Advocatie* privilegium, quod inclytæ Carolingorum Genti, de S. R. E. tam bene meritæ, ultro detulerant Romani Pontifices, ut pluribus docuit Apostolicæ Sedis acerrimus vin-  
dex

(a) In lib. Diurno ex Edit. Garnerii  
cap. 1. tit. 4.

(b) *Ibid.* tit. 5.

(c) *Ibid.* tit. 7.

(d) Conc. Lateran. Stephani III. A. 769.  
edente Cajet. Cennio, Romæ 1735. *ibid.*  
pag. xxx. & pag. 4.

(e) Concil. T. 12. p. 405. Ed. Paris.

dex Justus Fontaninius Archiepiscopus Ancyranus. Quanta vero cura, quantoque studio tuerentur Imperatores hoc tam præclarum & singulare *Advocaria* privilegium, qui ignoret puto esse neminem. Hinc enim factum est, ut cum vetullioribus sæculis mos confirmationis Pontificiæ penes Græcos Imperatores adhuc maneret, non ipsius Imperatoris, sed Exarchi tantum Ravennatis assensus Romæ expectaretur: siquidem cum Romani Pontificis consecratio res esset quam maximi momenti, timeri forte poterat, ne Imperatore longissime agente, Clerus ac Populus Romanus, quem Imperatoris assensus diu expectati pertæsum esset, novos cicerent tumultus, vel alium sibi in Pontificem eligerent, vel eum, quem elegerant consecrassent, eoque pacto umbram illam Jurisdictionis, quam Imperatores specie tenus in Romanorum Pontificum consecratione obtinere videbantur, paullatim amitterent. Hæc eadem, vel horum saltem similia prætexebant Regii Advocati in causa creationis S. Gregorii v. l. quos ita loquentes inducit S. Petrus Damiani: *Dicitis quia necessitate constricti & velut angusti temporis brevi spacio coarctati, nequaquam potuistis in electione Pontificis expectare consensum Regia Majestatis.* (a) Ideoque probe agebat S. Petrus Damiani epistola 20. libri 11. Romani Pontificis consecrationem expectandam esse *usque dum Regia Celsitudinis consulatur auctoritas, nisi periculum fortassis immineat, quod rem accelerare quantocyns compellat.* Idem jam ante contigerat in creatione Sergii 11. A. DCCCXXXIV. Is enim cum a Romanis inconsulto Hlothario Imperatore consecratus fuisset, *Hlotharius* [ut expresse nos docent Bertiniani Annales] *filium suum Hlodovicum cum Drogone Mediomatricorum Episcopo dirigit, acturos, ne deinceps decedente Apostolico, quiquam illic præter sui iussionem, Missorumque suorum præsentiam ordinetur Antistes.* Idem quoque tunc accidit quum

A.

(a) Baron. ad A. 1073. num. 49.

## 24 DE NUMMO ARGENTEŌ

A. DCCCXLVII. Sergio II., Leo IV. Benedicti nostri præcessor in Apostolica Cathedra fuit susceptus. Romani enim quum periculum Romanæ Urbis maxime metuerent, ne iterum ut olim aliis ab hostibus fuisset obsessa, hæc timore & futuro casu perterriti, eum sine permissu Principis Præsulem consecraverunt (a). Ex eo igitur quod in duorum præcedentium Pontificum consecratione acciderat cautior factus Hlotharius, ne privilegium suæ Advocatiæ & Imperialis Dignitatis amitteret, utque omnem Romanis adimeret cujusque prætextus occasionem, Jus omne, quod sibi competere censebat circa Pontificias consecrationes, transtulit in Hludovicum filium, quem A. DCCCXLIX. in consortem Imperii adscitum, A. DCCCL. a Leone IV. Pont. Max. Imperatoria corona donari curaverat (b). Eidem vero jam antea ab A. DCCCXLIV. omnem Italici Regni procuracionem concesserat, eo quod Hlotharius in remotis Franciæ Orientalis partibus degere necesse haberet. Quod autem Hludovicus in Italia Regio & Imperatorio more omnia administraret, ostendunt & Privilegia, quæ ab ipso concedebantur, & Conventus seu *generalia Regni Procerum & Episcoporum Placita*, Capitularia in ipsis edita A. 854. & 855 (c); Sed imprimis tuendæ Ecclesiæ Romanæ operam dabat [quod proprium *Advocatiæ & Imperatoriæ* Dignitatis munus erat] velut ex serie Actorum in Causa Depositionis Anastasii Presbyteri liquido apparet. Quare & quæ ad Jura hujus *Advocatiæ* spectabant, nempe ad *Fidelitatem* populi Romani, de qua inferius cap. 2. n. 16. & 17. erit sermo, ipsi a Daniele (d) Magistro militum delata fuere, ideoque nil mirum si ex iis quæ nunc allaturi sumus appareat, quod erat

(a) Anastasius in Leone IV. sect. 497.

(b) Pagi ad A. 844. num. 2. & seqq.

P. Allezatus in Dissert. de Lothar. & Ludovico Episcopi edita post Mancelii Opusculum

de obsidione Brixia.

(c) Baluz. Capitularium Reg. Franc. T. II.

pag. 347. & 355.

(d) Anastasius in Leone IV. sect. 554.

erat de Romanorum Pontificum consecratione Hlotharium eidem Hludovico filio reliquisse.

VI. Scribit Biographus, quod electo Benedicto statim Clerus & cuncti Proceres *DECRETUM* componentes propriis manibus roboraverunt, & [consuetudo prisca ut poscit] invictissimis Lothario & Ludovico destinaverunt Augustis (a). *DECRETUM* dicebantur Litteræ, quibus Clerus & Populus Romanus electionem Pontificis Imperatori nuntiabant, quarum certas habemus formulas in libro Diurno (b). Inscriptum vero hoc *DECRETUM* fuerat tum Hlothario, tum Hludovico Augg., siquidem ambo Romanum Imperium moderabantur, eodemque *Patriciatus*, & *Advocatus* erga Romanam Ecclesiam honore fruebantur. Soli tamen Hludovico tum in Lombardia agenti redditum fuit, eo quod, ut jam diximus, Patre in Francia commorante ipse Italici Imperii gubernacula teneret. Scimus autem factum superioribus temporibus, ut, quum duo vel plures essent in Oriente & Occidente Imp., si quid vel Operum publicorum, vel Legum ab uno eorum conderetur, utriusque, aut omnium nominibus inscriberetur: Quemadmodum quum Hludovicus Pius Hlotharii nostri pater filium suum in consortem Imperii [nempe in omni potestate & honore, in omni conscriptione, & *Nominate* (c)] adscivit, quotiescumque aut quocumque Imperiales Litteræ mitterentur, auctoritatem Imperatorum nomina continebant, ut testatur Agobardus (d) in Epistola ad eundem Hludovicum. Hac eadem plane ratione *Decretum* Populi Romani, etsi ad unum Hludovicum perferendum erat, attamen utrisque Augustis inscribi debebat, qui parem in Pontificia consecratione

D ne

(a) *Scil.* 558. lin. 9.

(b) *Liber Diurnus Rom. Pont.* cum notis Jo. Garnierii. Vid. etiam Du-Cange in *Gloss. v. Decretum*.

(c) *Palschius in vita Vale Corbei* L. 2.

n. xvii. cap. 3. apud Mabillonium *Sac. Benedicti*. iv. part. 1. pag. 113.

(d) Agobardus in *epistola ad Hludovicum Imp.* T. 2. pag. 350. *Hist. Francor. Script.* Du-Chesnei.



## 26 DE NUMMO ARGENTEO

ne auctoritatem seu privilegium habere dicerentur . Ex quo etiam factum est , ut Legati Imp. Hludovici (a) , *Augustorum Iussiones* Romam detulisse dicantur , amborum nempe Augustorum nominibus vel inscriptas epistolas vel auctoritate munitas ; qui iidem Legati alioquin modo *Casaris* , modo *Imperatoris* , modo *Augusti* a Biographo dicuntur , quia ab uno *Casare* aut *Imperatore* vel *Augusto* Hludovico mittebantur .

Ceterum Legatos Pop. Rom. soli Hludovico *Decretum* electionis *Benedicti* reddidisse disertis verbis ab eodem Biographo testatum habemus , cui tanquam homini Romano & forte etiam æquali , fides est omnino adhibenda . Ita enim scribit sect. 558. lin. 8. *Euntes itaque Hludovico Decretum benignissimo Casari dantes &c.* sect. 559. lin. 10. *Missi , qui Imperatori nostrum Decretum benignissimi de electione Benedicti porrexerant &c.* De epistolis vero , quas Imperatoris Legati Romam attulerunt , hæc habentur sect. 558. l. 20. *Epistolas eidem insigni obtulerunt Electo , quibus Augusti continebantur responsa ,* sect. 561. lin. 1. ut [ Pop. Romanus ] *obviam illis trans Milvium Pontem Imperatoris iussionibus irent .* Ceterum ne temere ita loquutum fuisse Biographum ullo modo arbitremur , qui paullo ante *Decretum* utrisque Augustis Hlothario & Hludovico inscriptum fuisse retulerat . In homine Romano & cœtaneo nihil tale suspicandum . Primum enim saltem certissime evincitur ex iis verbis quibus Legatos Pop. Rom. Hludovico *nostrum Decretum de electione Benedicti* reddidisse scribit .

VII. Hludovicum Imp. in Italia tunc & forte in Lombardia commorasse diximus , ibique *Decretum* electionis *Benedicti* eidem traditum a Legatis fuisse . Sed quam demum in urbe degeret , incertum prorsus arbitror esse . Adfuerat quidem hoc anno 855 pridie nonas Februarias  
Ti-

(a) Anast. , *sect.* 561. 32.

# BENEDICTI III PONT. MAX. 27

Ticinenſi Concilio, quod refertur a Baronio (a) ; ſtatim-  
que poſt celebratam Synodum Mantuam diverſit, ubi  
6 Idus ejuſdem menſis Privilegium quoddam Patavino Epi-  
ſcopo dedit (b). Inde Romam, ut narrat Benedicti III.  
Biographus, paulloque ante retulimus, a Gratiani tumultus  
ſedandos ſe contulit (c); Perſectiſque ex animi ſententia  
rebus jam tum diſceſſerat cum Sanctiſ. Pontifex Leo III.  
die xvii. Julii vita functus eſt, non multis diebus poſt  
quam Hludovicus abierat. Videtur autem mihi veri lon-  
ge ſimilius eum denuo in Lombardiam reſiſſe, quod po-  
tiores in ea regione haberet Regni partem, & Ticini ple-  
rumque conſedere ſolerent Italici Reges. Quare iis, quæ  
ſequebantur, Kalendis Novembribus Ticini adhuc mora-  
batur, quandoquidem ibidem eo ipſo die Diploma quod-  
dam pro Aquilejenſi Patriarcha conſignavit (d).

Itaque in Lombardia degens Imp. accipit DECRE-  
TUM electionis Benedicti III. a Legatis Populi Romani,  
quibus deinde ſuas ad Electum litteras ex more tradit (e):  
atque interim ſuos etiam Legatos vel Miſſus, qui Pontifi-  
ciæ conſecrationi nomine ſuo intereſſent, Romam mittere  
parat. Quo tempore prædicti Romanorum Legati jam  
Romam reverſi (f), adventumque Miſſorum nunciantes  
Imperialium, epistoſas eidem inſigni obrulerunt Electo [h. e.  
Benedicto] quibus Auguſti continebantur reſponſa. Et poſt ali-  
quot quoque dies, ipſi quos prænuſciaverant Miſſi (Imperia-  
les) Hortam, quæ xxx. milliario a Roma diſtat, proper ve-  
runt (g).

VIII. Eſt autem operæ pretium ſcire, Romanorum  
Legatos dum ad Imperatorem pergerent, Eugubioque per-

D 2

tranſi-

(a) Baron. ad A. 855. n. 3. & Concil.  
T. vii. l. p. 58. Edit. Lutet. Pariſ.

(b) Muratori Ant. Med. & Evi T. xl.  
pag. 55.

(c) Anaſtaſ. ſeſt. 554.

(d) Apud Ughell Ital. Sacr. T. v. p. 89.  
Lunig. Cod. Ital. Dipl. T. xl. p. 1943.

(e) Anaſtaſ. ſeſt. 558. l. 20.

(f) ſeſt. 556. l. 2.

(g) ſeſt. 559. l. 1.

## 28 DE NUMMO ARGENTEO

transirent, cum Arsenio illius urbis Episcopo consilium iniisse, ut quendam Anastasium Presbyterum, quem Leo IV. multorum scelorum reum jam Sacerdotii honore privarat, perculeratque Anathemate, in Petri Cathedra collocarent. Eugubio denuo iter ingressi, Imperatorem quidem adierunt, eique (consilium Eugubii captum callide tegentes) Decretum electionis Benedicti obrulerunt. Verum, quo excogitatum facinus reipsa perficerent, Imperialibus Missis persuaferunt, ut sibi & Anastasio operam darent. Hinc Romam reversi Clerum & universos Reipublicæ Ordines ita hortabantur dicentes: *Omnes in obviam Imperialibus simul nobiscum exire studete Legatis, quatenus Augusti iussionibus obedientes existere valeatis (a)*. Res pro voto sane cecidit. Pervenerunt enim Hortam Imperiales Legati, ibique statim sese cum Anastasio conjunxerunt. Missi quoque Romanorum mentibus cognitum conceptum habentes consilium, cum aliis quibusdam Romam egressi Nobilium, idest Gregorio, Christophoroque Magistris militum, obviam quasi Imperatoris Legatis profecti sunt, Hortamque properantibus Electo damnato (Anastasio) se conjunxerunt, depressoque Presbytero hac sub occasione multi concedentes ab Urbe similiter peregrerunt (b). Horta deinde egressi Imperiales Legati cum ceteris qui Anastasio favebant, Romam petunt, ac violenter irruunt, primo quidem in Basilicam Principis Apostolorum, deinde in Lateranensem Patriarchium, unde ejectum Benedictum in vincula & in custodiam tradunt. Septimam tum feriæ cursus peragebatur (c). Brevi tamen, Deo ita volente, omnia ad tranquillitatem redacta sunt, nempe feriæ quæ sequebatur tertia; itaut expleto triduo quartæ, sextæ, & septimæ Feriæ jejunio, Dominico die Benedictus feliciter consecratus fuerit (d).

IX. Ha-

(a) Anastas. Sess. 58. l. 1. 23.

(b) Sess. 59. l. 10.

(c) Sess. 56. l. 19.

(d) Sess. 59. l. 11.

IX. Hactenus ex historia, quæ gesta sunt, narravimus: nunc tempora paullo accuratius sunt expendenda, ut diem consecrationis Benedicti III., de qua prorsus silent veteres Scriptores, quæ fuerit, probabili saltem conjectura assequi possimus. Etsi enim in pluribus libri Pontificalis editionibus nihil exitet de Inter-Pontificio, quod inter Leonem & Benedictum nostrum intercessit, in uno tamen Codice Mss. apud Fabrotum, itemque in tribus aliis Regio, Mazarino, ac Thuanæo (a) post vitam Leonis IV. diserte hoc additur: *Cessavit Episcopatus mens. 11. dies xv.* Præ ceteris vero plurimi videtur mihi fieri debere Catalogum vetustissimum Romm. Pont. (b), ex Codice Farfensi (x1. quidem sæculi) descriptum, sed multo ante concinnatum, nempe anno circiter 855, deinceps vero ad A. usque 984 ab alio productum. Continet enim omnium Pontificum nomina usque ad Benedictum VII., qui prædicto A. 984. vita functus est. Sed diversa plane ratione recensentur Pontifices qui Benedictum III. præcessere, atque ii qui postea vixerunt. Ad illos enim singulos adjungitur *cessatio Sedis*, sive Inter-Pontificii tempus, quod inter binos quosque intercessit: non item ad ceteros qui Benedictum III. consequuti sunt. Quo facile suspicor primum illum Catalogum circa tempora Benedicti III., productionem vero temporibus Benedicti VII. confectam fuisse. In hoc igitur antiquissimo, &, ut verius dicam, ætate Benedicti III. confecto Catalogo notatum invenitur *Leo [III.] ann. 8. m. 3. d. 6. Cess. m. 2. d. 15.* His adde Catalogum IV. Colbertinum circa A. 1126 elaboratum, in quo legitur *Cess. Episc. m. 11. d. 15.* (c): ut duos etiam præteream Anastasianos Codices Mss., nempe 2017 Bibl. Barberinæ

(a) Anastas. Bibl. Edit. Reg. A. 1649 p. 290. cura V. Cl. Fabroti. Idem Edit. Vatic. Tom. I. pag. 329 in Var. Læd. ad f. 133.

(b) Opusc. x111. p. cxvii. Tom. 11. in Prelegom. ad Anastasium Edit. Vatic.

(c) Apud Pagium in Appar. ad Critic. Baron.

### 30 DE NUMMO ARGENTEO

rinæ vitas Pontificum ad Honorium usque 11. complectentem , & Farnesianum E. 4. n. 21. usque ad Martinum V., in quibus post Leonis IV. obitum diserte legitur *Cessavit Episcopatus mens. 11. dies xv. (a)* .

Quibus animadversis , in eam , quæ est utriusque Paggi (b) , sententiam libenter adducor , ut existimem Benedictum nostrum mensibus 11. , ac diebus xv. post mortem Leonis IV. , atque adeo die 29 Septembris ( quæ fuit dies Dominica ) solemnî Pontificali consecratione insignitum fuisse .

X. Hoc autem constitutum temporis intervallum iis omnibus sufficere videtur , quæ ante ejusdem Benedicti consecrationem contigisse a Biographo memoriæ proditum fuit , quæque nimium esset operosum exiguo unius mensis & dierum 15 spatio concludere velle , ut placuit Cl. Papebrochio qui Benedicti nostri consecrationem Kalendis Septembribus assignavit. Elto enim electus fuerit *mon* ab obitu Leonis , nempe tertium , vel sextum post diem quemadmodum supra (c) ratiocinati sumus : Demus menssem unum consumpsisse Romanorum Legatos , dum Imperatorem Papiæ , vel Mantuæ , vel alibi agentem convenirent , dumque inde Romam ad diem Augusti 23 vel 24 redirent : demus *aliquot post dies* ( nempe 5 vel 6 ) Imperatoris Legatos Hortam pervenisse , quos tamen ibi aliquandiu moratos esse oportet , dum se ad iniquum illud de Benedicto tollendo & Anastasio intrudendo consilium compararent : prætereaque demus eos Horta Romam profectos , Feria septima ( 31 Augusti ) Lateranense Patriarchium invasisse , quumque Feria tertia sequenti ad tranquillitatem omnia revocata fuissent , die demum Dominica ( 7 Septembris ) Benedictum consecratum fuisse . Ex quo illud existit

(a) Cod. 2057 membr. Bibl. Barberina. n. 20. Franciscus Pagi in *Breviar. Gestor.*  
Cod. Farnesian. membr. signat. E. 4. 21. Pont. Rom. in *Bened.* 11 l. n. 2.

(b) Pag. in *Critic. Baron. ad A. 855.* (c) Num. 5. hujus capituli .

existit fieri non posse, quin integra rerum series ad 7 usque Septembris diem producat. Rem tamen consideranti parebit, unius mensis spatium angustius esse, quam ut possent Romanorum Legati ire ad Imperatorem & redire, propterea quod nec recta nec celeriter potuerunt iter conficere: qui enim celeriter potuerunt, qui in eo toti se occupaverunt, ut ex itinere tantum facinus adversus Benedictum conflarent, fautoresque Anastasio quærerent? ex quo factum est, ut de via publica & militari Eugubium diverterint [ Urbem sitam in Apenninis extra cursum viæ publicæ, velut in antiquis Itinerariis Tabulis videri potest ], ut cum Arsenio ejus Urbis Episcopo de effrendo Anastasio consultarent.

XI. At negotium facessit doctissimo Papebrochio (a) quod legitur apud Benedicti Biographum in libro Pontificali, Romæ ingentem Tiberis alluvionem factam fuisse *In mense quinto consecrationis hujus præclari Pontificis, 6 die Januarii* (b); ex quo ipse concludit prædictam consecrationem diem 6 Septembris antecessisse. Optime quidem, si certum esset menses completos hic ab auctore designatos fuisse. Ut enim observat Pagius, nosque pluribus exemplis infra adducendis magis confirmabimus, non raro Scriptores in indicandis annis Imperii, Principatus, aut hujusmodi aliis, proleptice eos numerando, primum designentem, & ultimum incipientem pro integris posuere. De quo more apud veteres Ethnicos & Judæos Dionysius Petavius, Antonius Pagius, Henricus Norisius, Natalis Alexander, ac omnium recentissimus Thomas Monellius (c) sunt omnino consulendi. Ad Scriptores vero inferioris ævi quod attinet, exemplum suppeditat Pagius (d) ex Animalibus Fuldensibus, in quibus Rhabanus Moguntinus Episcopus

(a) Papebroch. in *Comatu Hist. Chronolog. Rom. Pontif.* in Bened. III.

(b) *Ibid.* 168. 9.

(c) Monellius in *Dissert. de Annis Christi.*

(d) Pagius in *Baron.* ad Ann. 836. num. 6.

### 32 DE NUMMO ARGENTEO

scopus annos viiil. sedisse refertur; quem annorum numerum si retineamus, numerandi erunt pro completo anno postremi sex, vel septem menses A. 847, quo fuit Episcopus consecratus. Eundem igitur plane morem Benedicti II. Biographum servasse censeo, ut, nempe in designandis mensibus ab ejus consecratione, menses tantum Julianos, quos usque ad diem 6 Januarii attigit Benedictus, respexerit; adeoque postremos Septembris dies, ex quo Pontifex sacra Ordinatione fuit insignitus, pro integro mense proleptice numeraverit.

XII. Res autem erit magis magisque explorata, si morem, quem in Regiis & Imperialibus *Cancellariis* scimus usurpari consuevisse, paullo diligentius consideremus. Non raro enim, hujusmodi prolepsi adhibita, minime completos annos vel menses pro integris numeratos fuisse apparet. Otto Magnus Regnum obtinuit initio Julii an. 936. Die vero 22 Januarii (a) Diploma edidit, in quo annum Regni 31 consignat, quum tamen non nisi 29 annos, 6 menses cum aliquot præterea diebus percurrisset. Quum enim postremos illos 6 menses an. 936 pro completo anno numerasset, hinc factum est, ut Kal. Jan. an. 966 non 30. Regni sui annum, prout dicere debuisset, sed 31 consignarit. Complura hujusmodi exempla prostant in Diplommatibus Henrici I. (b) in aliis ejusdem Ottonis (c), & filii ejus (d), ac Henrici I<sup>st</sup> (e), Conradi II. (f), Henrici II. (g), Henrici IV. (h), ac Hlotharii II. (i), quæ omnia, ne lectores tædio afficiam, apud Auctorem Chronici Gotwicensis consulenda relinquo. Aliqua tamen non prætermittam, quæ morem sæculi IX. quo vivebat Biographus

(a) ap. Miræum in notit. Eccl. Belg.  
cap. 62.

(b) Chron. Gotwicens. T. I. p. 154.

(c) id. 188.

(d) Pag. 207.

(e) Pag. 243.

(f) Pag. 260.

(g) Pag. 277.

(h) Pag. 304.

(i) Pag. 343.

phus noster, magis magisque confirmet.

Hludovicus Pius regnare coepit 5 Kal. Febr. A. 814. ea ipsa die, qua Carolus M. obiit; proindeque clarum est, eum 3 Nonas Jan. A. 824. *Decimum* Regni annum adhuc egisse, Idib. Jan. A. 829 xv., 10 Kal. Febr. A. 839 xxv. & 13 Kal. Febr. A. 833 xix.; attamen in vetustis Monumentis xi. (a), xvi. (b), xxvi. (c), & xx. (d) ejusdem Regni sui annos proleptice signatos legimus.

Hlotharius A. 823 die Paschatis [5 Aprilis] a Paschali PP. Romæ Imperator coronatus est (e); ideoque 3 Nonas Januariæ Anni sequentis 824 adhuc in primo Imperii sui anno degebat, cujus novem tantum menses effluerant. At in quodam Diplomate Annum Imperii non primum, sed *Secundum* signare maluit (f). Item A. 833, 18 Kal. Februariæ Annum Imperii *Undecimum* notavit, etsi Annos ix. mens. ix. dies xi. tantum percurrisset (g). Post mortem autem Patris, quæ die 20 Junii A. 840 evenit, duplicem Epocham signare consuevit, Regni nempe Francici quod post obitum Patris obtinuit, & Italici quam tamen Epocham ab A. 820 deduxit. In Annis Francici Regni computandis prolepsi eum sæpe usum novimus. Nam & Nonis Februarii A. 842 Annum *Tertium* (h), & Idibus Maji A. 845 Annum *Sextum* (i), & Nonis Maji A. 846 Annum *Septimum* (k), & 5 Kal. Mart. A. 853 Annum *Decimumquartum* (l) illius Regni signavit; quos omnes tamen nondum attigerat, adeoque omnes proleptice numeratos constat. Hæc quoad

E

Epo-

- |   |  |
|---|--|
| (a) Apud Ughellium in <i>Italia Sacra</i> T. v. pag. 349.           | Chesa. <i>Hist. Franc. Script.</i> T. 11.                  |
| (b) Apud Mabillon. <i>Annal. Bened.</i> T. 11. lib. 30. num. 29.    | (f) Apud Ughell. loc. cit.                                 |
| (c) Apud eundem <i>de Re Diplom.</i> pag. 103.                      | (g) Apud Murator. loc. cit.                                |
| (d) Apud Maratorium in <i>Antiq. Ital. med. ævi</i> T. 1. pag. 459. | (h) Apud Martenium <i>vet. Monum.</i> T. 1. pag. 103.      |
| (e) Eginhardus in <i>Annal.</i> apud Du-                            | (i) Apud Herrgott <i>Origin. Habsburg.</i> T. 11. pag. 26. |
|   | (k) Apud Martenium l. c. pag. 115.                         |
|   | (l) Ibidem pag. 129.                                       |



### 34 DE NUMMO ARGENTEO

Epocham Francici Regni; quoad Italici vero, incomper-  
tum habemus a quo mense An. 820 eam deduxerit. Pa-  
gius mense Majo eam collocasse videtur (a), Mansius  
aliquanto citius (b); quibus tamen minime acquiesco:  
nam etsi in vetustis Chartis & 5 Kal. Martias A. 853 An-  
nus *Tricesimus quartus* (c), & 8 Kal. Martias A. 852 An-  
nus *Tricesimus tertius* (d), & 6 Idus Febr. A. 855 An-  
nus *Tricesimus sextus* (e), & Nonis Febr. A. 842 Annus *Vi-  
cesimus tertius* (f) ejus Regni numerentur [ qui ante No-  
nas Februarias A. 820 desumpti viderentur ], nullo tamen  
argumento adduci possumus, ut eosdem integre potius &  
complete, quam proleptice usurpatos fuisse existimemus.

Hæc si animadvertisset Astezatus in Dissertatione de  
Epochis Hlotharii & Hludovici Augg. (g), nequaquam  
Epocham Regni Hludovici II. removisset, prout fecit,  
ab A. 844 cujus die 15 Junii a Sergio II. P. M. Regni Co-  
ronam suscepit (h). Nam Diploma quod attulit Sigonius  
datum 8 Idus Febr. A. 849, Annum Hludovici VI. designat,  
qui utique non ab A. 843 ut Astezato placuit, sed ab 844  
proleptice est numerandus. Idem vero Hludovicus in aliis  
suis Diplomatis Imperii annos proleptice nonnun-  
quam usurpavit (i), quos hic longius recensere non vacat.

Quibus omnibus satis abunde satisfactum arbitror  
cl. Papebrochio, adeout probabiliter affirmari possit  
Biographum Benedicti II. illius Pontificatus mensem V.  
proleptice usurpasse; ideoque ipsius consecratio nequa-  
quam a die 29 Septembris erit dimovenda.

CA-

(a) Pagi in *Baron. ad A. 821. n. 2.*

(b) Mansius in *not. ad Baron. A. 821.*  
n. 1. T. XIV. pag. 19. Edit. Lucens.

(c) Apud Martenium l. c. pag. 129.

(d) Apud Muratorum l. c. T. I. p. 808.

(e) Ibidem pag. 55.

(f) Apud Martenium l. c. pag. 103.

(g) Exstat ad calcem Mancini de *Obse-*

*dione Brixia* pag. 104.

(h) Lib. Pontificalis in *Sergio II. fest.*  
488.

(i) Hæc Diplomata vide apud Sammar-  
thanos in *Gallia Christ. T. I. Diss. p. 138.*  
apud Muratorum l. c. T. I. pag. 585, &  
apud Ughellium *Ital. Sacr. T. VII. p. 44.*

## C A P. II.

I. *Benedicti III. consecratio male a quibusdam A. 856 consignata.*

II. *Refutantur : & illius tempus penitus servatur .*

III. *Hlotharius Imp. obiit die 28 Septembris A. 855 .*

IV. *Primis post ejus mortem diebus percussus evincitur*

*Nummus noster , V. ex quo intervallum omne pro Joanna*

*Papissa collocanda penitus excluditur . VI. Nummi ejus-*


*dem sinceritas , VII. qui Benedicti III. certissime tri-*

*buitur . VIII. Corbejense Privilegium adducitur , IX. &*

*propugnatur . X. Theophylactus Secund. cerius eidem. sub-*

*scribit . XI. De Secundiceris S. R. E. plura notatu digna*

*proferuntur . De duplicis nominis usu .*

- I.  Uccasso igitur post Leonis III. mortem in Apostolica Petri Cathedra Benedictus III. tam brevi temporis intervallo Anno Æræ Christianæ 855, nullus plane remanet locus, qui Joannæ Pseudo-Papissæ assignari possit; quandoquidem inter Leonem & Benedictum ejus Pontificatum incidisse volunt ejus defensores, etsi, ad annum quod attinet, non omnes inter se consentiant. Quidam enim inter Augustum A. 853, & Januarium A. 856, alii post A. 854, alii A. 855. Quam autem probe animadverterent Frid. Spanhemius ceterique ejus asseclæ priorem sententiam defendi non posse, eo quod Synodus Romana die 8 Decembris A. 853 Leone adhuc superstite celebrata fuerit, non item alteram & tertiam, quæ Nicolai I. creationem suo loco nimis absurde dimoverent, hanc suo sibi ingenio confinxere, qua Joannæ suæ Pontificatum, contra ac Apostolicæ Sedis defensores contendunt, esse ab se bene constitutum arbitrantur; nempe mense Augusto

### 36 DE NUMMO ARGENTEO

A. 854 obiisse Leonem, eique successisse Joannam ad Septembrem usque A. 856, quo demum Benedictus 111. creatus fuerit.

Fuerunt alii quidem, qui Benedicti creationem in A. 856 incidisse censerent, inter quos plures ex iis Chronographis numerandi sunt, qui, quum temporibus barbarie obstitis vixerint, vix digni sunt, qui nominentur. Nam præterquam quod Benedicti 111. temporibus multo recentiores fuerunt, libros suos non ex probatis certissimisque Monumentis concinnarunt, sed quæcumque sibi ad manus essent, nullo delectu, nullo iudicio, in iis confarinarunt. Launojus quidem (vir ceteroquin eruditissimus) fortasse horum Scriptorum lectione deceptus dixerat, Benedictum 111. mense Septembris A. 856 Pontificalem Cathedram ascendisse. Sed non est cur Launoji auctoritatem tam magnifice extollere nitantur Adversarii, quem ego plurimi facio, si quæ scribat Monumentorum ope confirmet. Est autem animadvertendum, id Launojo è calamo excidisse, quum alia pertractaret: neque enim id tum agebat, ut tempus quo Benedictus Pontifex creatus fuit definiret, sed rem longe aliam ad manus habens, eique accommodatum quandam ex Benedicti epistolis locum afferens, obiter adjunxerat: *Benedictus 111., cujus initium Pontificatus in A. 856 incurrit, in epistola ad Hincmarum &c. (a).*

II. Ut Marefio tamen, Spanhemio, Lenfantio aliisque adversariis, qui Benedicti 111. consecrationem in A. 856 contulerunt, plane satisfaciamus, illud imprimis est observandum, Hlotharium Imperatorem in vivis adhuc egisse, quum Clerus & Populus Romanus Decretum electionis Benedicti Legatis suis ad Hludovicum Imp. traderent. Inscriptum enim erat *Inviçissimis Hlothario & Hlu-*

(a) Launojus in epistola ad Th. Rullandum. Epistolæ. par. 11. p. 54. prima Edit.

*Hludovico Augustis*, ut supra exposuimus sequenti ejusdem Benedicti Biographum, Romanum & æqualem Scriptorem. Quod si tempore electionis Hlotharius adhuc superstes erat, attamen eundem ante Benedicti consecrationem decessisse diserte tradit æqualis alter & gravissimus auctor Ado Viennensis Episcopus, vita functus A. 875, (a) aut alius ejusdem Chronici continuator, non multum ille quidem hac ætate posterior his verbis: „Pontifex Romanus Gregorius moritur, atque ejus loco Sergius ordinatur; illo defuncto succedit Leo, quo obeunte Benedictus in Sede Apostolica substituitur *jam tamen defuncto Lothario Imp.* (b) „ Quæ item verba referuntur in alio etiam ejusdem ætatis Fragmento apud Andreæ Du-Chesnium (c). Certa igitur Nota, & veluti Character, quo tempus electionis, nec non consecrationis Benedicti III. recte constitui & definiri possit, Hlotharii Imp. obitus, qui inter utramque contigit, profecto esse videtur. Quare hujus Imperatoris mors, quonam die acciderit, est primum a nobis diligenter investiganda.

III. Cum Hlotharium Imperatorem scelerum suorum poenituisse, induissetque mense Septembri A. 855 in celeberrimo Prumiæ Coenobio [quod V.M.P. distat ab Urbe Treveri] Monachi habitum, paucos post dies satis concessit. Quarto Kal. Oct. ejus obitum contigisse tradunt Annales Bertiniani (d), quo etiam die notatur in Necrologio Laureshamensi (e); sed discrepant ab hisce Monumentis Metenses Annales, qui diem 3 Kal. Octobris notant; quibus consentiunt & Petrus Bibliothecarius, & vetustissi-

(a) Consulend. Pagius in *Critica Barm.* ad A. 878. num. 2.

(b) Ado Viennens. in Chronico T. xvi. pag. 809. Bibl. PP. Lugdunens.

(c) T. II. *Hist. Francor. Script.* pag. 92. 407. 408.

(d) Annal. Bertiniani ad A. 855. Lotharius Imp. vita decessit 4. Kalend. Oct. atque in eodem Monasterio (Prumiensi) sepulturem ut desideraverat: consecutus est.

(e) ap. Schaghat. *Vindem. Litter.* p. 59.

### 38 DE NUMMO ARGENTEO

tutissimum Diptychon Fuldense IX. (ut arbitror) vel X. Sæculi (a), in quo legitur Obitus seu Depositio *Hluderi Rex* 111. Kal. *Octobris*. His addere liceat præstantissimum insignis Monasterii Romaricensis Necrologium A. 876 vel 882 primo consecutum, quod annuentibus clarissimis hujus Monasterii Sanctimonialibus mea opera fortasse vulgabitur. Ex hoc enim insigni Monumento, tum antiquissimi hujus Monasterii Historia, tum Antiquitatis non pauci ritus mirifice illustrabuntur; Catalogus Abbatissarum proferetur hætenus incognitus; tribus primis a sui origine sæculis Monasterium hoc nequaquam Regulæ S. Benedicti paruisse contra Mabilonium (b) demonstrabitur; apparebit quibus bonis & Piorum Donationibus ditatum fuerit; quod societatem habuerit cum celeberrimis Monasteriis Indensi, Malmundariensi & Stabulensi, Morbacensi, Insulanensi, Laubiensi, & (quod nostra præcipue interest) cum ipso illo Prumiensi, in quo Hlotharius defunctus est. Plurimam igitur huic Necrologio fidem censeo adhiberi debere: fortasse enim Romaricenses Sanctimoniales a Prumiensibus Monachis, inter quos Hlotharius Imp. obiit, diem ejus anniversariam didicerunt. In hoc igitur pag. 46. legitur ad diem 111. Kal. Octobr. *Obiit Dominus Lotharius Rex*. Quæ autem in hætenus recensitis Monumentis differentia conspicitur in eo fortasse versatur, quod in quibusdam diei Obitus (qui fuit 4. Kal. Oct.) in aliis vero Depositionis (3. Kal.) ratio habita fuerit. Quæ consilio non semel in sacra profanaque Historia solet occurrere. In Necrologiis enim (ut plurimum) dies depositionis notari solebat. Quemadmodum etiam accidisse non injuria suspicor, in ejus Epitaphio, quod a Rhabano Mauro concinnatum cl. Christoph. Browerus e veteri

(a) ap. Schannat. l. c. cit.

(b) Lettre de Dom Jean Mabillon à Paris 1687.

no de ses amis touchant le premier In-

veteri Codice Fuldenſi in lucem protulit [a]: In hujus enim ſine legitur 11. Kal. Octob. Illud igitur jam ſtatua-  
mus, Hlotharium 4 Kal. Octobris obiſſe, poſteroque die  
depoſitum fuiſſe; vel nocte, quæ inter utramque diem in-  
terceſſit, Naturæ debitum perſolviſſe. Quoniam vero, ut  
ſupra demonſtravimus, Benedict. 11. conſecratus fuit 3 Kal.  
Oct., liquido conſtat altera poſt Hlotharii obitum die Pon-  
tificale Solium conſcendiſſe; ideoque recte congruere quod  
notatum fuit in Adonis Chronico, Benedictum 11. in Apo-  
ſtolica Sede conſtitutum fuiſſe *jam tamen deſuncto Hloth. Imp.*

IV. Nondum autem Præmia Romam nuntius de Hlo-  
tharii morte pervenerat, quum Benedictus 11. Pontifi-  
cali jam dignitate inſignitus pro more Deceſſorum ſuo-  
rum, & in ſummæ Potēſtatis argumentum, Nummos cu-  
dere coeperat. Primis ergo illis poſt ſuam conſecrationem  
diebus cuſus ab eo fuit Nummus, quem nos primum in  
lucem proferimus, & fronti hujus Diſſertationis præfi-  
ximus. In anticæ partis gyro S. Petri nomen, in medio  
autem Monogramma ex implicitis B.E.N.P.A litteris con-  
ſtatum, *BENEDICTI PAPAE* nomen clare exprimens, inſcri-  
bitur. In averſa vero parte conſpicitur *HLOTHARIUS*  
*IMP.* cum Monogrammate quod legitur *P.I.V.S.* Nam quum  
ea jam obtinuſſet conſuetudo, ut Romani Pontifices ho-  
noris cauſſa Imperatoris, cujus ſub *Advocatia* ac tutela  
Romana erat Eccleſia, in ſuis nummis Nomen inſculpe-  
rent, hunc morem retinens Benedictus, in Nummis  
quos ſui Pontificatus initio cudit, Hlotharii Imp. [ qui  
adhuc ſuperſtes Romæ exiſtimabatur ] Nomen ſigna-  
ri voluit; quemadmodum & Hludovico Imp. ejus filio  
eundem impertitus eſt honorem in tribus aliis Nummis,  
quos poſt nunciatum Hlotharii obitum, vel antea quo-  
que [ ut par eſſet utriſque Imperatoribus honor ] percuf-  
ſiſſe exiſtimo.

V. Qui-

(a) Brower. *Antiquit. & Annal. Trevirenf. lib. viii.*

#### 40 DE NUMMO ARGENTEO

V. Quibus tam bene constitutis, non video quis locus relinquatur, ut ad A. 856 Benedicti Pontificatus exordia protrahantur. Utrum enim aliud quidpiam in historicis rebus certius & exploratius esse possit, vix credam: Proindeque si decessit Leo III. 17 Julii die A. 855, si tam certo constat Benedictum III. initio sequentis Octobris Pontificalem Cathedram tenuisse, ubinam collocanda erit Joanna ista commentitia, quam duos saltem annos inter Leonem & Benedictum sedisse, Apostolicæ Sedis inimici confinxerunt? Non certe Kalendis Octobris A. 855, quia Nummus noster prohibet; non ante diem XVI. Julii ejusdem anni, quia obstat mors Leonis III. tam luculenter superius probata. Quod etsi Spanhemio ceterisque concederemus ipsum fuisse vita functum Anno præcedenti 854, nequaquam tamen extendi posset Joannæ Pontificatus ad A. usque 856, velut adversariis nostris placuit: quum obstat Nummus noster, qui Benedictum III. circa Kal. Octobris A. 855 in Apostolico Solio sedisse, præclare testatur: ideoque commentitius Joannæ Pontificatus Annum dumtaxat unum perdurasset, contra ac omnes hujus Fabulæ Auctores & Patroni senserunt.

VI. De Nummi sinceritate nihil est, cur dubitem; quod enim suspicionis indicium in eo appareat, nec laudatus Nummi possessor, nec plures ii que curiosiores eruditæ Antiquitatis scrutatores, quorum oculis Nummum subjeci, nec ego ipse qui eum manibus sæpe contrectavi, ne ullum quidem invenire potuimus. Argenti metallum, litterarum forma, Nummi ipsius facies, & crassitudo cum reliquis Romanorum Pontificum ea ætate cunctis, quorum plurimos hic Romæ observavi, perfecte convenit. Immo addam quod Nummi sinceritatem plane demonstrat. Cl. Eques Franciscus Victorius, quem honoris causa nomino, inter cetera præclarissima sui Musei Cimelia duos etiam Bene-

Benedicti III. Nummos possidet, quos mihi humanissime communicari voluit. Ambo similem Typum referunt; ex altera enim parte LVDOVICVS IMP. cum solito Monogrammate PIVS, prout in editis aliis Benedicti Nummis, apparet. Ex altera vero Benedicti nomen Monogrammate implicitum exhibent [ eadem qua in nostro Nummo conspiciamus ratione ] & in gyro ωω PETRVS. Ex accurata, atque tum a cl. Viro, tum a me ipso sepe instituta Nummi nostri cum iis Musei Victorii collatione compertum habui, eam Nummi nostri eorumque duorum partem, quæ Benedicti Monogramma præferret, una eademque Forma cusam a monetariis fuisse: adeo illorum typi, litterarumque ductus, lineamenta, apices, situs, inter se apprime conveniunt.

VII. Quod autem in monogrammate nostri Nummi. non alterius Pontificis quam Benedicti nomen legatur, nullus dubito, quum elementorum B.E.N. implicatio non alii prorsus Pontifici convenire possit, quam uni alicui ex *Benedictis* qui Apostolicam Cathedram tenuerunt. Horum autem nullus tempore alicujus *Hlotharii Imp.* ætatem duxit, præter nostrum Benedictum III. Hic enim Hlotharius vixit Pontificibus Gregorio III. Sergio II. Leone III. & Benedicto III. electo, nec dum consecrato, quæma Immo jam ante monuimus; *Hlotharius* II. sub Innocentio II. Imperii Coronam obtinuit. Quare soli restant *Hlotharius I.* & *Benedictus* III., quibus Nummus a nobis e Museo Pignatio in lucem editus assignari debeat.

VIII. Quo autem die nuncius de Hlotharii obitu in Urbem pervenerit, incompertum plane habemus. Id vero unum potest affirmari, nonis Octobris nihil adhuc de ejus obitu Romæ cognitum fuisse. Hoc enim die a Benedicto PP. consignatum legitur Privilegium *super electione Abbatis Monasterii Corbejenfis, & rerum suarum libera possessione.*



## 42 DE NUMMO ARGENTEO

sessione, in cuius Data hæc exarantur : *Scriptum per manus Theod. ri Notarii & Scriniarii S. Romanæ Ecclesiæ in mense Octobrio Indictione 1111. Bene valete. Datum v. Nonas Octubrias per manum Theophilacti Secundicerii S. Sedis Apostolicæ. Imperantibus Dominis nostris piissimis Augustis Hlothario a Deo coronato magno Imperatore anno tricesimo nono & P (ost). C (onsulatum). ejus anno tricesimo nono ; sed & Hludovico novo Imperatore ejus filio anno septimo, Indictione quarta.*

Privilegium hoc primo editum fuit A. 1625 cura Jacobi Dupletii ex mundissimis membranæ ante annos plus minus octingentos graphice descriptum (a). Iterum prodit in T. vi. p. 397. Spicilegii Dacheriani, & T. viii. Conciliorum. Sed tandem ex ipso met Autographo in Papyro Ægyptiaca exarato, quo nescio an aliud illustrius exstet ejus ævi monumentum (b), protulit doctissimus Mabillonius (c), ideoque de ejus sinceritate nihil plane dubitandum, quidquid contra effutiant Adversarii toto cap. 6. part. 4. hist. de la Papeste.

IX. Primum enim illud confirmatum diserte habemus ab ejus successore Nicolao I. (d) in alio simili Privilegio eidem Monasterio Corbejensi concesso : prætereaque in eo nihil prorsus occurrit, quod cum historia & disciplina illius ævi perfecte non congruat. De Post-Consulatu Imperatorum conferendi omnino sunt doctissimi Antonius Pagius (e), & Jo. Mabillonius (f). Ipsorum enim perpetuus Consulatus cum Imperii initio conjunctus erat. Quare in Bulla papyracea Leonis 1111. data prid. Kalend.

Sept.

(a) Dupletius in Act. Mon. S. Dionysii t. 2. cap. 6. b. 451. Paris. A. 1625.

(b) Sunt verba Mabillonii infra laudati.

(c) Prefat. in fac. xv. Ord. S. Bened. num. 214. Idem Annal. Ord. S. Bened. lib. 24. §. 89. Idem de re Diplom. Tab. XLVII.

(d) Nicolaus PP. Epist. 24. Coenob. t. 1. p. 1413. E. l. Venet.

(e) Ant. Pagius in Dissert. Hypatica, & in Critica Baron. ad A. 826. n. 2.

(f) Mabillon. de re Diplom. lib. 2. cap. 25. n. 3. & in pref. 2. fac. xv. Benedic. n. 214.

Sept. A. 850 quam exhibet Donius (a), tot numerantur anni Imperii Hlotharii, quot post ejus Consulatum: *Imp. Domino nostro piissimo perpetuo Augusto Hlothario a Deo coronato magno Imp. anno tricesimo tertio, & post Consulatum ejus anno tricesimo tertio &c.* Et in alia data Quarto Idus Augusti A. 854 ab eodem Donio memorata, & in recenti Billario Vaticano (b) edita: *Imp. Dñi. piissimo perpetuo Augusto Lothario a Deo coronatus magno Imp. anno tricesimo, & septimo, & post Con.....us anno tricesimo & septimo &c.* Quamplura alia hujusmodi exempla hoc eodem sæculo dabunt Bullæ Stephani 1111. (c), Paschalis I. (d), Joannis 1111. (e), Marini (f), Stephani V. (g), & Formosi. (h).

HLOTHARII Annus xxxix. in Bulla Benedicti III. signatur, qui desumitur ab A. 817, in quo mense Junio a Hludovico Pio ejus patre consors Imperii factus est (i), qua eadem Epocha usum fuisse comperimus Leonem 1111. in laudatis duabus Bullis A. 850 (k) & 854 (l), & in Inscriptione quam supra Valvas argenteas Basilicæ Vaticanæ insculpi fecerat (m), & in Actis Romani Concilii A. 853 celebrati (n).

HLVDOVICI Annus vii. in Corbejensi Diplo mate ab A. 849 deducitur, quo anno a Patre Imperii collega assumptus est (o). Ab eoque eodem anno repetita fuit ejusdem Imperatoris Epocha in iisdem jam laudatis Leonis 1111. Monumentis.

F 2 THEO-

- (a) Doni *Inscript. Antiqu. cl.* xix. n. 1. p. 468.  
 (b) Bullar. Basil. Vatic. T. I. p. 11.  
 (c) Bullarium Romanum post. Ed. Typis Maynardi T. I. pag. 64.  
 (d) Ibidem loc. cit. pag. 167.  
 (e) Ibidem loc. cit. pagg. 208. 210. 211. 214. 218.  
 (f) Ibidem loc. cit. pag. 114.  
 (g) Ibidem loc. cit. pag. 127.  
 (h) Ibidem loc. cit. pag. 128.  
 (i) ex Annal. Lambecian. Pagiut Crit. Baron. ad A. 817. & 821.  
 (k) Apud Donium in *Inscript. Antiqu. cl.* xix. n. 1. p. 468.  
 (l) Ibidem & in Bullar. Va. ic. Basil. T. I. pag. 11.  
 (m) Concil. T. ix. pag. 1140. Edit. Ven. Holsen. Collect. Rom. p. 11. pag. 142.  
 (n) Concil. T. ix. p. 1112. & 1113. Edit. Ven. 1. & apud Holsen. Collect. Rom. ann. Pav. 1. p. 48. & 101.  
 (o) Pagiut ad A. 84. n. 4. Mabillon de re Dipl. lib. v. pag. 440.

# 44 DE NUMMO ARGENTEO

THEODORI Notarii S. R. E. nomen ex aliis ejusdem sæculi Monumentis cognitum habemus. Aderat enim tum Concilio Rom. A. 853 (a), tum fortasse ipsimet Benedicti III. consecrationi; siquidem ab hujus Pontificis Biographo traditur, Legatos Hludovici Imp. Anastasio faventes, tunc cum Urbem violenter ingressi sunt [quod Septembris initio accidisse cap. I. num. IX. retulimus], *Gratianum sacri Superistam Patriarchii, atque Theodorum Scriniarium apprehendentes, reclusos lanceis retinuisse & adstrictos*. Hoc eodem Scriniario in Bullis suis usum esse Benedictum III. probat aliud Privilegium, quod Dionysiano Monasterio concessit (b): *Scriptum per manum Theodori Notarii Regionarii S. R. E. &c.* Quod autem Romani Pontifices solerent per Scriniarios seu Notarios, vel Notarios Regionarios litteras suas exarare, perspicue probant innumera pene cujusslibet sæculi monumenta, & diserte asserit Nicolaus I., qui in epistola ad Carolum & Hludovicum Reges hoc eos admonere voluit (c): *Hanc autem epistolam ideo more solito scribi non fecimus, quia & Legatus vester sustinere non poterat, & ob festa Paschalia Scriniarios nostros, eo quod debitis vacabant occupationibus, habere ut debuimus non valuimus.*

Sequitur in Corbejenli Privilegio nomen THEOPHILACTI SECVNDICERII S. SEDIS APOSTOLICÆ, qui illud consignasse legitur. Nec hujus quidem nomen nobis incognitum est; siquidem in Bulla Leonis IV. quam ex vetustissimo Apographo tempore Innocentii II. exarato novissime protulerunt eruditi viri Dionysius & Martinettus in Bullario Basilicæ Vaticanæ (d), legitur: *Dat. 4. Idus Augustus per manum Theophylacti Secundicerii S. Sedis Apostolice Anno 854.*

X. So-

(a) Concil. T. IX. p. 1134. 1136. *Theodorus Notarius ac Scriniarius S. R. E. legit &c.*

(b) Concil. T. IX. p. 1258. *Ed. Ven.*

(c) Concil. T. IX. p. 1424. *Ed. Ven.*

(d) Pag. 15. & 17. Eiusdem Bullæ nomen legitur Donius in *Descript. Antig. Cl. XII. pag. 468.*

X. Solemne erat Romanis Pontificibus Acta sua per Primicerium Notariorum conficere, teste libri Pontificalis Auctore (a), summæ dignitatis virum, qui primus universi Notariorum Romanæ Ecclesiæ Ordinis habebatur, ac tertius erat inter *servantes locum Apostolicæ Sedis* (b). Proxime hunc dignitate consequabatur *Secundicerius*, qui item è Notariorum collegio erat (c). De utrisque hæc Joannes Diaconus in suo Ordine Romano (d): *Primus Primicerius, secundus qui dicitur Secundicerius, qui ab ipsis officiis nomen accipiunt. In Romana Ecclesia in omnibus processionibus manuatum ducunt Papam, cedentibus Episcopis & ceteris Magnatibus. Quod si tantus hisce viris honor habebatur, quid mirum si Romani Pontifices eorum fidei Epistolarum suarum auctoritatem commiserint? Id quidem muneris Primicerio plerumque dabatur. Hinc litteras habemus Leonis III. (e), Nicolai I. (f), Hadriani II. (g) Joannis VIII. (h) per Scriniarios quidem seu Notarios Regionarios scriptas, sed a Primicerio vel Bibliothecario consignatas seu Datas. Deficiente autem vel impedito Primicerio, Secundicerius ejus officii partes implebat, velut in laudata Bulla Leonis IV. data die 10 Augusti A. 854., in nostro Benedicti III. Privilegio, in alia Joannis XII. Dat. IV. nonas Januarii per manum Georgii Secundicerii Sanctæ Sedis Apostolicæ An. 856. (i), & Joannis XII. Dat. II. Idus*

(a) In Julio I. scilicet 50.

(b) Lib. Diurn. Rom. Pontif. p. 9. Edit. Garnierii.

(c) S. Greg. M. lib. IX. Epist. 33. Hanc autem Epistolam Patro Secundo Notario Ecclesiæ nostræ scribendam distinximus, cuique scripsimus.

(d) Apud Mabillon. Mus. Ital. T. II. p. 270.

(e) Doul. Inscript. Antiq. cl. XIX. n. 1.

(f) Nicolai I. Epistola 24. T. IX. Concil. p. 1417. & Epist. 2. append. 1. p. 1508. Ed. Vener.

(g) T. X. Concil. ejusd. Edit. & in Bel. lar. Roman. Typis Maynardi T. I.

(h) Ibidem.

(i) Enst. apud Mabillonium in Annalibus Benedictinis lib. 45. n. 99. Tom. III. Hanc autem Bullam cum cl. Mabillonio in A. 956 consulimus, repugnantibus licet Pagis, qui in sequentem rejecerant. Breviar. Gest. Pontif. Rom. in Joanne XII. n. 2. & in Critica Baron. ad An. 955 num. 1. Inditio enim XII. Equè ibi notatur, A. 956 currabat; neque vitium censoris hic accus-

# 46 DE NUMMO ARGENTEO

*Idus Februarii, per manum ejusdem Georgii Secundarii (lege Secundicerii) S. Sedis Apostolica Anno 967. (a): qui Georgius Secundicerius ex pluribus aliis Monumentis illius Aevi etiam innotescit, quique postea Monachus & Abbas Sublaccensis factus est (b). Quemadmodum vero Festa Paschalia quibus Scriniarii S. Sedis occupabantur Nicolaum I. impedierunt, quominus eorum opera, sicut mos erat, uteretur ad exarandas Litteras quas Hludovico & Carolo Regibus inscripsit, ita fortasse alia non mediocris momenti negotia Tiberium Primicerium (c) detinuerunt, ne laudatis Leonis IV. & Benedicti I. Bullis manum apponeret, cujus loco ideo suspectum conspicimus Theophylactum Secundicerium. Atque profecto ad Benedictum quod attinet, potissima subesse potuit causa cur Primicerii opera uti non potuerit. Quod enim Spanhemius contra Privilegii sinceritatem objecit, ut mirum ei visum fuerit, Pontificem 3 Kal. Octobris proxime consecratum, statim cogitare potuisse de rebus ad tam longinquum Corbeiae Mon. pertinentibus, adeo paucos post dies Privilegium pro eodem consignarit, nec potius novi Pontificatus negotiis incumberet, id pro ejus sinceritate tuenda contra ipsum*

accusare licet, quam alia ejusdem Joannis xli. Bulla (quam ex Hugone Flaviniacensi retulit idem Mabillonius loc. cit.) eandem praeferat Indictionem. Datum 3. Idus Januar. per manum Marini Episcopi & S. Sedis Apostolica Bibliothecarii Joannis Papae xli. anno primo, Indictione xlii. Quare initium Pontificatus Joannis xli. diem 2. Januarii A. 956. praecessit, velut sensu etiam clariss. Mansus in suis ad Baron. notis l. xvi. pag. 27. Edit. Lucern. Obiit Joannes die 13. Maji A. 964. testante Reginonis Continuatore. Baron. ad A. 964. n. 17. Porro in vetustis optima nota Caalogis, Farsensi, Cavensi, & Card. Deusedeliegimus Joannem sed de A. 955. mens. 11. In Casanatesi, A. 955. mens. 11.

Ideoque exordium illius Pontificatus necessario collocandum videtur in Annum 955.

(a) Existit in Bullar. Roman. Typis Maynardi T. 11. pag. 260.

(b) Vid. Regest. Sublacens. apud Murator. Ant. Ital. med. Aevi T. v. p. 749. &c. & apud Georgium in not. ad Baron. Edit. Lucern. p. 88 & 136. T. XVI. Consulenda etiam Charta quam dabimus in Appendice Monumentorum.

(c) De eo mentionem habemus in Charta A. 850. Regest. Sublacens. apud Georgium in not. ad Baron. & apud Murator. T. v. pag. 769 &c. Ant. med. Aevi & in epist. Nicolai I. pag. 1417. & 1508. T. IX. Couest. edit. Venet. & in Bulla Leonis IV. apud Donium l. c.

ipsum (a) Spanhemium mirifice conducit ; siquidem quum pro tot novi Pontificatus rebus disponendis Tiberius Primicerius detineretur, necesse fortasse fuit, ut Secundicerius ejus loco adhiberetur . Nihil vero obstat quod in his Pontificatus initiis Benedictus pro Corbejensi Mon. sollicitudinem suam demonstrarit . *Servorum* quippe *Dei* , seu Monachorum quies ac tranquillitas præcipua semper fuit præ ceteris Pontificalibus curis , iis præsertim temporibus, quibus a Laicis adeo vexabantur . Huc accedit, quod ni etiam Mon. ipsius ( ceteroquin celeberrimi ) cura religiosissimo Pontifici cordi fuisset , id tamen quamprimum efficere debuisset Imperatorum Hlotharii & Hludovici gratia , qui , ut Privilegium hujusmodi concederet , enixis precibus postulaverant .

XI. Quibus breviter indicatis, satisfactum arbitror Adversariis nostris, qui quum a Corbejensi Privilegio quam maxime se premi viderent, nihil non omisere quod præstantissimi hujus Monumenti sinceritatem lædere potuisset . Quamquam non dissiteor unum adhuc scrupulum eruditus inhærere posse, qui si hæcenus, quod sciam, in nullius mentem venerit, non est tamen a me hoc loco prætermittendus . Hic saltem occasionem præbebit, ut Primiceriorum ac Secundiceriorum Romanæ Ecclesiæ officium & historia accuratius illustretur, quam mihi hac Dissertatione concedatur . Legimus in Leonis IV. Bulla Theophylactum A. 854 *Secundicerium* Romanæ Ecclesiæ fuisse . Idem & in nostro Corbejensi Diplomate A. 855. At Benedicti III. Biographus, quum de tumultu Romæ excitato [ initio Septem-

(a) *Par. IV. cap. 6 n. 11.* „Voici un autre exemple de cette debonnaireté de „ Ben It selon les memes Hypotheses . A „ peine Renoit est il affermi sur la Chaire „ Pontificale de Rome, qu'il pense à l'Ab- „ baye de Corbie , de la meme maniere „ qu' il avoit pensé à l' Archeveque de

„ Rhelms. Un autre Pape auroit songé aux „ affaires de sa maison , a celles de Rome, „ apparemment encore en desordre a cause „ d: la longue vacance ou du schisme , a „ celles de l'Italie & des lieux les plus voi- „ sins de son siege. Il auroit pensé aux Non- „ ciatures &c. „

# 48 DE NUMMO ARGENTEO

Septembris ] ab Anastasii & Legatorum Imperialium fau-  
toribus verba faciat , ait *Hadrianum insignem Secundicerium*  
*S. Sedis Apostolica* ab iis comprehensum fuisse , quem Au-  
gusti Legatis Benedictus obviam direxerat . Duos igitur  
*Secundicerios* hoc anno Romæ fuisse videbitur , quod ne-  
scio an aliunde compertum habeamus ; an vero ambo ejus-  
dem Notariorum Ordinis *Secundicerii* censendi sint , de-  
finire non audeo , quum plura Palatina & Militaria Officia  
Romanis Pontificibus tunc præsto essent, iisque Ordinibus  
qui præerant, *Primiceriorum* & *Secundiceriorum* nominibus  
iis sæculis sæpe donarentur . Mihi interim pro instituta  
Corbejenfis Privilegii Apologia indicare sat est , plures  
iis sæculis homines , etsi *Cognominum* ratione , prout ho-  
dierna fert consuetudo , minime uterentur , sæpe tamen  
duobus Nominibus propriis designari consuevisse, quorum  
modo alterutrum , modo utrumque in Monumentis &  
Actis publicis privatisve exprimebant . Nec id ignotum  
etiam Romanorum veterum Ethnicorumque temporibus ;  
sæpe enim in eorum Inscriptionibus legimus v. g. *Afredite*  
*sive Muniva* . *Nereus qui vocatur Petitus* . *Felix qui & Cle-*  
*mens* , ceteraque hujusmodi , quæ ab eruditæ Antiquitatis  
studiosis jam observata fuere (a) . Hæc vero frequentissi-  
ma etiam Barbaricis sæculis occurrunt , sive unum in Ba-  
ptismo adscritum esset sive alterum vulgo additum fuisset  
velut *cognominis* gratia (a) : Ita porro S. Pudencianæ Titu-  
lum tenuisse scimus *Guidonem Clementem* Presbyterum Car-  
dinalem a Lucio II. creatum , qui modo *Guidonis* , modo  
solo *Clementis* nomine compellabatur : ex quo factum est , ut  
Ciacconius alique non unum , sed duos Cardinales fuisse  
existimarint ; quorum tamen errorem optime animadver-

tit

(a) Consul Scaliger in xxi. Indice Græ-  
teriano ceterisque Inscript. veterum Collec-  
tiones , & præcipuum Raph. Fabretti In-  
script. Demost. sup. lib. II. xxi. pag. 145

& cl. Scipio Maschus in sua Verona illu-  
strata .

(c) Muratorius in Antiq. Ital. med.  
ævi T. III. diss. 41. pag. 717, 741 &c.

cit Aug. Oldoinus, adjecto quodam ex libris Joannis Saris-  
berienſis loco, ubi utroque nomine diſerte donatur (a).  
Atque, ut ex multis quæ hoc in argumento adduci poſ-  
ſent novum aliquid proferam, obſervatu dignum eſt Ju-  
dicium quoddam *Libertatis*, quod A. 1152, Arimini in *Ec-  
cleſia S. Johannis da Foro* celebratum fuit, cujus exemplum  
ab Autographo fideliter deſcriptum apud me ſervatur (b);  
In eo enim mulier quædam de cujus libertate dubitabatur

G modo

(a) Oldoinus in Claceoniam *Vita Pontiffi-  
cum & Card. T. I.*

(b) Ex Chariſi Archivi Monachi S. Juliani  
Ariminenſis. In die Veneris qui fuit quintus  
interante menſe Junii. Gnarientus ſura-  
vit ad ſanctam Dei Evangelia ſe diſtictum  
totam veritatem, & tacere falſitatem  
de lite, que erat inter Roverum & ejus  
fratrem, filios quondam Marini: necnon  
inter preſbyterum Ottonem, & Giſlam  
ejus ſorem & MYSIAM. qñ. (quando)  
interrogabitur a bono Zenone Judice,  
in quo fuit poſtea prædicta lra de ſtatu  
libertatis. Qui Gnarientus per diſtri-  
ctum Sacramentum Interrogatus a bono  
Zenone Judice dixit. Ego vidi Vendro-  
ſam, que fuit uxor Milonis Rape que  
fuit Mater Uberti & fuit libera mulier,  
ſuitque de domo del Capa liberi homi-  
nis, & ex ea domo exivit; & vidi  
etiam Alſiam que fuit mater Vendroſe  
que erat libera mulier, & vidi Zenam  
que fuit mater preſbyteri Ottonis &  
Giſle & MARTINE & erat libera mul-  
lier, & fuit uxor Uberti Rape, & exi-  
vit de domo preſbyteri Zenonis de Lie-  
co liberi hñs; & vidi prædictas duas  
mulieres ſtantes pro liberis & recorder  
eas perſonas ſtantes pro liberis, plus  
eſt & quinquaginta annis.

Item Zena ſimiliter jurata, & in-  
terrogata dixit idem quod Gnarientus;  
ſcil. hec dixit, quod plus eſt 40 annis,  
quod hoc recordatur, & dixit quod uno  
vidit iſtam preſbyterum Ottonem, nec  
Giſlam, neque MARTINAM ſervire  
Marino, neque Ruſſicello, per famuli-

tatem. Ubertum tamen audivi dici  
quod ſervivit eis.

Item Doſo ſuratus & Interroga-  
tus dixit: Ego vidi matrem Uberti, &  
matrem preſbyteri Ottonis & Giſle &  
MARTINE que ſervit libere mulie-  
res. Vendro à vero fuit de domo Rape,  
& Zena fuit de domo preſbyteri Zenonis  
de Lieco liberi hñs, & mater Vendroſe  
nominabatur Alſia, & hoc recorder plus  
eſt 50 annis; has prædictas tres perſo-  
nas preſbyter Otto & Giſla & MARTI-  
NA non vidi ſervire per famulicatem &  
Ubertum autem audivi dici quod ſervi-  
vit.

Item Martinus de Vendroſo ſimili-  
ter ſuratus & Interrogatus dixit idem  
quod Doſo, & hoc recordatur plus eſt  
40 annis. Item prædicta die Veneris Ca-  
ſorus in preſentia Arduini de Advocato  
& Golsonis, & boni Zenonis Judicis  
prædictæ lris & aliorum juravit ad ſan-  
ctam Dei Evangelia ſe non pretamiſiſſe  
nulla & neceſſaria de prædicta lite,  
& in hoc casum negotio & enatorio  
nomine hoc fecit pro illis quondam Ma-  
rini.

Item ſequenti die Sabbati. In  
preſentia Arduini de Advocato, & Gol-  
sonis Judicis & Guixardi del Panlino,  
Bernardini del Papa, Johannis Foleo-  
nis, Benſati Calzaverii, Zenonis de  
Benſati, Conradi Calzaverii, in eorum  
preſentia bonus Zeno Maſtragrus Judex  
hujus negotii & Ordinarius Judex  
Imperatoria dixit per illas rationes quas  
auditas habeo ab utraque parte & ſic

.. que



## 50 DE NUMMO ARGENTEO

modo *Musia* modo *Martina* modo etiam *Martina* sive *Musia* appellatur.

Quare deficientibus certioribus argumentis ad propositam *Hadriani Secundicerii* ab Anastasio memorati difficultatem solvendam, non improbabiliter conjicere possumus, duplici eum nomine (pro sat frequenti temporum illorum consuetudine) usum fuisse & *Hadriani* jam laudati, & *Theophylacti*, velut in duabus jam allatis authenticis Bullis Leonis IV. & Benedicti I I I. inscribitur.

ΠΗΓΗ κήρυ, καὶ φράσ ὁδῶτος ζῶντος καὶ ροιζῶτος  
ἐπὶ τοῦ Δισβάν. *Cantic. cap. IV. vers. 15.*



Ex antiqua Gemma  
huius magnitudinis.


EX MVSEO VICTORIO

### CAPUT

- |  |  |
|--|--|
| <p>que erat inter Boetium &amp; Compagnonem<br/>accusum inter presbyterum Ottonem &amp;<br/>Gislam &amp; MARTINAM SIVE MVSIAM<br/>de statu libertatis, scilicet absolute has<br/>tres personas ab hac lre &amp; a petitione<br/>famulatus, quam eis faciebat Boetius</p> | <p>&amp; ejus Frater &amp; pronuntio has personas<br/>liberas esse. Ann. Dñi mil. c. 2 nono in<br/>supra scripto die Ind. vii. actum in Ec-<br/>clesia S. Johannis da Foro.<br/>Ego Bñm (Bartholomaeus) Nos.<br/>Sacri Palatii interfui &amp; scripsi.</p> |
|--|--|

## CAPUT III.

- I. Chronotaxis Pontificia IX. sæculi a Spanhemio mire perturbata. II. Recensentur Monumenta, quorum ope restituitur, & quatuor inediti Romæ Pontificum Catalogi proferuntur. III. In Gregorii IIII. & Sergii II. Pontificatum inquiruntur. IV. De Inter-Pontificio, quod a Sergii morte ad Leonis IIII. consecrationem intercessit Sollerii sententia expenditur. V. Tempus irruptionis Saracenica in Orbem mala a Spanhemio collocatum. VI. Leo IIII. Circa diem 12 Aprilis A. 847 Pontifex consecratur. VII. Nec Hlotharius nec Hludovicus Augg. Concilio Romano diei 8 Decembris A. 853 adfuerunt: ubinam gentium tunc essent. VIII. De Epôchis Pontificatus Benedicti III., Nicolai Primi IX. & Hadriani II. Indictiones a Kalendis Septembribus Romæ tunc numerari solita.

- I. UÆ sunt hæcenus ex bene constitutis Criticorum regulis de anno ac die consecrationis Benedicti III. a nobis expōita, validoque rarissimi Nummi nostri argumento confirmata, totam profecto Joannæ Papiſſæ Fabulam funditus convellunt. Non præterea tamen se victos esse fatebuntur Adversarii, qui omnia, ut paullo antea diximus, arbitrato suo sus deque agentes, ut congruum collocandæ Joannæ Papiſſæ temporis intervallum invenirent, commenti sunt conatique probare, Leonis IV. mortem annum integrum Benedicti III. consecrationem anteveruisse. Id vero quoniam non sine magna Pontificiæ illius sæculi Χρονολογίας perturbatione fieri non poterat, omnes vires suas exeruerunt, ut eandem vitiose a Chronologis concinnatam fuisse contenderent, novamque ipsi suo

## 52 DE NUMMO ARGENTEO

ingenio instituerent, quæ Heroïnæ suæ figmentis accom-  
modari potuisset. Quod ut assequerentur, omnem illorum  
temporum rationem, quæ sub Gregorio IV., Sergio II.,  
Leone IV., Benedicto III., Nicolao I., & Hadriano I.  
effluxit, mire perturbarunt. Nos igitur, ne ex Spanhemii,  
Lenfantii, Vignoliique Chronologicis rationibus ullum  
peti valeat argumentum contra tam bene a Panvinio, Ba-  
ronio, Blondello, Papebrochio, & utrisque præsertim  
Pagiis Romanorum Pontificum constitutam *Χρονολογία*,  
quam nos ipsi sequi non dubitamus, egregieque Nummi  
nostri ope confirmamus, illud hoc tertio capite demon-  
strandum suscipimus, turpiter aberrare futilibusque ra-  
tionum momentis niti Adversarios, quotiescumque in  
eo versantur, ut aliquod temporis intervallum, cui Joan-  
næ Papiæ Pontificatum assignari possit, invenient con-  
stituantque.



ROMA-

BENEDICTI III PONT. MAX. 53  
ROMANORUM PONTIFICUM XRONOTAZIS

Prout a Spanhemio, Lentsantio, & Vignolio Ministris perturbata fuit

Prout a nobis defenditur  
& restituitur

Gregorius III. electus A. 827: obiit circa Martium A. 843. Sedit Annos xvi.

Sergius II. electus mensis Martio A. 843: obiit Majo A. 846. Sedit A. III. mens. II.

Leo III. electus m. Majo A. 846: obiit Kal. Aug. A. 854. Sedit Ann. VII. mens. III.

Joan. VIII. Femina electus m. Aug. A. 854: obiit A. 856 m. Sept. Sedit Ann. I. m. I.

Benedictus III. electus m. Sept. A. 856: obiit m. Apr. A. 859. Sedit Ann. II. mens. VI.

Nicolaus I. electus m. Aprili A. 859: obiit obiit Id. Nov. A. 868. Sedit Ann. IX. m. VII.

Hadrianus II. electus mens. Nov. A. 868: obiit A. 872. Sedit Annos III.

Gregorius III. electus A. 827 desinente: obiit initio Januarii A. 844. Sedit Annos integros xvi., non completos xvii.

Sergius II. post 15. dies Gregorio successit: obiit die 27 Januarii A. 847. Sedit Annos III.

Leo III. consecratur die 11 vel 12 April. A. 847: obiit die 17 Julii A. 855. Sedit Ann. VII. mens. III. dies v.

Cessavit Sedes mensibus II. diebus xv. & deinceps, nullo alio intermedio Pontifice, successit

Benedictus III. qui consecratur die 29 Septembris A. 855: obiit circa diem 8. Apr. A. 858. Sedit Ann. II. m. VI. dies circ. x.

Nicolaus I. consecratur circa diem 24 Apr. A. 858: obiit die 13 Novembr. A. 867. Sedit Ann. VII. mens. VI. dies xx.

Hadrianus II. consecratur die 14 Decembr. A. 867: obiit A. 872 circa finem Novembris. Sedit A. III. mens. XI. dies.....

II, 1 In

## 54 DE NUMMO ARGENTEO

II. 1 In hac porro Chronologica disquisitione, præter cetera viris doctissimis, & utrisque præsertim Pagiis & Papebrochio jam cognita probataque Monumenta, sæpe utar auctoritate insignis Catalogi Romanorum Pontificum sub Nicolao I. confecti, minimeque hactenus vulgati, qui legitur in vetusto Canonum Codice membranaceo formæ quadratæ, insignis Bibliothecæ Valli-cellanæ signat. *A. n. 5.*, quem mihi humanissime communicavit cl. vir de sacris & profanis Litteris optime meritis Josephus Blanchinius Congregationis Oratorii Presbyter, eidemque Bibliothecæ Præfectus. Prædictum autem Catalogum ipso Nicolao adhuc superstite exaratum fuisse illud argumento est, quod ad ejus usque Pontificatum perductus fuerit, illiusque nomen eodem primigenio caractere notatum, quo reliquis Catalogus conscriptus est; anni vero, menses & dies ejus Pontificatus secundis curis addita, adnotataque appareant. Ceterum insignis hic Catalogus inter probatissimos quosque est numerandus: plerumque enim convenit cum vetustissimis Picturis Basilicæ S. Paulli extra Urbem, aliisque melioris notæ Catalogis, veluti Liberiano, Bergomati, Cavenfi, Farsensi, & Lucensi, de quorum præstantia consulendus omnino eruditissimus Franciscus Blanchinius in *Prolegom. ad T. II. Anastas. Edit. Vatic. Opusculo XI.* Ideoque communi Litterariæ Reipublicæ bono eundem Catalogum in nostra Appendice Monumentorum edendum curavimus.

2 Secundo loco recensendus videtur alter insignis Catalogus ex Farsensi Codice descriptus, circa ætatem Benedicti III. primum fortasse concinnatus, ut pluribus jam antea docuimus num. XX. Cap. I. Eundem in lucem edidit laudatus Franciscus Blanchinius *loc. cit. Opusc. XII. pag. cv.*

3 Tertium mihi Catalogum suppeditat vetustissimus Anastasii Bibliothecarii Codex olim Cavenfis Monasterii, nunc Vaticanus 3764 qui x. sæculo exaratus judicatur. Catalogus autem in Hadrianum 11. definit, ex quo reliqui Pontifices usque ad Paschalem 11. posteriori manu additi fuerunt. Editus autem fuit a cl. Joanne Vignolio num. 1. in *Prolegomenis suæ editionis libri Pontificalis*. Romæ 1724, & a Blanchinio T. I. *Anastasio Bibliothecarii Edit. Vatic. pag. 4.*

4 Quartum pono Catalogum illum, qui e vetustissimo Bergomatis Ecclesiæ 800 annorum Codice descriptus fuit sub Paulo 11. in Codice Vaticano 1353, unde illum edidit cl. Emanuel a Schelestrate in *Antiqu. Eccles. Illustr. T. I. p. 626*, & Franciscus Blanchinius *loc. cit. Opusc. vi. pag. xviii. T. II.* Confectus autem videtur sub Hadriano 11. vel Joanne vi 11. ad quos usque pertingit.

5 Quintum Catalogum e vetusto Codice Reginæ Christinæ, nunc Alexandrino-Vaticano 232 producit idem Schelestratus *loc. cit. pag. 633*, ubi Pontificum Romanorum nomina leguntur usque ad Formosum, qui circa A. 896 decessit.

6 Sexto loco adhibui alterum nondum editum Catalogum ex Codice Casanatensi membranaceo descriptum, cujus mihi copiam fecit eruditissimus, ac semper non sine magna cum laude memorandus P. Th. M. Marmachius Ordinis Prædicatorum eidem insigni Bibliothecæ Præfectus. Eum porro exeunte sæculo xi. exaratum fuisse existimo, quum ad Paschalem usque 11. pertingat, cui nulla temporis, quo sedit, nota apponitur: Nisi etiam alicui videri posset, Pontifices qui S. Gregorium vi 11. consequuti sunt, videlicet Victorem 11. Urbanum 11. & Paschalem 11., posterioribus curis additos fuisse; quod ego affirmare non aulam. Hujus Codicis excerpta

## 56 DE NUMMO ARGENTEO

cerpta quædam edentur in mea Appendice Monumentorum . Integrum autem Catalogum dabit Mamachius in præstantissimo Opere *Originum & Antiquitatum Ecclesiasticarum* , quod magno Ecclesiasticæ Disciplinæ & Litterariæ Reipublicæ bono propediem in lucem est prolaturus .

7 Septimum Catalogum, qui ad Paschalem usque 11. pertingit , dat Codex Vatic. 6381 , 600 annorum , præfixum Anselmi Episcopi Lucensis Decreto , quem ediderunt & Schelestratius & Blanchinius laudati . Ille in *sua Antiq. Eccles. Illustr. T. I. pag. 648. Hic Opus. vii pag. xix. in proleg. ad T. II. Anastasii Edit. Vatic. , qui & Lucensem eum appellavit .*

8 Octavus Catalogus exhibetur in Codice Urbin. Vaticano , ejusdemque ætatis est cum superiore . Editus autem fuit a Schelestratio *loc. cit. pag. 651.*

9 Nonum Catalogum ejusdem quoque ætatis supeditavit Franciscus Blanchinius cl. vir jam supra laudatus ex Collectione Canonum Deusdedit Cardinalis Tituli SS. Apostolorum in Eudoxia , quæ in Vaticana Bibliotheca servatur *Cod. 3833 , pag. 7.*

10 Decimum Catalogum exhibet Cencius S. R. E. Camerarius in suo libro Censuum Ecclesiæ Romanæ , cujus præstantissimum Codicem vidi apud eruditum virum Petrum Francisc. Cornazzanum Foro-Corneliensem , quem omnium , quotquot superesse sciam , Cencii Codicum *αὐθεντικώτατον & παλαιώτατον* non injuria existimo . Hunc primo exaratum fuisse suspicor ipso sæculi xi 11. initio : deinceps vero posterioribus curis , & diversis characteribus addita fuerunt illustriora Acta & Monumenta quæ toto eo sæculo celebrata fuerunt ab Ecclesia Romana . Hujusque Catalogi exemplar unum existat etiam in Vallicellana Bibliotheca *Cod. signat. M. II.*

11 Undecimum Catalogum habeo ex Cod. Vaticano 629, sub Hadriano IV. primò collectum, quum edidit Jo. Vignolius num. 111. in *Prolegem. sue. Edir. Libri Pontificalis.*

12 Nec prætermittendus est quoque Catalogus alter sub Benedicto XI. concinnatus, quem edidit Conradus Janingus T. vii. *Act. SS. Junii* pag 55.

His igitur præmissis quoad Monumenta, quorum ope præcipue utar in restitutione Pontificiæ Χρροσὶ Ζεως sæculi ix. ab Adversariis adeo perturbatæ, institutum opus aggrediamur.

III. Gregorii IV. electionem recte qui dem Adversarii nostri in A. 827 rejiciunt, sed male quoad ejus anni tempus. Illi enim, tunc quum Ver esset, factam fuisse existimant, quod aperte adversatur Eginhardo gravissimo & æquali Scriptori, qui ad A. 827 hæc scribit (a). *Eugenius Papa MENSE AUGUSTO decessit, in cuius locum Valentinus Diaconus a Romanis electus & ordinatus, vix mensem in Pontificatu complevit. Quo d. functo, Gregorius Presbyter S. Marci electus; sed non prius ordinatus est, quam Legatus Imperatoris Roman veniret, & electionem Populi qualis esset examinaret.* Ex quibus efficitur non ante hujus anni finem, Gregorii consecrationem celebrari potuisse; eo vel maxime, quod Valentinus dies 40 sederit, sicut in vetustioribus Catalogis notatur; & Imperator, a quo Romam Legati missi sunt, eo tempore circa Conpendii Aquisgranique fines moraretur (b). Sexdecim annos Gregorium sedisse præter primum, secundum, quartum, quintum, sextum, & septimum Catalogos Colbertinus (c), testantur ex nostris Vallicellanus (num. 1.), Far-

H sensus

(a) Apud Du-Chesne. *Hist. Franc. Scrip.* T. 11. pag. 271.

(b) Eginhard. *loc. cit.* "Legati Imp."  
"Michaëlis .... Septembri mense Com-

"pendium venerunt: quos Imperator be-  
"nigne receptos ibi audivit & ab. lvi.

(c) Apud Pagium in *Appar. ad Critic.*  
*Baron.*



# 58 DE NUMMO ARGENTEO

fenfis (num. 2.), Cavenfis (n. 3.), Casanatenfis (n. 6.), Lucenſis (num. 7.), Deufdedit (num. 9.), Cencii (num. 10.) cum aliis (num. 11 & 12) (a). Addita vero fuit poſterioribus curis in Caſanatenſi Codice alia numeralis nota I. adeout ibi legatur Gregorium A. xvi I. ſediſſe, velut legimus quoque in Catalogo Urbinatē (num. 8), apud Honorium Auguſtodunenſem, alioſque. Hoc autem conciliari ſic poſſe exiſtimo, ut alii xvi. completos annos ipſum ſediſſe, alii xvi I. inchoatos ſignificare voluerint. Bertinianus Annaliſta, Liutprandus, Sigebertus, Hermannus Contraſtus & Cencius ipſum A. 844 obiſſe ſcribunt, & fortaiſſe anni huius initio. Ex quarto enim, & ſexto Catalogo Colbertino, ex Farſenſi (num. 2), & ex quibuſdam Anaſtaſii Codicibus ac Orderico Vitali compertum habemus *ceſſaſſe Epiſcopatum diebus xv.*; Inde Sergium I. ſucceſſiſſe, cui tres Pontificatus annos tribuunt Catalogi primus, tertius, quartus, quintus, ſextus Colbertini, Vallicellanus (num. 1), Farſenſis (num. 2), Cavenſis (num. 3), Bergomas (num. 4), Caſanatenſis (num. 6), Lucenſis (num. 7), aliique

- |       |  |         |
|-------|--|---------|
| (a) 1 | Catalogus Vallicellanus. <i>CIII. Gregorius Annos</i>  | xvi.    |
| 2     | Catalogus Farſenſis. <i>Gregorius Ann.</i><br><i>Ceſs. d. xv.</i>  | xvi.    |
| 3     | Catalogus Cavenſis   | xvi.    |
| 4     | Catalogus Bergomas   | xv.     |
| 6     | Catalogus Caſanatenſis. <i>IIII. Gregorius nat. Romanus</i><br><i>ex patre Joanne ſedit anno</i>                   | xvi [1] |
| 7     | Catalogus Lucenſis   | xvi.    |
| 8     | Catalogus Urbinas  | xvii.   |
| 9     | Catalogus Cardinalis Deufdedit. <i>Gregorius ſedit An. xvi.</i>  |         |
| 10    | Catalogus Cencii. <i>IIII. Gregor. ex patre Joann. ſed. an. xvi.</i><br><i>poſt DCCCXXVIII. an. Incarn. Domini</i> |         |
| 11    | Catalogus Vaticanus 629  | xvi.    |
| 12    | Catalogus Janingi  | xvi.    |

# BENEDICTI III PONT. MAX. 59

aliique (a). Ipsum vero Sergium die 27 Januarii A. 847 obiisse, diserte demonstrant Annales Bertiniani (b). Quare calculo ducto, circa Januarii finem Sergium Apostolicam Cathedram conscendisse reperiemus, quum jam 15 ante dies Gregorius IV. vita functus fuisset. Dies consecrationis Romanorum Pontificum certo nos semper invenire non sinit temporis vetustas: Sed nobis tutiora tantum consulantibus satis est, si menses saltem inquiremus. Cur Adversarii quoad diem quo mortuus est Sergius (27 Januarii) Bertinianorum Annalium auctoritatem tot laudibus efferrant, quoad annum vero, eandem nulla prius ratione despiciant, non video. Nos utrumque probamus, consentientibus præsertim ceteris jam laudatis Monumentis.

IV. Sed poenitet Adversarios (c), se diei 27 Januarii Sergii mortem assignasse; mallent enim eam ad Marcium

H 2

vel

- |       |   |               |
|-------|---|---------------|
| (a) 1 | Catalogus Vallicellanus. CIIII. <i>Sergius sedis Annos</i>  | III.          |
| 2     | Catalogus Farfensis. <i>Sergius ann. temporib. Lotbar. &amp; Lud. Cess. m. 11. d. xv.</i>                               | III.          |
| 3     | Catalogus Cavenfis  | III.          |
| 4     | Catalogus Bergomas  | III.          |
| 6     | Catalogus Casanatensis. <i>Sergius nat. Rom. ex patre Sergio sed. A.</i>  | III.          |
| 7     | Catalogus Lucensis  | III.          |
| 8     | Catalogus Urbinas   | XIII.         |
| 9     | Catalogus Card. Deusdedit <i>Sergius sedis an. III. mensem 1.</i>   |               |
| 10    | Catalogus Cencii. II. <i>Sergius nat. Rom. ex patre Sergio sed. ann. post DCCCXLIII. an. Inc. D. &amp; Cess. d. xv.</i> | III. men. II. |
| 11    | Catalogus Vaticanus 629   | III.          |
| 12    | Catalogus Janingi   | III. II.      |

(b) Apud Du-Chesne. *Hist. Franc. Script.* T. III. pag. 203. .. Sergius Romanus Pontifex v. 2. Kal. Febr. defungitur, & Leo .. in ejus locum eligitur .. (c) *Fag. 100. T. II. Hist. de la Papst.*

## 60 DE NUMMO ARGENTEO

vel Majum mensē producere . At si tres integros annos Pontificatus Sergii tribuant , animadvertant difficile posse ejus electionem in Majo saltem mense reponi , quum ab Auctore libri Pontificalis traditum fuerit , quod *eadem die tanta nix in Urbe effusa est, ut omnibus candidata cerneretur*: Id autem sub temperatissimo Romano Cælo nequaquam Majo mense contingere solet . Quod si aliquot menses præter annos 3 Sergii Pontificatui adjiciantur , reponendum censemus ; id quidem in vetustioribus Catalogis , quibus major est fides adhibenda , desiderari . Septimus enim Colbertinus Catalogus , qui *A. 111. mens. 111. dies xv.* , Deusdedit ( *num. 9* ) , qui *Ann. 111. mens. I.* , & Cencius ( *num. 10* ) , qui *An. 111. mens. 11.* exhibent , [ cum quo & Catalog. *num. 11* , & Martinus Polonus & S. Antoninus consentiunt ] inferioris sunt ætatis , nempe sæculi xii. , & sequentium , quam ut auctoritati vetustiorum Monumentorum anteferri debeant .

Joannes Baptista Sollerius (a) Bertinianorum Annalium auctoritatem , quoad diem Sergii emortualem , non aliam ob causam posthabuit , quam quod existimavit difficile conciliari posse cum iis , quæ de Leonis IV. consecratione [ quæ celebrata creditur die 12 Aprilis ] narrat Anastasius . Hic enim ait ipso die obitus Sergii Leonem electum fuisse , sed postea , quum *periculum Romana Urbis maxime timeretur , ne iterum , ut olim , aliis ab hostibus fuisset obpressa ; hoc timore & futuro casu perterriti* [ Romani ] , eum *sine permissu Principis Prasulem consecraverunt* (b) , quod Sollerius brevissimo paucorum dierum curriculo factum fuisse contendit , nec a morte Sergii potuisse Menses duos cum dimidio usque ad Leonis consecrationem percurrere , quot nempe assignantur in quibusdam Anastasii Codicibus ,

in

(a) *In vita S. Leonis 1111. §. 2. inter Acta SS. Julii Tassl. die 2711.*

(b) *Anastasi. f. 67. 497. l. 23.*

in tribus Catalogis Colbertinis quarto, sexto, & septimo, & in Farfensi [num. 2], quotque effluxerunt a die 27 Januarii, cui Sergii obitum tribuunt Bertiniani Annales, ad diem 12 Aprilis, qua Leo IV. consecratus fuit. At animadvertat necesse est Sollerius, Saracenos illos qui paucis ante mensibus Urbem invaserant, & quorum causa Romanorum animi perterriti dejectique erant, jam Africam versus navigasse, & *electionis Leonis tempore* naufragio periisse (a). Adeoque tunc Romani non præteritos *hostes* seu Saracenos, sed *alios* qui Urbem impetere potuissent, præterito casu edocti, caute pertimescebant. Quod autem Romani Hlothario Imp. *Decretum electionis* de more per Legatos suos miserint, nullus dubito; Sed quum fortasse Imperator longissime agens, *Missis* suos qui Pontificiæ consecrationi adessent, Romam instituere nimium protraxisset, Romani periculum suæ Urbis metuentes, *ne iterum, ut olim*, ALIIS AB HOSTIBUS *fuisse obfessa*, consecrationem diutius differre noluerunt, dieque demum 12 Aprilis Leonem Pontificali dignitate sacrarunt. Hlotharius autem tunc in Palatio Regio Maris ad Mosam (b) constitutus erat, ubi mense Februario cum Hludovico & Carolo fratribus quædam *Capitula* celebravit, quæ apud Baluzium leguntur (c).

V. Sed ut ad nostros Adversarios revertamur, ex eo etiam confirmari Hypothesim suam arbitrantur, quod eodem tempore & Sergii obitus acciderit & ecclesiarum Urbis direptio

(a) Loc. cit. lin. 12. 11 Quid autem electionis  
12 fuit tempore Apostolorum suffragiis,  
13 suisque sanctis intercurrentibus precibus  
14 de Saracenis illis, qui tam nefarium scelus  
15 commiserant, Divina Virtus peregerit,  
16 hoc inconveniens aut reprehensibile non est  
17 sive ob futurorum sive timorem sive memoriam,  
18 presens litteris adnotare. Omnes enim cum  
19 vellem, iniquitatis ac depræda-

tionis scelere perpetrato, ad Africanam  
qua venerant, Regionem revertere.  
Vale Maris pelago vi ventorum procel-  
larumque, sicut certa relatione cognovimus,  
Deo permittente demersi sunt.

(b) Situm fuit prope Trajectum Mosæ, seu Maastricht, Mabillon. de Re Diplom. lib. 4. num. 90.

(c) Baluzius Capitular. Reg. Francor. T. 1. p. 41.

## 62 DE NUMMO ARGENTEO

direptio fuerit a Saracenis perpetrata (a), quam ideo Majo menti A. 846 assignant. Plura hic paucis verbis mendacia continentur. Saracenorum incurſio non Majo, ſed Auguſto menſe contigit; ita enim Bertinianus Annaliſta ad A. 846 (b): *Menſe Auguſto Saraceni Maurique Tiberi Romam aggreſſi Baſilicam B. Petri Apoſtolorum Principis devaſtantes, ablatis cum ipſo Altari, quod Tumba memorati Apoſtolorum Principis ſuperpoſitum fuerat, omnibus ornamentis atque theſauris, quendam Montem centum ab Urbe millibus occupant. Pars autem hoſtium Eccleſiam B. Pauli adiens, a Campanienſibus oppreſſa, proruſ interfecta eſt. Hæc autem Eccleſiarum direptio non ſub Leone, ſed vivente adhuc Sergio patrata eſt. Teſtem proſero ipſum Anaſtaſium (c), ad quem nos Adverſarii interpellant, ita ſcribentem: *Qui tunc præerat Sergius Romane Sedis Antiſtes ex præſenti vita ſubtractus eſt, SUB CUJUS ETIAM TEMPORE Eccleſie Beatiſſimorum Principum Petri, & Pauli a Saracenis funditus depradata ſunt. Nec Anaſtaſius ſcribit, tempore hujus Barbaricæ incurſionis Sergium obiiſſe, ſed Romanorum animos tunc quum ipſe defunctus eſt ob ſuperiores calamitates valde contritos fuiſſe, ideoque duplici eos calamitate affectos videlicet de repentina morte Pontificis, & devaſtatione qua facta fuerat in Eccleſiis ſanctis, cunctorumque finibus Romanorum ..... , cumque ..... de futuro cogitarent Pontifice Leonem una voce elegiſſe. Recte igitur noſtra Xpo<sup>ica</sup> & cum Bertinianis Annalibus, & cum libro Pontificali componitur, ut menſe Auguſto A. 846 Saracenorum irrupſio contingerit, & Sergius die 27 Januar. A. 847 Fatid conceſſerit, quo tempore Romanorum animi ex præterita clade nimium per-**

(a) Pag. 300 *ſec. cit.* Ce la s'accorde parfaitement avec une circonstance Hiſtorique qu'Anaſtaſe a remarquée au commencement de la vie de Leon IV. C' eſt que la mort ſubite de Sergius & le ravage qui

fut fait dans les Eglises par les Saracens arrivèrent dans le même tems ..

(b) Apud Du-Chetn. T. III. p. 209.

(c) In Leone IV. ſec. 491. lin. 20.

perculsi nondum potuerant tam brevi curriculo erigi, quum præsertim Barbari non modo prædictas Urbis Ecclesias, sed illius etiam fines longe lateque vastassent.

VI. Scribit libri Pontificalis Auctor, quod *nequid* is qui obierat Pontifex [Sergius] *ad sepulturam debitam fuerat deportatus* (a), quum Leo electus fuit. Consecratus est autem 11 vel 12 Aprilis die. Nam in quibusdam Anastasii Codd. (b), in Catalogis Colbertinis quarto, sexto, & septimo, & in Farfensi [num. 2] diserte legitur *cessasse Episcopatum mensibus 11. diebus xv.* Hoc autem Inter-Pontificium cum iis quæ narrantur in libro Pontificali de Leonis electione eodem ipso, quo Sergius obiit die, quomodo conciliari possit minime assequuntur Adversarii, quibus ignotum est, quod nos Capite sequenti uberius probaturi sumus, *Cessationem nempe Sedis* defumi consuevisse a morte præcedentis Pontificis usque ad consecrationem, non vero ad electionem Successoris. A consecratione igitur Leonis, nempe a die 11 vel 12 Aprilis, Anni Pontificatus ejus sunt numerandi. Catalogi porro Colbertini primus, tertius, quartus, quintus, & sextus, & plures ex nostris [num. 1, 3, 4, 6, 7, 8, 9] Annos VII. mens. 11. d. v. ipsum sedisse demonstrant. Codex Anastasii Thuanæus, Catalogus Farfensis, & 11. Colbertinus, Honorius Augustodunensis, Cencius [num. 10], Catalogus Janingi [num. 12], & Leo Urbevitanus unum tantum addunt diem, nempe A. VII. mens. 11. dies vi., qui complentur die 17 Julii A. 855, quo Leonem IV. obiisse ex Anastasio aliisque monumentis Primo Capite (c) jam luculenter probavimus.

## VII. Sed

(a) In Leone IV. *scilicet* 46 p. lin. 9.

drino-Vaticano 46 p. & Farfensi E. 4. num. 21.

(b) Nempe in Codd. Freheriano & Thuanæo apud Fabricium, in Vaticano XI. seculi (ad calcem T. XI. v. *Annal. Baronii* pag. 414. Edit. Lucens.) in Regio-Alexan-

(c) Præter ea, quæ num. 3. cap. 1. adduximus de die emortuali, festoque Leonis IV., consuli etiam possunt plures Usuardi

## 64 DE NUMMO ARGENTEO

VII. Sed multum sibi adjumento futurum confidunt Adversarii, quod narratur in libro Pontificali de Dinie-  
le Magistro militum, quo plura Hludovico Imperatori sili-  
fo & calumniose referente de Gratiano Sacri Palatii Ur-  
bis Superista, *Imperator Romam venire velociter procura-  
vit (a) : & rebus ibi pro animi sui sententia compositis  
abst, & sanctissimus Dominus Leo IV. Papa non post multos  
dies obdormivit in Domino (b)*. Non ignorant Adversarii ce-  
lebra-

dini Martirologii Editiones ( in *Actis SS.  
Junii Tom. vii. pag. 406.* ), Martirologium  
Romanum, Petrus de Natalibus, Prole-  
mazus Lucensis *Hist. Eccl. singl. (lib. xv. c. 2.)*  
(inter *Script. Rer. Ital. Cent. pag. 1013.*)  
& Leo Urbevetanus in Pontificum Chro-  
nicon (quod ad A. usque 1114. perduxit,  
quodque ed tum habemus opera viri cla-  
rissimi, & bono Litterarum Republica. na-

el, Joannis Lamii Tomo 1. *De ic. Eruditor.  
pag. 142.*) his verbis, „ Leo Papa Romae  
„ moritur plenus sanctis moribus ac ope-  
„ ribus, & in Ecclesia S. Petri seychetur,  
„ ejus Festum agitur xv. Kal. Au-  
„ gusti. „ Ceterum quoad Epocham illius  
Pontificatus in Catalogorum nostrorum Sy-  
noxis:

- 1 Catal. Vallicellanus. cv. *Leo sedit Annos VIII. menses III. d. v.*
  - 2 Catal. Farfensis *Leo [1111] ann VIII. m. III. d. vi.*  
*Cess. m. II. d. xv.*
  - 3 Catalogus Cavenfis VIII. III. v.
  - 4 Catalogus Bergomas VIII. III. v.
  - 6 Catal. Casanatensis. IIII. *Leo nat. Rom. ex  
patre Rodualdo sedit A. VIII. menses III. d. v.*
  - 7 Catalogus Lucensis VIII. III. v.
  - 8 Catalogus Urbinas VIII. III. v.
  - 9 Catal. Card. Denisedit. IIII. *Leo sed. ann. VIII. menses III. d. v.*
  - 10 Catalogus Cencii *Leo natione Romanus  
ex patre Dualdo sedit ann. VIII. menses III. d. vi.*  
*post DCCCXLII. ann. Inc. Dni & cess. d. vi.*
  - 11 Catalogus Vaticanus 629. VIII. III. v.
  - 12 Catalogus Janingi VIII. III. vi.
- In historia Romanorum Pontificum auctore Anonymo sub Caelesti-  
ro III. concinnata (apud Bern. Pezium *Thes. Novi Ane. T. II.  
Par. III.*) dicitur Leonem sedisse annos ix. menses III. usque ad  
A. 755, quod utique falsum est. Leo Urbevetanus scribit sedisse  
A. VII. menses III. dies vi. & cessavit Episcopatus diebus vi.  
(a) In Leone IV. *febr. 154. lin. 13.* (b) *Ibidem febr. 155. lin. 19.*

lebratum Romæ fuisse Concilium 67 Episcoporum die 8 Decembris A. 853 (a) : Ei adfuisse existimant Hludovicum Imperatorem (b), quem Romam profectum putant eodem anno 853, ut de criminibus Gratiano imputatis cognosceret : Indeque rediisse Anno sequenti, Junio mense, aut Quintili, cujus 17 die Leonem obiisse contendunt. Sed ut Anastasii auctoritas cum Spanhemianis ratiociniis convenire posset, debuisset Hludovicus Julio incipiente, vel ad summum circa Junii finem Roma proficisci ; siquidem Leo Papa *non post multos dies*, nempe 17 Kal. Julias, *obdormivit in Domino*. At contrarium plane evincit Diploma a cl. Muratorio evulgatum, ex quo patet Imperatorem jam inde ab initio Junii in Lombardia moram fecisse. Datum enim fuit hoc anno 854 *Nonis Junii*, Anno Hlotharii xxxv. Hludovici Imp. in Italia v. Indictione 11. in *Brixia Civitate* (c).

Sed præterea quonam argumento Adversarii nostri adstruere possunt, Hludovicum ad Synodum Romanam A. 853 accessisse ? Leonis IV. Biographus, quum antea de hac Synodo Romæ peracta peculiariter verba fecisset, alia plura Leonis gesta refert, ac postremo circa Vitæ finem Gratiani accusationem recenset, inopinatumque ea de causâ Hludovici Imp. Romam adventum ; non hæc quidem omnia confundens, sed alterum ab altero diserte secernens. Et bene quidem, quum meo judicio satis aperte constet nec Hlotharium, nec Hludovicum laudato Concilio interfuisse. Etsi enim *una cum*

## I

confi-

(a) Apud Baronium *ad A. 853. n. 32.* & ibi Pagiæ *num. 12* & Concil. *Edit. Ven. T. viii. l. p. 1127.*

(b) *Pag. 203. T. 11. Hist. de la Papauté* &c. „ Ainsi il est naturel de penser que „ l'Empereur alla à Rome vers la fin de „ l'An 853, qu'il employa la première

„ partie de l'An 854 à terminer l'affai- „ re pour la quelle il étoit venu à Rome „ & qu'il s'en retourna vers le milieu „ de l'Année, c'est à dire au mois de „ Juin ou de Juillet „

(c) Muratori *Ant. Ital. med. æv. T. I. pag. 927.*



## 66 DE NUMMO ARGENTEO

consilio Serenissimorum Lotharii & Ludovici Imp. (a) coactum fuisse dicatur, non ipsi tamen Augusti, sed quatuor Legati seu Missi adfuerunt ab Imperatoribus destinati, Joseph Eporegiensis (b), Nottingus Brixienfis, Petrus Spoletinus, & alius Petrus Aretinus Episcopi (c), qui in Concilii Actis Missi Imperiales, & Missi sacratissimorum Imperatorum dicuntur (d). Ipsos alloquutus legitur Leo IV. in eadem Synodo, cum iis sermo semper institutus, iidem sæpe compellantur; Imperiales Litteræ proferuntur; omnia, quæ a Hlothario & Hludovico Augg. in causâ Anastasii gesta fuerant, fuscè narrantur; at de ullius Imperatoris præsentia ne verbum quidem. In altero sane Concilio Romano incerti anni [quod tamen A. 850 (e) celebratum fuisse existimo] longe aliter res habuit. Nam usque dum Hludovi-

CUS

(a) Anastasius in Leone IV. *fest.* 544.

(b) Joseph Episcopus Eporedienfis, & Abbas Naualiclenfis Monasterii, velut discimus ex Diplomate Hlotharii apud Musatorium in *Antiquit. Ital. med. ævi*. T. vi. pag. 313. & T. v. pag. 971, Hludovici Imperatoris demum Archicapellanus creatus est. In Placito Synodi Romanæ A. 850 [apud eund. loc. cit. T. vi. p. 391. D. 394. C. 395. A.] Archicapellanus Domini Imperatoris discrete appellatur. Hlotharius Aug. in Epistola ad Leonem IV. [inter Acta Concil. Romani A. 853. Concil. T. 1. 2. pag. 1137. B. Ed. Ven.] eundem reverendissimum Episcopum, atque dilecti filii nostri Hludovici Archicapellani dicit. In Synodo autem Regia Ticin. circa A. 850 celebrata, is Archicapellanus totius Ecclesiæ vocatur [Concil. loc. cit. pag. 1085. A.]; ex quibus verbis Dominicus Berninus [Il Tribunale della S. Rota Romana pag. 20. & 18.] falso credidit, eundem Romani Pontificis Archicapellani, seu S. Rote Romanæ Decanum fuisse. Sed causam afferit eum idem & Imperatoris, & totius Ecclesiæ Archicapellani dici poterat. Imperatoria Dignitas tum Romana Ecclesiæ, quæ omnium

Mater est, tum ceterarum omnium tutelam ac patrocinium in se continebat: ideoque Hlotharius Imp. cum Hludovico Pin ejus patre sic loquens Inductus a Paschase [in vita Wala lib. 2. num. 17. cap. 3. apud Mabillon. Sac. Bened. IV. Par. I. pag. 511.] Perpendat Sublimitas vestra..... quod æque me suscipere fecit hanc curam & defensionem ipsius permaxime (Romanæ Ecclesiæ), ceterarumque Ecclesiarum, quando me consortem totius Imperii Celsitudo vestra una cum voluntate Populi constituit. Et in Formula Patriarchatus hæc exprimebantur: Hunc honorem tibi concedimus, ut Ecclesiæ Dei & pauperibus legem facias, & inde apud Altissimum Judicem rationem reddas. Plura vide apud Petrum de Marca in Concord. Sacerd. & Imp. lib. 1. cap. 12. & Justum Fontaninum Diss. I. di Cernacchio n. 98. 103. & alibi.

(c) Anastas. loc. cit.

(d) Apud Hallen in Collect. Rom. Par. 2. pag. 101. & Concil. T. 2. pag. 1135. & seqq. Edit. Venet.

(e) Vide Not. in num. ult. hujus capituli.

cus Imp. eidem adfuit, omnis tum a Leone Pápa, tum a Synodi Patribus ad eum instituebatur oratio, ipse interrogabatur, ipsemet ceteros alloquebatur, nec *Missi* usquam memorantur. Sed quum controversia de qua agebatur longius protraheretur, tunc Imperator, *relictis Missis suis ad istam Causam finiendam, idest Joseph Archicapellano, Angelberto Archiepiscopo, Notingo Episcopo, & Adelchesi Comite, a Concilio discessit* (a).

Sed consulantur demum Synodi ipsius subscriptiones. In iis primum exhibetur Leo Pontifex, postea Hlotharii nomen inseritur, his verbis *Hlotharius Imp. subscripsit*, deinde *Paulus Diaconus vicem agens Joannis Archiepiscopi Ravennae, Joseph Episcopus Eporediensis* cum aliis tribus Legatis, ceterisque Synodi Patribus. *Hindovici* vero nomen nullibi invenitur. Quoad Hlotharium, asserit quidem cl. Joannes Dominicus Mansius (b), ipsum Concilio adfuisse: Id quod subscriptio laudata eidem fortasse persuasit; qua tamen nil aliud efficitur præterquam quod Hlotharium licet absentem, vel tunc per Legatos suos, vel postea per se ipsum sententiam damnationis Anastasii confirmasse. Hujus quidem moris exempla non pauca suppeditat solertissimus harum rerum indagator Joannes Mabillonius, qui lib. I. l. cap. xx. n. 4. de *Re Diplomatica* hæc scribit: *Synodicis Diplomatum non solum præsentes Episcopi subscribebant, sed etiam absentes, immo & futuri. Unde factum est, ut in vetustis illis Monumentis post præsentium nomina, aut certe inter finem contextus & eorum subscriptiones amplum non raro sit relictum spatium, quod absentium & futurorum subscriptiones capere posset. Quod pluribus & argumentis & exemplis Vir doctissimus*

(a) Ex quodam Præcepto Synodali apud Muratorium in *Antiqu. Ital. med. ævi*. T. vi. p. 349. Hæc autem Synodus non est confundenda cum altera quæ die 8 Decembris A. 853 celebrata est, prout infe-

rius probatur sumus in *Not. ad num. ult. hujus capituli*.

(b) Mansius in *Supplem. ad Concil. Venerabilis-Labreana* T. I. pag. 927.

## 68 DE NUMMO ARGENTEO

confirmat (a); ideoque hoc pacto non semel accidit, ut duo vel plures ejusdem Sedis Episcopi in hujusmodi Synodis subscripti reperiantur: quod & in Diplomatum quoque Regiorum subscriptionibus non raro factum fuit. Hlotharius vero, quo tempore Synodus Romæ celebrabatur [die 8 Decembris A. 853] longissime absuisset, plura sunt quæ suadent. Ipso enim præcedenti Novembri mense ad Valentianas [Galliæ Belgicæ Urbem] Regni Conventum habuerat, in quo plura condidit Capitula, quæ apud Baluzium legi possunt (b). Inde Leuticum divertit, ubi initio sequentis Anni 854 a Carolo fratre Aquitanicæ Rege conventus est. Ibi colloquio habito, & societate inter fratres firmata, Carolus professionem in Aquitaniam tempore Quadragesimæ celebrat, in qua usque ad Paschalem festivitatem demoratur (c). Sed rebus infectis rursus ad Hlotharium se contulit, quocum apud Astiniacum alium Conventum mense Junio celebratum fuit (d). Hlotharius interim Prumiam versus proficiscitur, & 6 Idus Julias in Palatio Regio Manderfeldii quoddam Diploma consignavit (e). En igitur quam longissime Roma his temporibus abesset Hlotharius, qui tunc in Gallia Belgica morabatur, quum Synodus a Leone Papa pro Anastasii causâ Romæ cogeretur.

In Libri Pontificalis textu mendum irrepsisse putant Adversarii (f), ubi legitur, Danielem Magistrum militum ad

(a) Alia vide lib. 15. n. 2. T. I. & lib. 39. n. 39. T. II. *Annal. Benedictin.*

(b) Baluzius in *Capitular. Reg. Franc.* T. II. pag. 61.

(c) *Annales Bertiniani ad A. 854 apud Du-Chesn. T. III. pag. 206. Rev. Franc. Script.*

(d) Baluzius loc. cit. pag. 69. Eckart. *Rev. Franc. Orient. T. II. lib. 30. n. 107.*

(e) Apud Marcetium in *Vet. Monum. T. I. pag. 131.*

(f) *Hist. de La Pappe &c. T. II. pag. 205.* „ Au reste comme Lothaire étoit „ encore Empereur en chef lorsque Da- „ niel partit de Rome pour aller porter „ ses plaintes à la Cour Impériale, je „ juge que ce passage d'Anastase a été „ fautive, de même que plusieurs autres. „ Anastase avoit nommé Lothaire seul, „ ou Lothaire & Louis ensemble. Mais „ les corrompueurs d'Anastase ont retran- „ ché le nom de Lothaire &c. „

ad Hludovicum dumtaxat, non item ad Hlotharium Imp. perrexisse, ut infidelitatis crimine Gratianum *Romanæ Urbis Superistam* (a) accusaret. Sed in tam gravis momenti negotio quælibet mora nimium periculosa videri potuisset; ideoque Daniel ex duobus Imperatoribus eum, qui propior esset, convenit, nempe Hludovicum tunc in Lombardia agentem, ut *num. VII. Cap. I.* jam adnotavimus, eo vel maxime quod omnem Italici Imperii procuracionem Hludovicus a Patre obtinuisset; quod *num. VI.* ejusdem Capituli susius probavimus. Hlotharius autem eo tempore in remotissimis Franciæ Orientalis partibus agebat. Vel hæc enim A. 854 evenerunt juxta falsam Adversariorum Hypothesim, & Hlotharius tunc apud Attiniacum, Leuticum, & Prumiam morabatur; vel Anno sequenti, prout revera accidit, & iisdem etiam in locis versabatur, veluti ex Datis variorum Diplomatum colligi potest, quorum alterum Aquisgrani consignatur 5 Kal. Februar., alterum in Novo Castello 7 Idus Julii, postremum Sconilare 13 Kal. Octobris (b).

Quibus omnibus liquido constare arbitror nec Hlotharium nec Hludovicum Synodo Romanæ diei 8 Decembris A. 853 interfuisse, nec Hludovicum pro Gratiani caussa A. 854, sed A. 855 Urbem petiisse, adeoque Leo-

(a) Gratianus hic *Romanæ Urbis Superista* ansem præbuit Jo: Georgio Eckhart suspicandi, Imperatores habuisse in Urbe Palatium, & Palatii Praefectum, qui hic nunc vocet *SUPERISTA* dicitur; adeoque ex hoc inferri Potestatem & Dominationem in Urbe eacrentis. Ita cl. *Au-  
tor Rev. Franc. Orient. lib. 30. num. 116.* Sed quoad *Superista* Dignitatem egregie fallitur. Gratianus enim non Imperatoris Palatii *Superista* erat, sed Lateranensis Patriarchus, quod *Palatii* nomine a Romanis scriptoribus sæpe designari solbat. *Benedicti III. Biographus sed. 26. c. 10.*

eundem Gratianum *sacri Superistam Patriarchis* dièrte appellat. Joannes PP. VIII. *epist. cccxxii.* ad Carolum Crassum scribit, mitti ab se *Petrum insignem Palatii nostri Superistam* [Concil. T. IX. p. 200. *Et Paris.*]. In Charta Regis Subiacensis ad A. 866 pertinente [apud Jo: Dominicum Georgium in *notis ad Baronium* T. XV. Ed. *Lucæ. bat. 75.*] nominatur *Leo eminentissimus Consul & Dux atque Superista*. Plura dabit Cangius in *Gloss. med. & inf. Latinit.* v. *Superista*.

(b) Apud Martenium *T. I. Vet. Monum. p. 12. 136. 138. 140.*

# 70 DE NUMMO ARGENTEO

Leonem IV. hoc tantum anno, non præcedenti, vita functum fuisse.

VIII. Quoad Benedicti III. exordia, nihil est cur ea quæ superioribus Capitibus I. & II. egregie firmata sunt, hoc rursus loco repetamus. Eundem vero proxime post Leonem IV. Apostolicam Cathedram conscendisse, nullo alio Pontifice intermedio, luculenter testantur Scriptores omnes & Monumenta quotquot exstant XIII. vel XIV. sæculo antiquiora, velut num. II. Cap. I. satis innuimus. Concilium Tullense, quatuordecim post Benedicti obitum mensibus, hoc est mense Junio Anni 859 celebratum, præclare idipsum confirmat his verbis (a): *De qua reverentia salubriter a vobis & a Gente vestra Metropolitano impendenda, tempore Nomenii Ducis, & reverendissimi PAPÆ LEONIS ET SUCCESSORIS EJUS BENEDICTI scripta docuerunt, & refragantibus Apostolica auctoritati dignam excommunicationis protulerunt sententiam. Nicolaus Papa in Epistola ad Episcopos Synodi Sueffionicæ III. data die 6 Decembris an. 866 (b), ait: Interea ..... Apostolica Sedis Pontifex Leo, qui fratris Hincmari propositum noverat, ab hac luce subtrahitur est: quumque sanctæ memoria BENEDICTUS, vir Apostolicus EI SUCCESSISSET IN ORDINE PONTIFICATUS, rursus reverendus Hincmarus arma præparat & eidem summo Præsuli, tanquam suarum inexperto versutiarum latenter subripit, & in ipso consecrationis ejus principio suadet, ut Concilium quidem ad votum unius hominis congregatum firmaret &c. De qua eadem re ipse Hincmarus ad Nicolaum hæc scripserat (c): *Missos meos cum litteris ..... Romam direxi, quibus in via nuncius venit de obitu Papæ Leonis; pervenientibus autem Romam cum præfatis litteris, Dominus nomine & gra-**

(a) Concil. T. VIII. pag. 695. Edit. Paris.

(b) Loc. cit. pag. 845, & 846.

(c) Hincmarus Rhemenfis epistola 26 ad Nicolaum I.

*& gratia Benedictus mihi quod nostis Privilegium inde direxit.* Hæc quidem invictissima sunt argumenta, quibus nequaquam Adversarii adhuc satisfecerunt; Sed quo magis res in aperto collocetur, addam & alterum præstantissimum Monumentum non multis abhinc annis in lucem editum ab eximio viro Francisco Blanchinio in *Prolegomenis ad Tomum II. Anastasii Vaticana Editionis pag. LXI.* Est autem antiquus Episcoporum Neapolitanæ Ecclesiæ Catalogus circa IX. sæculi finem confectus, & ex vetustissimo illius ætatis Codice (a) erutus, ibique exhibetur Athanasii Episcopi nomen, & Episcopatus ejus Epochæ ad tempora Romanorum Pontificum qui suo tempore vixerunt relata. *Athanasius Episc. sed. ann. XXII. mens. VI. dies XXXIII.* .... Fuit temp. *Leoni. & Benedicti.* Nicolai Adriani Pap. & Michaeli. & Basilii Imp. En igitur luculentissimum testimonium, & ex Romanæ Ecclesiæ scriniis haudquaquam expiscatum, quod proximam post Leonem IV. Benedicti III. successionem demonstrat. Vetustissimi quique Romanorum Pontificum Catalogi, & libri Pontificalis, qui Anastasii nomine vulgo circumfertur, Codices, quotquot supersunt, idem plane confirmant. Horum plures hic Romæ omnium oculis patent, alii Florentiæ, Venetiis, Lucæ, & alibi, decimo & sequentibus sæculis exarati, in quorum nullis Joannæ Papiæ Fabula apparet, ac sicubi legitur, eadem recentiori caractere addita & inserta fuit. Exemplo sit antiquus & optimæ notæ Codex Vaticanus 3762, ubi post vitam Gregorii II. legitur PETRUS GUILLERMUS BIBLIOTHECARIUS APUD ACEJUM DUM IBI MORARETUR ANNO DOMINICE INCARNATIONIS MILLESIMO C. XLII. Ibi igitur testante Vignolio (b) *prope finem Vitæ Leonis IV. posteriore ac minuitore cha-*

(a) Codex membranaceus Bibliothecæ S. Marci Florentiæ litteris Longobardicis exaratus; quarum specimen dedit Blanchinius loc. cit. pag. 59.  
(b) In Prefat. ad suam Editionem libri Pontificalis.

charactere addita fuit *Joanna Papissa Fabula*, quæ inferiorem paginæ aduersæ folii 124 marginem implet. Ex quo putidam istam & anilem ejusdem Papissæ Fabulam ante annum saltem 1142, quo liber scriptus dicitur, hoc est post trecentos fere annos a Leonis IV. morte, cui (Benedicto 111. proximo illius successere possibilibus) eam proximo successisse faciunt, nondum ab ignaro prorsus Chronologica Romanorum Pontificum historie excogitatam fuisse liquet. Alia Romanorum Pontificum brevis Historia superioribus annis in lucem prodit ex manuscripto Cod. Monasterii Zwentlensis curante cl. viro Bernardo Pez Cælestino 111. vivente circa annum 1191 exarata, in qua post Leonem IV., qui numero 105 exhibetur, sequitur numero 106 Benedicti 111. nomen, nullo alio interjecto Pontifice. Ex quo apparet Joannæ Fabulam Anno 1191 nondum cognitam fuisse. Auctor seu concinnator Operis prædicti clarissimo Editori natione Germanus videtur, etsi multa, meo quidem judicio, ex Anastasio, Petro Bibliothecario aliisque in Opus suum traduxerit.

Sed ut ad institutam Romanorum Pontificum *Xporo-  
radē* revertamur, animadvertere est, in omnibus Pontificiis Catalogis Benedicti 111. Pontificatum Annis 11. & mensibus vi. definiri, exceptis tantum & Cencii (num. 10), & Janingi Catalogis (num. 12) in quibus menses v. notantur, & septimo Colbertino in quo vii., & Farfensi, in quo per librarii errorem Ann. xx. irrepserunt. Dies autem in primo, tertio, & quinto Colbertinis & apud Honorium Augustodunensem assignantur vi., in Farfensi vii., in quarto, & sexto Colbertinis ix., in septimo, in Cavenfi (num. 3), Lucensi (num. 7), Urbinate (num. 8), dies x., in Vallicellano (num. 1) & Bergomati (num. 4) xi. Hisce igitur antiquioribus monumentis inhærentes statuamus

# BENEDICTI III PONT. MAX. 73

tuamus cum Pagio Benedictum III. sedisse annos II. menses VI. dies circiter X (a) ; ideoque in diem 29 Septembris A. 855 ejus consecratione rejecta, eundem obiisse arbitratum Pagius die 8 Aprilis A. 858, quod & nos vehementer probamus. Ac re quidem vera notant Colbertini Catalogi quartus, sextus, & septimus, Anastasii Codices Regius, Cavenfis (b) & Barberinus (c) vacasse tunc Sedem diebus XV., quos si addamus diei 8 Aprilis quo mortuum dicimus Benedictum, liquido constabit Nicolaum consecratum fuisse die 24 ejusdem mensis, quæ hoc anno in Dominicam incidit, in eam nempe diem, qua Summorum Pontificum consecrationes ea præsertim ætate fieri solebant,

(a) 1	Catalogus Vallicellanus. <i>CPI. Benedictus sedis Annos</i>	II. menses VI. dies	XI.
2	Catalogus Farfensis <i>Benedicti [III] an. XX. m.</i>	VI. d.	VIII.
3	Catalogus Cavenfis	II.	VI.
4	Catalogus Bergomas	II.	VI.
5	Catalogus Vatic. 232	II.	VI.
6	Catalogus Casanatensis. <i>III. Benedictus nat. Rom. ex patre Petro sed. A.</i>	II. mens. VI. dies	VI.
7	Catalogus Lucensis	II.	VI.
8	Catalogus Urbinas	II.	VI.
9	Catalogus Cardinalis Deusdedit	II.	VI.
10	Catalogus Cencii. <i>III. Benedictus nat. Rom. sed. ann. post DCCCLV. an. Incarn. Domini &amp; Cess. d. XV.</i>	II. m.	V.
11	Catalogus Vaticanus 629	II.	VI.
12	Catalogus Janingi	II.	V.

In Historia Rom. Pont. sub Cælestino III. conscripta legitur Benedictum sedisse *Annos duos, menses sex usque ad A. 859*. Leo Urbevetanus ponit *Annos duos, menses quinque, & cessavit dies 15*.

(b) Apud vit. cl. Jo. Dominicam Geot- (c) Cod. 2017. membr. Bibl. Barberinæ glum in *Var. Lest. Anastasii* Editis ad cum Glossis ineditis Petri Episcopi Urbevetanæ T. XIV. *Annal. Barenis Edit. Luccæ*, pag. 616.



# 74 DE NUMMO ARGENTEO

bant, quemadmodum pluribus docuit Papebrochius, & Pagius regula sua sexta egregie firmavit.

Sedit Nicolaus in Apostolica Cathedra Annos ix. menses vi. dies xx. Id enim diserte testantur melioris notæ Catalogi Vallicellanus, Farfensis, Cavenfis, Bergomas, Casanatensis, Lucensis, Urbinas (a). Immo in Casanatensi, in quo dies xxix. primùm notati fuerant, ab alia vetusta manu, quæ Codicem distinxit & emendavit, dies ix. deleti fuere. Vallicellanus autem Catalogus, meo quidem iudicio, præ ceteris auctoritate præstat, qui, ut supra innui, ipso Nicolao superstite exaratus fuit; ideoque numerus annorum, mensium, ac dierum, quibus Ecclesiam rexit, posteriore manu adnotatus apparet. Ad amussim vero Epocha prædicta Nicolai Pontificatum designat.

## (a) 1 Catalogus Vallicellanus. CVII.

	<i>Nicolaus sedit ann.</i>	[v:iiii]men.	[vi]dies	[xx]
2	Catalogus Farfensis	viii.	vi.	xx.
3	Catalogus Cavenfis	viii.	vi.	xx.
4	Catalogus Bergomas	viii.	vi.	xx.
5	Catalogus Regio Vatic. 232	viii.		xv.
6	Catalogus Casanatensis. <i>Nicolaus nat. Rom. ex patre Theodoro sed. A.</i>	viii. men.	vi.	xx[viii]
7	Catalogus Lucensis	viii.	vi.	xx.
8	Catalogus Urbinas	viii.	vi.	xx.
9	Catalogus Card. Deusdedit	viii.	vi.	xx.
10	Catalogus Cencii. <i>I. Nicolaus nat. Rom. ex patre Theodoro sed. ann.</i>	viii. m.	ii. d.	xx.
	<i>post DCCCLVIII. ann. Inc. Dom.</i>			
11	Catalogus Vaticanus	viii.	vi.	
12	Catalogus Janingi	viii.	ii.	xx.

In Historia Rom. Pont. apud Pezium notantur anni viiii. men. viiii. usque ad A. 868, apud Leonem Urbevetanum anni viiii. mens. ii. dies xx.

signat. Namque a die 24 Aprilis A. 858 quo consecratus est, ad diem 13 Novembris A. 867 quo obiit, tot omnino anni menses ac dies numerantur. Ipsum vero Idibus Novembris e vita migrasse tradunt, tum Anastasius Bibliothecarius in quadam epistola, qua ejus mortem Adoni Vienneſi Archiepiſcopo nunciavit (a), tum ipſius Nicolai Biographus, qui & addit Indictionem I. tunc numeratam fuiſſe (b), quæ Græco more ipſis Kalendis Septembris Anni 867 jam decurrere cœperat.

X. Noſtris vero Adverſariis, quibus curæ eſt ad falſas Hypotheſes ſuas tuendas Nicolai mortem in Annum uſque 868 protrahere, placuit Indictionem I. a Biographo notatam Romano potiùs quam Græco more interpretari. Romani enim conſueverunt, Indictiones non a Kalendis Septembris, ut apud Græcos, nec ab 8 Kal. Octobris ut Conſtantinopoli & alibi, ſed a Kalendis Januariis inſtituere, ut deinceps hæc Indictionum computandarum ratio Romana fuerit appellata. Verum perſuaſum ſibi omnino habeant Adverſarii, hanc Indictionum rationem, eſſi poſt XI. præcipue ſæculum apud Romanos invaluerit, ſuperioribus tamen ſæculis vel ſere incognitam, vel ſaltem infrequentiſſimam fuiſſe, quum Græca jam ubique obtineret. Sed ut nullus dubitandi locus remaneat, quin A. 867 a Septembri mēſe Indictio I. Romæ jam inſtituta fuiſſet, inſignis locus adducendus eſt ex Vita Hadriani II., qui Nicolao ſucceſſit, a Guillelmo S.R.E. Bibliothecario conſcripta. Tradit enim Hadrianum, ſtatim ac Nicolaus ad Superos abiit, communi ſuffragio Apoſtolicæ Cathedræ ſucceſſum fuiſſe, & continuo *peractis rite orationibus*, die *Dominico ſecundum morem*, XIX. Kalen. Januaria-

K 2

rum

(a) Exſtat in T. VIIII. Concil. Edit. Pa-  
riſienſ.

(b) Anaſtaſii Eibl. *Liber Pontificalis*  
Edit. Vatic. ſcſſ. 612.

## 76 DE NUMMO ARGENTEO

*rum Indictione I.*, anno [Hludovici] *Augusti* xix. *benedictionem summi Pontificatus suscepisse* (a). Quæ omnia in Annum 867 optime conveniunt. Hludovici enim annus xix. ab A. 849 deducitur, Epochæ sat frequenti & apud Romanos præcipue usurpata, ut superiore Capite *num.* ix. observavimus. Hoc item Anno 867, qui Littera Dominicali E donatur, dies xix. Kal. Jan. in Dominicam incidit. Ex quo fit, ut Hadriani consecratio ab hoc anno removeri nullo modo possit. In sequenti enim 868 dies xix. Kal. Jan. in Feriam tertiam incidit. Quid certius in universa Chronologia, quam ubi designatio temporis cum Feriæ & diei Characterismis consentit? Ideoque si Hadriani II. consecratio die 14 Decembris A. 867 certissime accidit, Indictio I. quæ a Guillelmo memoratur Græco more a Kalendis Septembribus illius anni erit desumenda: si enim Romanam Indictionem designare maluisset, non primam, sed decimam quintam adnotasset, ut Romana ratio tulisset. Cessent igitur Adversarii nostri Blondellum irridere (b), quod Hadriani consecrationem A. 867 assignasset; audiant clarissimos Danielelem Papebrochium (c): Joannem Mabillonium (d), Antonium Pagium (e), qui etsi ignotum plane his sæculis Romæ non fuisse autument morem Indictiones a Kalendis Januariis deducendi, attamen raro admodum earum exempla ante xi. sæculum deprehendi observant.

Hoc ipso sæculo ix. in cuius historia versamur, non pauca habemus exempla, ex quibus intelligimus Indictiones Græco more in Urbe tunc numeratas fuisse. Huiusmodi enim Indictionem præsefert papyracea Bulla Leonis IV.

(a) Liber Pontificalis in Hadriano II. *mol. in Leone IX. pag. 190.*  
*sect. 815.*

(b) *Hist. de la Papauté* Far. iv. cap. v.  
*pag. 212.*

(c) Papebrochius in *Conatu hist. Chro.*

(d) Mabillonius de *Re Diplom. lib. 2.*  
*cap. 24. num. 3.*

(e) Pagius in *Critica Baroniana passim.*

nis IV., quæ in Vaticana Bibliotheca servatur, scripta per Stephanum Scrinarium *in mense Septembris die quinta Indictione XIV. (a)*. Ceteri autem chronici characteres in A. 850 incidunt, quo Indictio XII. Romano more usque ad Anni finem perdurasset; Græco autem more, Kalendis Septembribus Decimaquarta jam decurrere cœperat, quemadmodum in Bulla notatur. Hoc eodem anno idem Pontifex Leo IV. septuagintaquinque Episcoporum Synodum Romæ coegit die 16 Decembris Hludovico Imperatore præsentē (b) contra Anastasium Presbyterum Car-

(a) Apud Donium *Inscript. Antiq. p. 468.*

(b) Hludovicum Imper. adhiisse huic Concilio in Ecclesia B. Petri Apostolorum Principis consto, deduco ex quodam Synodali Præcepto in causa Petri Aretina & Cantii Senensis Ecclesiæ Episcopi prolato, quod editum primo fuit a cl. Muratorio *pag. 389. Tom. vi. Antiquit. Ital. med. ævi*, & iterum a cl. Jo. Dominico Mansio *pag. 919. F. I. Suppl. ad Concilia Venet. Laibana*, cui subseribunt Episcopi XVI., quos inter Johannes Archiepiscopus Ravenna, Archiepiscopus Mediolanensis, Amorosus Episcopus Lucensis, Ojehis Episcopus Cisterciensis, Donatus Episcopus, Gerardus Episcopus, Job. Pisanus, Andreas V. laterranus, Theophrastus Cusinus, Otto Rosellensis, & Job. Tuscanensis. Quum vero hæc Charta nullo certo chronologico characterē notetur, veri nimirum simile visum est cl. Muratorio, referendam esse Concilio, quod die 8 Dec. A. 853. in Basilica Vaticana coactum fuit. At in illo nunc illudovicus Imper. adhiuit [quemadmodum supra observavimus num. VII. hujus Capituli], qui tamen Synodali iudicio prædicto interfuit; nec illi quos laudavimus Episcopi, qui Charta subscribunt & præsentēs fuerunt [*pag. 391. apud Murat. loc. cit.*] huiusmodi Concilio A. 853. adfuerunt, quum eorum nomina in ipsius subscriptionibus editis ab Holsenio *Collect. Rom. Par. 2. pag. 114., & T. 12. Concil.*

*Ed. Venet. pag. 1237.*, nulli legantur. Immo ipsemet Johannes Archiepiscopus Ravennas Charta subscripsit & adhiuit [*pag. 391. ibidem*], qui tamen Concilio Anni 853. abiens per Legatum suum subscripserat; ibi enim legitur: *Paulus Diaconus vices agens Janus Archiepiscopus Ravennas*. Sed quod omnino rem in apertum ponit est Charta ab eodem Muratorio evulgata *pag. 167. T. 111. Antiq. Ital. med. ævi*, in qua, ut probe observat Mansius, jam a mense April. Anni 853. Lucensis Episcopus Hieremias dicitur, quem tamen successisse ceterum est Ambrosio, qui laudato Synodali Præcepto subscripserat. Ideoque saltem ante April. A. 853. illud collocandum videtur. Ego vero, ut mea fess sententia, datum fuisse arbitror in Concilio, quod die 16 Decembris Indictione XIV. Anni 850 in causa Anastasi Romæ coactum fuit, ejus hithoriam Leo IV. in Basilica Vaticana depingi fecerat, cum inscriptione, in qua præ ceteris hoc notatum fuit: *Post Romanum Pontificem in hac excommunicatione consenserunt Archiepiscopus Ravennatis & Mediolanensis, alique numero LXXV. [apud Holsen. in Collect. Rom. Par. 11. pag. 139. & Concil. loc. cit. p. 1145.]* De qua eodem Concilio non obfcurè fit mentio in Actis jam laudatis alterius Synodi A. 853. [apud Holsen. *loc. cit. pag. 102. & 109. Concil. loc. cit. p. 1135.*] Quum igitur idem Johannes Ravennas

& An-

## 78 DE NUMMO ARGENTEO

Cardinalem, qui Romanam vehementer vexabat Ecclesiam. Indictio autem XIV. notatur in Concilii Actis (a); quæ a Kalendis Septembris est necessario deducenda. A. 853 Leo IV. iterum aliam Synodum eadem de causa Ravennæ celebravit *in mense Maio die 29 Indictione I.*, ubi ipsum Anastasium diro anathemate percussit his verbis, quod *contra statuta Patrum propriam Ecclesiam deferens, ecce jam per quinquennii tempus per alias Parochias velut ovis errans discurrit (b)*; quam sententiam in Ecclesia B. Petri Apostoli *in mense Junio die 29 Indictione superius annotata similiter promulgavit*. Quo facto quum audisset pientissimus Pontifex Anastasium Clusii adhuc immorari, eum continuo per litteras paterne est alloquutus, & ad novum Concilium, quod Romæ congregaturus erat *xv. die mensis Novembris expectata futura secunda Indictionis (c)* invitat. Ex quo discimus, in mense Junio vel Julio, quibus jam prima numerabatur Indictio, expectatam Romæ fuisse futuram secundam Indictionem in proximo mense Novembri numerandam: Argumento, Indictiones non a Kal. Januariis ad alteras Kalendas fuisse deductas, sed ab uno in alterum Septembrem.

Coacta igitur fuit hoc anno Synodus prædicta, & absoluta *die 8 Decembris Indictione II.* prædicta [a Kal. Septembris deducta], in qua depositus fuit Anastasius eo quod *contra auctoritatem Canonicam propriam Parochiam deseruisset per annos scil. quinque, & in aliena ad usque hodie demonstratur (d)*.

Hanc

& Angelbertus Mediolanensis Archiepiscopus, tum prædicto Synodali Præcepto, tum Concilio diei 16 Decembris A. 850 interfuerint & subscripserint, vero nimium simile mihi videtur prædictum Præceptum in hoc Concilio prolatum & sanctum fuisse; adeoque affirmare non dubitavi, Illustrissimam Imp. Concilio Romano A. 850 interfuisse, proximique Synodale Præceptum, a Muratorio divulgatum, in eodem

Concilio celebratum fuisse.

(a) Apud Holsten. in *Collect. Rom. Par.* II. pag. 138, & *Concil. T. II.* p. 1145 Edit. Vyn.

(b) Apud Holsten. loc. cit. p. 138. 102. & *Concil. loc. cit.* & pag. 1135.

(c) Holsten. l. c. p. 106. 109. *Concil. l. c.* p. 1136. A. D.

(d) Holsten. l. c. pag. 101. 143. *Concil. l. c.* pag. 1135. 1140.

Hanc eandem Indictionum rationem evincit papyraceum Privilegium, quod Monasterio Corbejensi a Benedicto III. concessum fuit, de quo plura Capite superiore, n. VIII. & IX. Ibi enim notantur in Data chronici characteres A. 855 die 5 Nonas Octobris Indictione IV. quæ, Romano more, tertia tantum numerari debuisset.

Litteras etiam Hadriani II. referunt Bertiniani Annales (a) datas Anno Pontificatus Domni Adriani Summi Pontificis & universalis Papa primo, per quartum Idus Octobris Indictione II. hoc est A. 868. Romana vero ratione Indictio prima dici debuisset.

Ex quibus simul collatis conficitur A. 850, 853, 855, & 868 Indictiones a Kalendis Septembris (b) a Romanis Pontificibus institutas Græco more fuisse, ideoque talem etiam censendam esse Indictionem I., qua corrente Nicolaum I. Fatis concessisse tradiderat ejus Biographus.

Proindeque his omnibus argumentis (ni fallor) tota Spanhemiana Hypothesis subvertitur; Pontificia Chronotaxis sæculi IX. restituitur; quæ de morte Leonis IV. & Benedicti III. consecratione superioribus capitibus differuimus confirmantur, & omne penitus tollitur illud temporis intervallum, quo Apostolicæ Sedis inimici Papissam suam commode se collocasse arbitrabantur.

## CAPUT


(a) Annales Bertiniani ad A. 868 apud Du-Chêne. T. III. *Scriptor. Rer. Franc.* pag. 230.

(b) Dicimus Indictiones a Kalendis Septembris (non ab VI. Kalend. Octobr.) eo tempore deduci Romæ consuevisse. Id æquum testatur laudata Leonis III. papyracea Bulla die 5 Septembris A. 850 Indictione XIII. consignata. Idipsum etiam adibi in Italia obtinuisse probant duæ Lucen'se Chartæ apud clar. Muratorium *Annali d' Italia Tom. V. ann. 849*, quæ hanc eandem referunt Datum Regnante, D. N. Hlothario Imper. Aug. Anno Imperii ejus postquam in Italia ingressus

est trigesimo tertio, & filio ejus D. N. Hlothario idemque Imper. Anno sexto, quæ omnia in A. 855 concurrunt. Sed altera ex his Chartis, quæ Data est XII. Kal. Julii, Indictionem XII. præferret; altera vero quæ die 22 sequentis mensis Septembris, mutatam exhibet Indictionem, nempe Indict. XIII. K. Kalend. Octobris. Aliæ etiam Charta ibidem citatur a Muratorio Data Anno XXX. Hlotharii, & XI. Hlotharii Quarto Idus Septembris Indictione XVI. nempe Anno 851, quo jam desierat XIV Indictio, quæ hoc Anno usque ad Kal. Septembris licta numerata.

## CAPUT IV.

- I. *Quia potestate pollerent electi Romani Pontifices ante consecrationem*. II. *Quibus honoribus Imperatores ab eis prosequerentur*. III. *Cur eorum nomen in suis Nummis inscriberent Romani Pontifices*. IV. *De Entropiana Appendicis auctoritate*. V. *PAPÆ, PONTIFICIS vel EPISCOPI nomen Electis nequaquam datum, sed Consecratis*. VI. *Nummus noster post consecrationem Benedicti 111. cuius fuit*. VII. *De Cruce in Nummis apponi solita Vignolii sententia expenditur*. VIII. *Observationes alie circa eundem Nummum afferuntur*. IX. *De orthographia nominis HLOTHARII*. X. & *de PII titulo eidem tributo*.

- I.  ETERA nunc prosequamur, quæ occasione Nummi nostri observari possunt & illustratione digna videntur. Ac primo quidem inquirendum ducimus, utrum ante, vel post consecrationem Benedicti 111. fuerit percussus; Quo loco quum magna excitari possit quæstio ecquam auctoritatem in Romana Ecclesia electi Pontifices iis temporibus obtinerent, paucis eam non gravabor attingere. Quamvis enim ex libro Diurno in usum sæculi vii. adornato constet, summam tunc administrationem fuisse penes *Locumtenentes Apostolica Sedis*, prout etiam Joannis IV. Electi testimonio (a) comprobatur, attamen quum & Benedictus 11. ante suam consecrationem nonnulla Ecclesiæ negotia Petro Notario Regionario Anno 684 (b) committere non dubitaverit, sateri cogimur cum Pagio (c) nonnihil potestatis penes Electos Pontifices ante con-

(a) Apud Bedam *Hist. Angl. cap. 29. lib. 2. & Concil. T. v. p. 1737. Ed. Paris.*

(b) Concil. T. vi. pag. 1278.

(c) *Breviar. Rom. Pont. Bened. 11. n. 5.*

consecrationem jam tunc fuisse. Proindeque quum circa A. 687 Joannes Exarchus cognomento Platys ad Pascha-lem Anti-Papam extollendum, in Urbem violenter ir-ruisset, & centum auri libras a parte Ecclesiæ expeteret, Ser-gius electus, siquidem possibilitas dandi ei non suppetebat, ut ad compunctionem animos videntium commoveret, Cantharos & Coronas quæ ante sacrum Altare & Confessionem B. Petri Apostoli ex antiquo pendebant, deponi fecit, & pignori tradi. Sed nec in hoc flexa est ejusdem Exarchi avaritia, donec centum librarum auri accepit (a). Multo autem majorem potesta-tem Electis Pontificibus tum auctam fuisse suspicor, quum Francorum Regum munificentia & virtute, deleta Lan-gobardorum tyrannide, Patrimonia Romanæ Ecclesiæ restituta ampliataque fuerunt; siquidem nihil prorsus ob-stabat, quominus ea sine Episcopali potuissent caractere administrari. Stephanus post Zachariæ Papæ mortem Anno 752 electus, & in Lateranensis Patriarchii posses-sionem immissus, ibi biduo manens, tertio die postquam a suo surgeret somno, & SEDENS FAMILIARES CAU-SAS SUAS DISPONERET, subito dum sedebat aliena-tus obmutuit, & sequenti die defunctus est (b): ubi familiares causas appellari arbitror eas, quæ ad Patriarchium & Ro-manæ Ecclesiæ administrationem pertinebant (c).

Paulus I. electus A. 757, statim ad Pipinum litteras dedit, quibus narrata Stephani II. sui decessoris morte, sui-que ipsius facta electione, eundem obtestatur, ut Ro-manæ Ecclesiæ Patrocinium, quod jam susceperat, perse-quatur; qua in re hoc est observandum, Electum scilicet

L

cet

(a) Lib. Pontifical. in Sergio I. scilicet. 159.

(b) Lib. Pontifical. in Stephano II. scilicet. 227.

(c) In Decreto de electione Pontificis ad Exarchum lib. Diurni tit. 4. cap. 1.

hæc formula exhibetur: *In uno conveni-entibus nobis, ut moris est, familia-ribus Cæri & Fichis, Procerum & militaris presentia ..... concurret, atque consensus electio.*



## 82 DE NUMMO ARGENTEO

cet nomine proprio pro Romana Ecclesia exorare, nullis interpositis *Locumtenentibus*, penes quos antea fuerat omnis Apostolicæ Sedis procuratio (a). Sed ipsa quoque electi Pontificis *salutatio*, *Lateranensis Patriarchii* possessio, in qua Electus constituebatur, & traditum ipsi *Pontificale Solium* (b), non obscure ostendunt, omnem Patriarchii, proindeque & Romanæ Ecclesiæ curam electi Pontificis dispositioni fuisse commissam. In Concilio Lateranensi Stephani PP. 111. Anno 769 celebrato statuitur, ut priusquam Pontifex electus fuerit, & in Patriarchium deductus, omnes optimates militia, vel cunctus exercitus & ciues honesti, a'que universa generalitas Populi hujus Romana Urbis AD SALUTANDUM EUM SICUT OMNIUM DOMINUM properare debet. Et ita more solito Decretum facientes, & in eo cuncti pariter concordantes subscribere debent (c). Ex quo intelligitur, qua ratione Legati Populi Romani, qui Decretum electionis Benedicti 111. Hludovico Imp. tradiderunt, quum ad impii Anastasii partes sese contulissent, Benedicti fidelitatem declinasse dicuntur. Beatique FIDELITATEM jam sati declinaverunt Electi (d); FIDELITATIS SACRAMENTUM quod fecerant almifico Benedicto parvipendentes, obliviscentesque &c. (e). Ut quid igitur electus Pontifex in Patriarchii, & Pontificalis Solii possessionem immitteretur, Vestimentis Pontificalibus (f) indueretur.

(a) Exst. in Codice Carolino num. 13. apud Du-Chesn. *Hist. Franc. Script.* T. 111.

(b) Liber Pontificalis in vita Benedicti 111. *sect.* 558. Eum (Benedictum) in Patriarchium Lateranense perducunt, Pontificali Solio, ut mos est Pontificum, eoque consuetudo demonstrat, posuerunt. Et *sect.* 562: *Præcepit* (Anastasius), ut beatissimum Benedictum Pontificali quo residbat eiecisset Solio: qui etiam vestimenta Pontificalia quibus indutus erat, ut barbarus, tuis atque expo-

(c) Apud Holstenium in *Collic. Romanæ Par. I.* pag. 260. & apud Cennium de Concilio Lateranen. *Script.* 111.

(d) Lib. Pontifical. in B-ned. 111. *sect.* 558. *lin.* 15.

(e) Ibidem *sect.* 559. *lin.* 10.

(f) Ibidem *sect.* 562. *lin.* 7. *Præcepit* (Anastasius), ut beatissimum Benedictum Pontificali, quo residbat, eiecisset Solio: qui etiam vestimenta Pontificalia, quibus indutus erat, ut barbarus, tuis atque exponeret.

indueretur, sicut *omnium Dominus salutaretur*, qui nullam penitus Romanæ Ecclesiæ curam & administrationem fuisset habiturus?

Utrum autem hac ipsa potestate qua electi Pontifices octavo, & nono sæculo fruebantur, monetam quoque cudere consueverint, definire non audeo. Profecto tamen, quum, electo Leone IV., *periculum Romanæ Urbis maxime timeretur, ne iterum, ut olim, aliis ab hostibus fuisset obfessa* (a), Romani opportunum vel necessarium duxere, ut eum etiam *sine permissu Hlotharii Principis* [ quod piaculi loco habebatur ], *Præsulem consecrarent*; quæ consecrationis præpropera festinatio nimiaque celeritas duplici de causâ accidere potuit, vel ut summam Principatus potestatem, qua electus Pontifex nondum fortasse plene perfecteque potiebatur, Leo ad tutandam facilius Urbem exercere posset; vel ut omnis seditiosis hominibus præriperetur facultas, dum ille nondum consecratus fuisset, alium sibi Pontificem constituendi: quod, Urbe in tanto periculo posita, quam maximi damni ac detrimenti esse potuisset.

II. Illud vèro minime est diffitendum, quod quum Pontifices Romanæ Ecclesiæ tutelam seu Patrocinium vel *Advocatiâ*, modo sub *Patriciatus*, modo sub insigniore *Imperii* titulo in Francos Reges sibi obsequentissimos contulissent, tantis eos honoribus auxerunt, ut vel ipsasmet proprias electiones, more priscorum Orientalium Imperatorum, ab iis confirmari voluerint; ex quo fieri fortasse poterat, ut electi Pontifices a præcipuis quibusdam summi Principatus functionibus, honoris ac reverentiæ causâ, sese abstinerent, quousque Imperatoris assensus eorum electioni accessisset, ne forte alicujus querelæ aut molestiæ occasionem iis præberent, quorum curæ præci-

L 2

pue

(a) Lib. Pontifical. in Leone IV. *fest. 497.*

# 84 DE NUMMO ARGENTEO

pue committebatur Romanæ Ecclesiæ Patrocinium, quo eam, & domi a Populi Romani motibus, & foris ab hostium incurfibus tuendam susciperent. Quod ut facilius ab ipsis Imperatoribus præstaretur, visum est Romanis Pontificibus, quædam summi Principatus jura, quibus jam plenissime donati fuerant, suis ipsis donatoribus quodammodo communicare, ut hisce officiis & observantia Defensores suos honorificentius colerent, ac ad suscipiendam sui tutelam facilius allicerent. Fœderis ac societatis speciem quandam dixerim, quæ Imperatores inter, & Pontifices Populumque Romanum sancita fuit; unde ortæ querelæ: *quia Franci nihil nobis boni faciunt, neque adjutorium præbent, sed magis quæ nostra sunt violenter tollunt. Quare non advocamus Græcos & cum eis fœdus pacis componentes, Francorum Regem & Gentem de nostro Regno & Dominatione expellimus?* (a). Carolus Magnus ad Leonem 111. scribens rogat, ut sicut cum beatissimo prædecessore vestro sanctæ paternitatis Pactum inii, sic cum beatitudine vestra ejusdem fidei & charitatis inviolabile Fœdus statuere desidero &c. (b). Quibus quidem PACTIS utræque Partes suis devinciebantur obligationibus; Imperator, ut Ecclesiam & Rempublicam Romanam tueretur, ut Electionibus Pontificiis, ne tumultuose fierent, provideret, ut vel per se, vel per suos Legatos seu *Missos* Jus Populis daret, ubi necessitas postularet, annuentibus tamen Pontificibus; Pontifices autem & Populus Romanus *Fidelitatem* seu religionem icti fœderis se inviolate servaturos promittebant (c), Gladio & Vexillo aliisque hujusmodi

Pa-

(a) Liber Pontificalis in Leone IV. fest. 354.

(b) Aleluus in epistola 84. & apud DuChesn. *Hist. Franc. Script. T. I. p. 286.*

(c) De hac Fidelitate plura cap. sequenti numero xvi. & xvii. Hadrianus Epistola 51. Codicis Carolini Carolo Ma-

gno significat, se Foro-Cornelium & Bonnam misisse Gregorium Sacellarium, qui Judices eorundem Civitatum ad nos deferre deberet, & Sacramenta in fide B. Petri & nostra atque Excellentis vestra a cuncto carum Populo suscipere.

*Patriciatus honoribus Imperatores suos donabant, eademque pompa iis in Urbem adventantibus occurrebant, quæ Exarchos olim excipere consueverant, cum Crucibus, Signis militaribus & Laudum acclamationibus, sicut mos est ad Exarchum aut Patricium suscipiendum (a); ceteraque hujusmodi honoris insignia contulerunt, quæ ab ipsis Pontificibus & Romano Populo non solum permessa, sed sponte & ultro oblata fuerunt. Hinc in supplemento historiæ Paulli Diaconi ad A. 823 legitur: Lotharius Imperator primo ad Italiam venit, & diem sanctum Pascha Rome fecit. Paschalis quoque Apostolicus potestatem quam præci Imperatores habuere, ei super Populum Romanum concessit (b), videlicet quoad Pontificum creationem, ne tumultus in Urbe orirentur, quemadmodum Otto Magnus Constitutione sua declaravit (c). Accidit quoque sub Sergio I., quod plures ex Francis qui ad coronationem Hludovici Regis Romam advenerant, Fidelitatem ipsi Regi a Romanis præstari vellent: quod prudentissimus Pontifex fieri nequaquam concessit; sed sic orsus est illis: Quia si vultis Domino Lothario magno Imperatori hoc Sacramentum ut faciant, solummodo consentio atque permitto. Nam Hludovico ejus filio ut hoc peragatur, nec ego nec omnis Romanorum Nobilitas consentit (d).*

III. Ex quibus satis aperte constat, quamcumque Potestatem seu Jurisdictionem, quam Franci Imperatores super Populum Romanum exercuisse visi sunt, ab ipsis Pontificibus, honoris & observantiæ gratia, eis fuisse sponte & ultro concessam. Ita porro Hludovicus Germaniæ Rex & Carolus Calvus Hludovici Pii filii in Conventu  
A. 868

(a) Lib. Pontifical. in Hadriano I. fol. 114. & 315.

(b) Exstat inter Script. Rer. Francic. Du-Corsii T. II.

(c) Apud Baronium ad A. 962. num. 7. & 8.

(d) Liber Pontificalis in Sergio I. fol. 437.

# 86 DE NUMMO ARGENTEO

A. 868 se *Mundeburden & defensionem sanctæ Romanæ Ecclesiæ* conservaturos promittunt, in hoc, ut *Romani Pontifices nobis DEBITUM HONOREM* conferrent, sicut eorum *Antecessores nostris Antecessoribus* conservarunt (a). Ex qua sola honorificentia & reverentia causa mos ille processit, quo Pontifices Summi Imperatorum nomen, ut plurimum, in suis Nummis signari voluerint. Eodem quoque honore Carolum Magnum donare censuit Leo III., dum in Lateranensi Triclinio ejus imaginem repræsentari curavit, cum inscriptione DN. CARVLO REGI. BEATE PETRE DONA VITÆ LEONI PP. ET VICTORIÆ CARVLO REGI DONA (b). Leo etiam IV. quum aureas quasdam tabulas miro artificio elaboratas super altare B. Petri dedicasset, præ ceteris Sanctorum imaginibus & suam & Hlotharii Imperatoris apposuit, quas ita describit ejus Vita: Auctor: *Petri quoque Paulique pariter vultus atque Andree in prænominatis tabulis similiter splendens atque coruscant, inter quos sanctissimi quarti Leonis Præsulis, necnon & specialis filii sui Domni Imperatoris Lotharii, propter futuram memoriam sive mercedem persone Deo cara per cuncta sæcula veneranda, depicta sunt* (c). Vehementer igitur falli constat Leblancum, qui ex pluribus Nummis Romanorum Pontificum, in quibus Imperatoris nomen additum legitur, ejus potestatem & summum in Urbe Imperium arguisse sibi persuaserat (d). Immo non a Pontificibus, sed ab Imperatoribus ipsis Romæ cufos fuisse, quidam falso existimaverant. Quasi Pontifices Romani post tam amplas Donationes, quibus

Impe-

(a) Apud Baluzium *Capitular. R. g. Francor. T. I. l. pag. 208.*

(b) *Alcmanus de Fastis. Lateranen. pag. 70.*

(c) *Liber Pontificalis in Leone IV. feli. 513.*

(d) *Dissertation historique sur quelques monnoyes de Charle Magne, de*

*Louis le Debonnaire, de Lothaire, & de leurs successeurs, frappés dans Rome: par les quelles on refute l'opinion de ceux qui prétendent, que ces Princes n'ont jamais eu aucune autorité dans cette Ville, que du consentement des Papes. Paris Chez Jean Baptiste Coignard 1689.*

Imperatorum beneficio locupletati sunt, hoc tantum jure cudendæ monetæ caruerint, quod vel ipsis *ministerialibus Comitibus* & Vassallis denegari minime solebat. Joannes VIII., dum in Canone xv. Concilii Ravennatis A. 877. R.E. Patrimonia, & redditus sacri palatii Lateranensis recenset, præ ceteris MONETAM ROMANAM nominat, his verbis: *Nullus quilibet homo petat Patrimonia sanctæ nostræ Ecclesiæ, Appiæ videlicet &c. .... porticum S. Petri, MONE-TAM ROMANAM, ordinaria & actionarica publica, ripam, portus, & Ostiam. Sed hæc omnia in usum salarii sacri palatii Lateranensis perpetualiter maneat, ita ut filitos redditus & angarias perpetualiter absque ulla contradictione persolvant* (a). En igitur quod Romanæ Monetæ redditus ad Pontificem spectarent, proindeque plenum jus in ipsam obtineret.

Ceterum nullo modo Imperatorum nomen in Pontificiis Nummis inscriptum, eorum potestatem ac dominium in Urbe evincere possunt, prout contra Leblancum ejusque affectas pluribus demonstravit strenuus Apostolicæ Sedis vindex Justus Fontaninius (b), & cum eo Vignolius, & Floravantes (c). Pontificum enim nomen in hisce Nummis semper legitur, sed non item illud Imperatoris semper constanterque inscribitur. Exstant enim, prout ab eisdem observatum fuit, Nummi Summorum Pontificum Zachariæ (d), Hadriani (e), Stephani (f), Nicolai (g), Joannis (h), Benedicti (i), Sergii (k). Joannis (l), in quibus nullum Imperatoris, sed solius Pontificis nomen diserte

(a) Concil. T. xi. pag. 304. Ed. Ven.

(b) *Diffusa di Comacchio T.I. pag. 379. & T.II. pag. 54. & seqq.*

(c) *Antiquiores Pontificum Romanorum Denarii illustrati a Jo. Vignolio, & aucti a Benedicto Floravante. Rom. 1734. pag. 15. & 31.*

(d) Jo. Mabillon. *Iter Italicum* p. 18.

(e) Nummus Hadriani I. apud Vignol.

*loc. cit. p. 1. & alius in Tabula nostra num. 1.*

(f) Alius Stephani IV. *ibidem* p. 23.

(g) Alius Nicolai I. *ibidem* p. 40.

(h) Alius Joannis VIII. *ibidem* p. 44.

(i) Alius Benedicti IV. *ibidem* p. 59.

(k) Alius Sergii III. *ibidem* pag. 62.

Alios Sergii PP. Nummos vide in Tabula nostra num. 4. & 5.

(l) Alius Joannis XI. *ibidem* p. 67.

## 88 DE NUMMO ARGENTEO

serte legitur. Quod argumento est, non necessario & ob id ipsum quod aliquam Imperatores retinuissem potestatem, fuisse in Nummis nomen eorum inscriptum, sed causa tantum cuiusdam honoris, quo Romani Pontifices eosdem, veluti *Patronos Defensoresque* suos, afficere voluerunt.

Longe quidem aliter accidit apud Beneventanos Duces. Quum enim Grimoaldus a Carolo Magno devictus fuisset, pacem his conditionibus impetravit, ut nempe & barbam Langobardis tonderet, *Chartasque vero, nummosque sui* [Caroli] *nominis characteribus superscribi semper juberet*. Sed Grimoaldo in *suis Aureis ejus* [Caroli] *nomen aliquandiu figurari placuit; schedas similiter aliquanto jussit tempore exarari*. Reliqua autem pro nihilo duxit observanda; *max rebellionis jurgium initiavit* (a): ac re quidem vera ejusdem Grimoaldi Nummi adhuc supersunt, in quorum antica parte legitur GRIMUALD, in postica DOMINUS CAROLUS Rex &c. (b). Sed postquam tradente Erchemperto rebellionis jurgium initiavit, Aureos nummos percussit solo suo nomine insignitos, hac inscriptione: GRIMUALD. & ex altera parte VICTOR. PRINCI. CONOB. &c. (c)

Ex quo igitur Grimoaldus rupto foederis pacto Caroli nomen in Aureis suis inscribere neglexit, tanquam perduellis habitus est; quo crimine nunquam Summos Pontifices ab Imperatoribus accusatos fuisse legimus, etsi nonnunquam eorum nomen in suis Nummis prætermiserint.

Sed utcumque res se habuerit, illud saltem pro certo tenendum est, quamlibet jurisdictionem seu potestatem Imperatores in Urbe obtinuisse videantur, eam ex con-

(a) Erchempertus *Hist. Langobard.*  
num. 4. Exst. inter *Script. Rer. Ital. T. 11.*  
Par. I. pag. 238.

(b) Apud Muratorum *Antiq. Ital. med.*  
ævi T. 11. pag. 619.

(c) Ibidem.

consensu Pontificis, pacto inito, & ab ipsis Pontificibus & Romano Populo collatam fuisse: ideoque etſi, vi hujusmodi Pacti vel Fœderis, Imperatorum nomen in Nummis inſculptum fuiſſet [quod tamen nullo modo conſtat, quum in antiquis Scriptoribus & Monumentis de hoc ne verbum quidem ullibi legatur], attamen id nihil penitus ſummæ Pontificum poteſtati officeret; ſiquidem non alio jure Imperatores uſi fuiſſent, quam quod ab ipsis Pontificibus recepiſſent.

Præclarum quidem Otto Magnus munificentia in Romanam Eccleſiam argumentum præbuit in Diploma- te, quo donationes ab æternæ memoriæ Principibus Pip- pino, Carolo Magno, Hludovico Pio, & ſucceſſoribus jam antea factas, A. 962 idibus Februarii eidem confir- mavit. In quo proſecto plenam ſummamque poteſtatem Pontificibus ipsis tribuit, his verbis: *Ut in VESTRO per- maneat JURE, PRINCIPATU, atque DITIONE; & NEQUE A NOBIS, NEQUE A SUCCESSORIBUS NOSTRIS per quodlibet argumentum ſive machinationem in quacumque parte VESTRA POTESTAS MINUATUR, aut a VOBIS inde ALIQUID SUBTRAHATUR* (a). Ubi certe nullum ſummæ poteſtatis jus penes Imperatorem reſervatum fuiſſe apparet. Adeoque Joannes XII. & ſucceſſores ejus nullo penitus jure cogi poterant, ut Ottonis nomen in Nummis ſuis inſcriberent, quum ſummum Prin- cipatum in rebus, urbibus, & provinciis S. R. E. pleno ju- re obtinerent: attamen nonnullos habemus Nummos, in quibus legitur DOM. JOANES. PAPA. & OTTO IM- PERATO. (b). LEONI PAP. OTTO (c). DOM. JOHA. PAPA. OTTO (d). BENED. PAPA. OTTO &c. (e) JOHS PAPA. OTTO (f). Ex quibus inferri licet, Imperatoris

M nomen

(a) Apud Baronium ad A. 962. num. 3.

(c) Ibidem pag. 81. 82.

(b) Vignol. loc. cit. pag. 71.

(f) In Tab. noſtra ad calcem Operis

(e) Ibid. pag. 77. (d) Ibid. pag. 80. num. 14.



## 90 DE NUMMO ARGENTEO

nomen sola honoris & reverentiæ causa insculptum fuisse. Sed eos inter Nummos quos hic laudavimus adnotandus præsertim est ille Leonis VIII. Pseudo-Pontificis, qui Ottonis I. Imperatoris partibus adherens, ejus consensu & voluntate Pontifex consecratus fuit, & ab eodem Imp. in Apostolicæ Cathedræ possessione contra Romanorum & Joannis XII. conatus, armis defensus fuit (a). Hic autem non solum cum Ottonis nomine laudatum Nummum percussit, sed & alium in cujus una parte DÑ. LEONI, PAPA, in altera SCS. PETRUS legitur, nullo alio Imperatoris nomine addito (b). Quod utique minime prætermisisset, si jure Imperii vel Regni apponendum fuisset, ne præcipuum sui patronum & defensorem contra Romanorum ac Joannis XII. adhuc superstitis insidias, sibi insensum & inimicum secisset.

Quod autem Otto magnus in Donatione, quam fecit Romanæ Ecclesiæ, nullum penitus jus vel potestatem sibi reservaverit, ipse luculentius ostendit, ubi addit se hæc omnia donasse, *SALVA tamen in omnibus POTESTATE NOSTRA, & filii nostri posterorumque nostrorum*, quæ his verbis exprimitur *SECUNDVM QVOD in PACTO & CONSTITVTIONE ac PROMISSIONIS* firmitate Eugenii Pontificis, successorumque illius continetur. IDEST, ut omnis Clerus & universa Populi Romani Nobilitas, propter diversas necessitates Pontificum, irrationabiles erga populum SIVE SVBJECTVM asperitates rerundendas, SACRAMENTO SE OBLIGENT, quatenus futura Pontificum electio ..... canonice & iuste fiat &c. ut nempe electus Pontifex non consecraretur, nisi coram Missis Imperatris, velut

Euge-

(a) Hujus historiam fuscè narrat Auctor Catalogi Caisanatenfis in excerptis, quæ ad calcem hujus Operis edentur.

(b) Apud Vignol. loc. cit. pag. 77. Leo-

ni autem VIII. hic Nummus tribuitur ob similitudinem formæ & litterarum, quam habet cum alio, in quo Leonis & Ottonis nomen apparet.

# BENEDICTI III PONT. MAX. 91

Eugenii II. sanctione olim constitutum fuerat (a). Ex quibus satis aperte constat, nullam aliam **POTESTATEM** Imperatores in Urbe Roma obtinuisse, quam ut Pontificum electio sine tumultu, canonice, iuste, & coram Missis suis celebraretur; proindeque necessariò sequitur, reliqua omnia Principatus jura penes ipsos Pontifices fuisse, ideoque Ottonum nomen sola honoris & officii causa in Pontificiis Nummis fuisse inscriptum.

Antiquus *Europæana Appendicis* Auctor (b), Hludovici II. morte [quæ A. 875. evenit] narrata, ait Carolum Calvum Romam venisse [sub Joanne VIII. a quo Imperii coronam die 25 Decembris A. 875. (c) suscepit]. & *veniens Romam RENOVAVIT PACTVM CVM ROMANIS PERDONANS ILLIS IVRA REGNI, ET CONSVETVDINES ILLIVS*. Removit etiam ab eis *REGIAS LEGATIONES*, assiduitatem vel presentiam Apostolica electionis. Quidplura? *CVNCTA* illis contulit *QVÆ VOLVERVNT*, quemadmodum dantur illa, qua nec recte acquiruntur nec possessura sperantur. *AB ILLO AVTEM DIE HONORIFICAS CONSVETVDINES REGIÆ DIGNITATIS NEMO IMPERATORVM NEMO REGVM AGQVISIVIT*, quia aut virtus defuit aut scientia, pro multis Regni contentionibus & assiduis divisionibus. Unde multa prælia, delationes, & rapina fuerunt in Regno: quibus postremis verbis Auctor scribere desuit. Luculentissimo hujus vetustissimi Scriptoris testimonio ductus Petrus de Marca, qui Francos Imperatores usque ad hunc annum consortes in Urbis dominio cum Romanis Pontificibus fuisse existimaverat, scripsit hoc demum anno consortium omne amotum fuisse, universaque Regia jura quæ antea ab Imp.

M 2 obti-

(a) *Pagi Brev. gestor. Rom. Pontif. in Eugenio II. num. 4.*

(c) *Annales Ecclesiastici ad A. 876 apud Du-Chesn. Hist. Franc. Scripter. T. III.*

(b) *Apud Goldastum Monarchia T. I. pag. 247. pag. 8.*

## 92 DE NUMMO ARGENTEO

obteneri videbantur penitus cessasse (a). Sed has inter *honorificas Regiæ Dignitatis consuetudines & Regni Jura*, quibus [Romanorum Pontificum beneficio] fruebantur IX. sæculo Franci Imperatores, nequaquam censerī debere Inscriptionem Imperialis nominis in ipsorum Pontificum Nummis, contra Leblancum ejusque asseclas jure contendo. Si hæc enim Inscriptio ex illis Regni juribus & consuetudinibus fuisset, quæ sub Carolo Calvo prorsus cessarunt, nequaquam amplius apparere deberet in iis Nummis, qui & sub eodem Imp. & deinceps a Romanis Pontificibus percussī fuerunt: attamen Nummos habemus ipsiusmet *Joannis VIII. Karoli Imp. nomen præferentes* (b), alios *Marini, Hadriani III. & Stephani V. cum Caroli Crassi* (c), *Formosi cum Widonis* (d), *Joannis IX. cum Lamberti* (e), *Benedicti IV. cum Hludovici* (f), *Joannis X. cum Berengarii* (g) nominibus. Ecquis vero sanus sibi persuaferit, Joannem VIII. & Successores Romanos Pontifices tam segnes fuisse in retinendis paullo ante vindicatis juribus, ut libertate ab Imperatore Carolo Calvo penitus restituta uti non voluerint, concessamque immunitatem adeo parvi fecerint, ut si antea jure *Regni Regiæque consuetudinis* Imperatorum nomina in suis Nummis inscripserint, eandem consuetudinem, etiam postquam remissa fuerat, retinere maluerint? Ablit ut talia suspicemur. Tanto enim studio Romani libertatem concessam tueri curarunt, ut *nemo Imperatorum, nemo Regum* illas *Regni consuetudines* amplius recuperare valuerit. Adeoque concludendum, inscriptionem Imperialis nominis in Romanorum Pontificum Nummis spontaneum & liberale fuisse honorificentiae signum, quod Imperatoribus seu Defensoribus suis, ut plurimum, deferri volue-

(a) Petrus de Marca in *Concordia Sacerdotii & Imperii* lib. 3. cap. 11.

(b) Apud Vignol. loc. cit. pag. 44.

(c) Ibidem pag. 47. 48. 50.

(d) Ibidem pag. 51.

(e) Ibidem pag. 56.

(f) Ibid. pag. 59.

(g) Ibidem pag. 65.

voluerunt ; & nequaquam numeratum fuisse inter Regias illas consuetudines & jura Regni , quæ a Pontificibus & Populo Romano fuerant jam antea in Francos Imperatores ultro sponteque collata .

IV. Hæc quidem argumenta scio eos non facile admissuros , qui Eutropianæ Appendicis auctoritatem plus æquo parvipendunt . Fateor & ego , eandem ab homine Apostolicæ Sedi insensissimo , & Imperii partibus quam maxime addicto , exaratam fuisse . Gretserus eandem *temporibus Schismatis inter Imperatores & Pontifices* confictam fuisse judicat (a) . Fontaninius vero cum Agnelli Ravennatis scriptis optime comparat (b) . Idcirco quæcumque contra Romanam Ecclesiam proferuntur , caute admodum & non sine diligenti maturoque judicio probanda sunt . Quæ autem contra ipsam , quam tanto studio tuetur , Imperialem dignitatem fateri non dubitavit , ea utique omnem merentur fidem , immo longe majorem quam Auctor ipse expresserit , præsertim ubi certa vel probabilissima saltem argumenta non suppetant , quæ in contrariam sententiam animum inducant . Et hanc quidem Imperialium jurium cessionem a Carolo Calvo factam probant Petrus de Marca , & Steph. Baluzius , nec repugnant Lud. Ant. Muratorius , Justus Fontaninius , Joseph Aug. Ursius , licet in ipsis juribus & consuetudinibus interpretandis varie inter se discrepent . Sed , ut paullo diligentius perscrutemur quam auctoritatem & fidem mereri possint , quæ in Eutropiana Appendice traduntur de Caroli Calvi cessione , observatione primum dignum videtur , hujusmodi *Pacta* seu *Fœdera* confirmari vel renovari

con-

(a) *Myſta Salmuriensis cap. 35.*

(b) *Diſſeſa* 1. I. di Comacchio pag. 49.

„ Io per me nell' ignoranza e nella mali-  
„ tia ne agguaglio in tutto e per tutto  
„ l'Autore ad Agnello Ravennate . E poi

„ baſta che venga dalle mani dell' Illiri-

„ co , e che abbia incontrato il genio e

„ la ſtima d' quell' altre due buon anime

„ del Morneo e del Goldaſto .

# 94 DE NUMMO ARGENTEO

conſueviſſe, ſemel ac quis Imperii Coronam adeptus fuiſſet. Ipſe met Joannes VIII. antequam Imperii ſceptrum Carolo Craſſo tradidiſſet, hoc eum admonere voluit, *quatenus Deo auxiliante, vobis advenientibus Romam, unum de pacis & privilegia ſancta Romana Eccleſiæ MORE PARENTVM VESTRO RVM renovare & confirmare ſtudeatis* (a). In Concilio Ravennati Joannis IX. ſtatuit Lambertus Imp.; ut *PRIVILEGIUM S.R.E., quod A PRISCIS TEMPORIBVS per piſſimos Imperatores ſtabilitum eſt atque firmatum, ita nunc a nobis firmetur, & diebus noſtris, ſicut concedet, immutatum ſervetur* (b). Pontifex autem rogat, ut *PACTVM, quod a beate memoria veſtro genitore & a vobis piſſimis Imperatoribus IVXTA PRÆCEDENTEM CONSVETVDINEM factum eſt, nunc reintegretur, & inviolatum ſervetur* (c). Quid igitur facilius, quam Carolum Calvum, hominem Imperiali Corona indigniſſimum, quam tanto quaſivit ambitu, cuncta Romanis contuliſſe quæ ipſi voluerint, & Joanni præſertim Pontifici in conſervandis & ampliandis Romanæ Eccleſiæ juribus præ ceteris ſtudioſiſſimo? (d). Carolum idcirco jura quædam in Urbem Capuam Romanæ Eccleſiæ conceſſiſſe ex ipſomet Joanne diſcimus, qui in epiſtola ad Landulſum Urbis illius Episcopum hæc habet: *Leone Venerabili Epifcopo . . . aliſque noſtris Legatis quos nuper direxeramus, a dilectiſſimo filio noſtro Carolo Imp. Aug. reverſis* (e), *vobis . . . ratum ducimus animi*

(a) Joannis VIII. Epiſt. 216. Concil. T. XI. Ed. Venet.

(b) Concil. T. XI. pag. 708. Edit. Venet.

(c) Can. 6. ibid. pag. 709.

(d) Annales Fuldenſes apud Du-Chesne. Hiſt. Francor. Script. T. II. pag. 369.

„ Quanta poruit velocitate [ Carolus ]  
„ Romam proſectus eſt, omnemque Sc-  
„ natum Populi Romani more Jugurthino  
„ corruptis, ſibiſque ſociavit; ita ut etiam

„ Joannes Papa votis ejuſ annuens, co-  
„ rona capiti ejuſ impoſita eum Impera-  
„ torem & Auguſtum appellari præcepit-  
„ ſet.

(e) Illi Legati Synodo Pontigonenſi, quæ abſoluta eſt 17. Kalend. Aug. A. 876, adſuerunt. Concil. T. XI. pag. 270. Edit. Venet. Menſe ſeptembri Papæ a Boſone Comite detinebantur ex Joannis VIII. Epiſt. 6. & 7. & die 18. Kal. De cembriſ jam Romam redierant. Idem epiſt. 35.

animi ejus Deo inspirante circa Ecclesiarum presertim Romana quæ caput est omnium, exaltationem, affectum pascere: OMNE SANE IVS POTESTATIS ANTIQVITVS ATTRIBVTVM, CAPITVLARITER RENOVANS IN CONVENTV EPISCOPORVM AC OPTIMATVM, INVIO-LABILITER CONCESSIT HABENDVM: Inter quæ DE TERRÆ VESTRÆ PACTA, prout Christo duce voluissimus statuere, nostro juri potestatique commisit (a). In alia item epistola Guaiserio Salernitano Principi scripta gratulatur, quod eum devotum & fidelem cognoverit, ideoque pactum quod petisti, ut promiseramus Pontificali vera assertione a dilecto filio nostro Carolo Imp. Augusto, jure vobis firmandum, potestate per revertentes Legatos Ecclesia nostra accepta, jussu ac legaliter adfuturum, statuere sumus parati (b). Ex quibus datum est intelligere ampliorem fuisse Caroli Calvi concessionem, quam in Ticinensi Synodo mensis Februarii A. 876. jam ipse statuerat, ut in termino beatorum Petri & Pauli Apostolorum Principum, nemo in eundo, & redeundo, vel ibi morando aliquam vastationem & depredationem facere presumat, & quæ ipsius sanctæ Dei Ecclesiæ PROPRIA sint, nemo aliqua iniqua machinatione, SINE VOLVNTATE IPSIVS SACRI PONTIFICIS, sibi vindicare presumat (c); In Eutropiana Appendice legitur Carolum Patrias hoc est Regiones etiam Samniæ & Calabria simul cum omnibus Civitatibus Beneventi donasse; quod non est utique inter fabulas amandandum; vel enim legi potest Patrimonia, quæ in Samnitum, Calabriae & Beneventanorum finibus sita erant, concessa fuisse (d); vel Provinciarum quidem ipsarum donationem factam,

(a) Joannis viii. epist. 9.

(b) Idem epist. 3.

(c) Concil. F. xi. pag. 384. Edit. Ven.

(d) Illudovicus Pius in sua Donatione hæc eadem Patrimonia concesserat: Patrimonia Beneventanum &amp; Salernitanum,

&amp; Patrimonium Calabria inferioris &amp; superioris, &amp; Patrimonium Neapolitanum, &amp; mox inque in partibus Regni atque Imperii nostri a Deo nobis commissi Patrimonia vestra esse noscuntur. Baron. ad A. 817. &amp; apud Georgium in not. ad

# 96 DE NUMMO ARGENTEO

factam, sed effectu suo caruisse; eo modo quo & Pipinus Venetiam & Histriam Romanæ Ecclesiæ donavit, licet a Langobardis detinerentur, & Hludovicus Pius Siciliam similiter concessit, quam fortasse è Græcorum manibus eripere in animo habebat, ac demum Otto Magnus plura Campaniæ, Siciliæ, aliorumque locorum Patrimonia donavit, adjecta conditione *si Deus nostris tradideris manibus* (a).

Nec est cur Pagius Caroli Calvi potestatem in Urbe Roma contra Scriptoris Eutropianæ appendicis auctoritatem, nobis opponat (b): pluribus enim satisfecit doctissimus Justus Fontaninius (c), & post eum Jo. Dominicus Georgius (d): Nec etiam probat quod falsò dicatur, Carolum assiduitatem vel præsentiam Apostolicæ electionis (e) dimississe, eo quod hujus cessionis vectigium nullibi appareat. Nam ex Concilio Romano Joannis IX. liquet, quod Ecclesiæ Romana plurimas tunc patiebatur violentias, Pontifici obeunte: quæ ob hoc inferuntur, quia absque Imperatoris notitia & suorum Legatorum præsentia, Pontificis sit consecratio, nec Canonico ritu & consuetudine ab Imperatore directè intersunt nuntii, qui violentiam & scandala in ejus consecratione non permittant fieri (f). Id fortasse ex nimium liberali Caroli Calvi concessione inductum fuerat, neque deinceps pristina consuetudo ab ejus successoribus revocari fortasse potuerat, quia aut virtus defuit, aut scientia pro multis Regni contentionibus & assiduis divisionibus, quemadmodum hæc turbulent-

ad T. XIII. Edit. Lucens. pag. 627. Inter Patrimonia Romana Ecclesiæ numerantur in Concil. Ravennate A. 877. Patrimonium Appia, Lavicanense, vel Campaninum, Tiburtinum, Theatinum, utrumque Sabinense, & Tuscanense. Can. 15. Concil. T. XI. p. 304. Ed. Ven.

(a) Baron. ad A. 961. num. 5.

(b) Pagius in Critica Baron. ad A. 875. num. 5. & seqq.

(c) Disserta di Cernacchio T. 12. pag. 104. & seqq.

(d) In not. ad T. xv. Annal. Baronii pag. 178. Ed. Lucens.

(e) Electionis nomen late hic sumitur pro ipsa confirmatione, ut probe notat Mabillonius Mus. Ital. T. 11. pag. cxiii.

(f) Can. 10. Concil. T. XI. pag. 703. Ed. Ven.

bulentissimis temporibus Widonis, Lamberti, Arnulphi Imp. & Berengarii Regis revera contigit. Audiatur Joannes IX. qui Lambertum Imp. alloquens in Concilio Ravennate, ita præfatur: *ut tanta impietates, pro quibus nos ad vos venissemus, quas etiam per territoria nostra vidimus in tractationibus, depraedationibus, incendiis, rapinis, & violentiis, a vobis diligentissime inquirantur, & prout necesse est legaliter emendentur: quoniam tanto dolore percussi sumus talia contemplantes, quod magis mori cupieramus, quam talia in nostris diebus cernissemus (a).*

Pagius exaratam tunc fuisse *Appendicem Eutropianam* suspicatur, quum Beneventum Romanis Pontificibus pareret, nempe post A. 1019: ea scilicet de causa, quod a Carolo Calvo ipsum Romanæ Ecclesiæ donatum dicatur. Sed animadvertat necesse est, antiquiora esse Romanæ Ecclesiæ jura in Beneventanum Ducatum: siqui Iem a Carolo Magno eundem donatum fuisse diserte tradit libri Pontificalis Auctor (b). Adeoque nihil impedit, quominus eadem jura & Carolus Calvus confirmarit. Quod & Otto I. præstitit in Diplomate, quod A. 962. Ecclesiæ Romanæ concessit. Melchior Goldastus & doctissimus Præsul Petrus de Marca Eutropianæ *Appendicis* Auctorem circa Annum Christi 800. scripsisse senserunt; quumque in Caroli Calvi Imperio finem scribendi fecerit, haud multum fortasse ab illius temporibus aberat. Ego vero ex ipsius Opusculi contextu chronicas quasdam notas eruisse videor, quibus hujus scriptoris vetultas sat probabiliter definiri possit. Ait enim Carolum Calvum removisse a Romanis *Regias Legationes, & assiduitatem vel præsentiam Apostolica Electionis*, seu consecrationis, quæ omnia ab illo

N  
dis,

(a) Can. 4. Concil. T. xi. pag. 709. De hac temporum calamitate plura Annales. (b) Liber Pontifical. in Hadriano I. Metens. ad A. 888. & Concil. Ticin. sec. 318.



## 98 DE NUMMO ARGENTEO

*die, nemo unquam Imperatorum, nemo Regum acquirere amplius valuisse affirmat. Hæc non utique tam sincere falsus fuisset homo Imperii partibus addictissimus, si post Joannis IX., vel saltem Ottonis Magni tempora vixisset; tunc nempe, quum prædicta omnia ad pristinam consuetudinem tandem revocata, longo temporis processu obtinuerunt.*

Nam post Caroli Crassi obitum in turbulentissimis temporibus, in quibus Pontificatum suum incidisse conquirebatur Joannes IX., ad violentias comprimendas quibus in novis Pontificum creationibus obnoxia erat Romana Ecclesia, necessarium duxit privilegium Imperatorie dignitatis quoad Pontificum consecrationem iterum in pristinum morem redigere, ut *Electus presentibus Legatis Imperialibus consecratur....., qui violentiam & scandala in ejus consecratione non permittant fieri (a).* An Regiæ Legationes tunc etiam restitutæ fuerint, certo definiri non potest. Novimus tamen *Privilegium S. R. E. quod a prisca temporibus per piissimos Imperatores stabilitum atque firmatum fuerat, tunc a Lamberto Imp. confirmatum fuisse (b).* Novimus ab eodem Lamberto una cum Joannis IX. P. M. consensu in Ravennate Synodo sancitum fuisse, ut *si quis Romanus, cujuscumque sit ordinis, sive de Clero, sive de Senatu, seu de quocumque ordine, gratis ad nostram Imperialem majestatem venire voluerit, aut necessitate compulsus ad nos voluerit proclamare, nullus eis contradicere præsumat; & neque eorum res quispiam invadere, vel depraedari, aut eorum personas in eundo vel redeundo vel morando inquietare præsumat, donec liceat Imperatoria potestati eorum causas aut personas [per nos] aut per Missos nostros deliberare (c).* Etli igitur certas & statas Misso-

(a) Can. 10. Concil. Roman. T. XI. pag. 708. & 709.

Concil. pag. 703. Ed. Ven.

(c) Can. 2. ejusdem Concilii, ibidem

(b) Can. 1. & 6. Concil. Ravenn. ibid. pag. 708.

Missorum Imperialium Legationes tunc restitutas fuisse clare non appareat, attamen non mediocre honoris & jurisdictionis Privilegium Imperatori tunc auctum est. Ita porro in Synodis Romæ & Ravennæ sub Jo: IX. coactis decretum fuit; quoad annum vero celebrationis, Chronologi in varias abierunt sententias; Baronius quidem A. DCCCCLV. assignavit; sed Pagius ad DCCCCLXXXVII. retraxit (a). Eo igitur tempore, quod ab A. 875, nempe a Caroli Calvi creatione ad Romanæ & Ravennatis Synodi celebrationem effluxit, Eutropianam appendicem confectam fuisse qui affirmaret, is profecto haud multum a vero aberraret. Quum tamen in tanta qua laboramus illius ævi Scriptorum & Monumentorum penuria, obscurum prorsus reddatur, an ea quæ in prædictis Synodis sancita leguntur, suum deinceps sortita fuerint effectum, ideo tutius fortè affirmari posset, laudatum Eutropianæ appendicis Auctorem Ottonis saltem Magni ætatem præcessisse. Hic enim in Diplomate, quod idibus Februarii A. 962. Romanæ Ecclesiæ concessit, veteres *honorificas Regiæ dignitatis consuetudines*, de non consecrando Pontifice nisi coram Imperialibus Legatis, & de Missis ab Imperatore annuatim constituendis, in pristinum usum revocavit. Ex quo tempore deinceps hæc omnia tum a Pontificibus, tum ab Imperatoribus servata sunt. Hinc est quod Henricus Imp. in amplissimo Diplomate quod A. 1014 Romanæ Ecclesiæ concessit hæc eadem observanda decrevit, iisdemque verbis quibus usum fuisse Ottonem I. comperimus: proindeque non sine Imperatoris consensu consecratos fuisse legimus Leonem VIII. Anti-Papam, Joannem XI. I., Benedictum VII., Gregorium V., Silvestrum II., Clementem II., Damasum II., Leonem IX., Alexandrum II., & Gregorium VII., sub quo hujusmodi mos, Deo favente, penitus cessavit:

(a) Pagius in *Critica Barom.* ad A. 898. num. 4, & 6.

# 100 DE NUMMO ARGENTEO

favit : de eoque intelligendus S. Petrus Damiani, qui Alexandro II. sedente scribebat *suspendendam esse Pontificis consecrationem, usque dum Regia Celsitudinis consulatur auctoritas, nisi periculum fortassis immineat, quod rem quantocius accelerare compellat* (a). De Missis Imperialibus tum Otto I., tum Henricus II. ita sanxerunt, ut *Missi Domni Apostolici seu nostri semper sint constituti, qui annuatim nobis vel filio nostro renunciare valeant, qualiter singuli Duces ac Iudices populo iustitiam faciant. Hanc Imperialem constitutionem quomodo observent qui Missi, decernimus, ut primum cunctos clamores, qui per negligentiam Ducum seu Iudicum fuerint inventi ad notitiam Domni Apostolici deferant. Et ipse unum è duobus eligat, aut statim per eosdem Missos fiant ipsæ necessitates emendatae, aut Misso nostro nobis renuntiante per nostros Missos a nobis directos emendentur* (b). Quæ Imperialium Missorum ordinatio, cum Pontificum consensu & voluntate facta (c), diu etiam obtinuit. Si ergo Eutropiana appendicis Auctor post Jo: IX. vel saltem Ottonis Magni tempora vixisset, qua fronte affirmasset, jam laudatas Regia dignitatis honorificas consuetudines tempore Caroli Calvi cessasse, quodque ex illa die nemo Imperatorum, nemo Regum eas amplius recuperare valuisset, quia aut virtus defuit aut scientia, pro multis Regni contentionibus & assiduus divisionibus? Hæc de Eutropiana appendicis Auctore dicta sint.

Ut autem ad illud ex quo discessit revertatur oratio, satis superque his omnibus, meo quidem iudicio, ostenditur, nullum ex hisce Nummis, Pontificum & Imperatorum nomine insignitis, peti posse argumentum pro summa Principatus potestate seu supremo dominio Imperatorum in Urbe adversus Romanos

Pon-

[a] S. Petrus Damiani lib. 2. epist. 10.

[c] Fontan. Dissert. II. de Cernacchio &c.

[b] Apud Baron. ad A. 903. num. 11. pag. 122.

& ad A. 1014. num. 9.

Pontifices asserendo . Quin potius argumentum præbent honorificentissimæ illius observantiæ & reverentiæ , qua *Defensores Patricios & Imperatores* suos coluerunt , ut hisce officiis eos ad Romanæ Ecclesiæ patrociniū suscipiendum , eamque contra hostium impetus tutandam , sibi facilius conciliarent . Quo eodem consilio ducti summum illud honoris iisdem etiam conferri voluerunt , ut sine eorum assensu , more Orientalium Imperatorum , Pontificum consecratio , prout turbulentissimis iis temporibus necessitas postulabat , celebrari nequaquam posset . Ex quo probabili saltem conjectura assequi potest, Benedictum III. a potioribus quibusdam Principatus functionibus sese abstinuisse , proindeque nec Monetam suam ante cussisse , quam Hludovici Imperatoris assensus Electioni suæ accessisset , & coram ejus Legatis die 29 Septembris A. 855 solemniter consecratus fuisset .

V. Ad tempus autem quo fuit Nummus noster a Benedicto III. percussus ut propius accedamus , eundem ipsius consecratione posteriorem esse certo certius probat PAPÆ titulus in Monogrammate sui nominis implicitus , quo se ipse Benedictus appellat . Solemne enim est , ac iis præsertim temporibus usurpatum , ut non ante quis diceretur aut haberetur Ecclesiæ alicujus EPISCOPUS , aut [ nam idem est ] PAPA , quam esset solemniter consecratus . Quocirca nil mirum , si Stephanus Presbyter qui A. 752 Romanus Pontifex Electus ante suam Ordinationem vita functus est (a) , a nullo ex antiquis Scriptoribus aut Pontificiis Catalogis, Romanorum Pontificum numero censeatur , quum ex Canonum veteri constantissimaque sanctione , nemo EPISCOPUS haberi aut dici valeat , qui sacræ Ordinationis caractere non sit insignitus

[a] Pagl Breviar. Rom. Pont. in Stephano Electro num. 31

tus (a); quum viguerit præsertim per octo decemve priora illa secula unitas illa Potestatis Episcopalis, quæ nonnisi paullatim temporum decursu in duplicem dividi cœpit, Jurisdictionis nempe & Ordinis, velut hodierna fert Ecclesiæ Disciplina (b). Hinc phrasis illa *Sedit Annos .... Cessavit Episcopatus* .... quæ in Catalogis Pontificiis ac Scriptoribus xi. sæculo antiquioribus occurrit, non aliud temporis spatium comprehendit, quam quod a consecratione alicujus Pontificis ad ejus usque obitum, & ab eo deinceps usque ad consecrationem successoris intercessit, nulla penitus eorum electionis habita ratione (c). Hinc etiam patet cur Ecclesiam, quæ dumtaxat Electum non item Consecratum habeat Episcopum, *χρηδύσων* appellet Concilium Chalcedonenſe (d), *Viduata* Pelagius II. (e); cur in vetustis Episcoporum Catalogis ii qui ante consecrationem mortem obierint *vocati*, sed non *Episcopi* dicantur (f); cur denique in libro Diurno vel *electi* vel *designati* (g) aut *vocati* (h) nomine intelligantur, qui Episcopalem characterem nondum receperint. In *Indiculo* seu Fidei professione, quam Electus Pontifex faciebat legitur: *Ego Ill. misericordia Dei Presbyter & Electus futurusque per Dei gratiam humilis Apostolica Sedis Antistes*, vel uti sequentibus sæculis interpolata fuit: *Ego ..... S. R. E. Diaconus vel Presbyter, vel Episcopi Cardinalis electus, ut fiam per Dei gratiam hujus S. Apostolica Sedis humilis Minister* (i): vel denique prout a Bonifacio VI II. prolata fuit: *Ego Benedictus Cajetanus S. R. E. Diac. Cardinalis, & Electus ut fiam per gra-*

(a) Prout expresse definitis Pontificale Romanum *tit. de Conſecr. Episcop.* 5. 52. ubi consulendus omnino clariss. Catalanus *pag. 234. n. 2. T. I.*

(b) Vancipen *Jus Eccles. Univerſ. par. I. tit. 14. cap. 13. & alibi.*

(c) Papebrochius in *Proptylao ad Acta SS. Mai. par. 2. pag. 7.*

(d) Can. 25. p. 768. T. 1. v. *Concil. Ed. Paris.* (e) *Cap. Quoniam. Dist. 100.*

(f) Mabillonius de *Re Diplon. lib. 2. cap. 2. num. 8.*

(g) Lib. Diurn. *cap. 2. & 3. Ed. Garmerii.*

(h) Ibidem *cap. 3. tit. 3.*

(i) Ibidem *cap. 2. tit. 9. pag. 26.*

*gratiam Dei &c.* (a). Idem plane constat si paucas illas Epistolas electorum Pontificum quæ adhuc supersunt inspiciamus. Joannes IV. anno Christi 640 seipsum inscribit *Th. Diaconus & in Dei nomine electus* (b). Benedictus II. anno 684 *Benedictus Presbyter & in Dei nomine electus S. Sedis Apostolica* (c). Paulus I. anno 757 *Paulus Diaconus, & in Dei nomine electus S. Sedis Apostolica* (d). Gregorius VII. anno 1073 in duodecim suis Epistolis *Gregorius in Rm. Pontificem electus* (e), ut omittam ceteros plures qui deinceps occurrunt, ac præsertim Clementem V. (f), Greg. XI. (g), & Martinum V. (h), quorum Litteræ dignæ sunt, quæ legantur; ut præteream Cærimoniale Gregorii X. (i), & vetustum Romanæ Ecclesiæ morem, quo in bullandis Litteris quæ ante Pontificis consecrationem, ab iis quæ postea designantur, uti consuevit (k).

VI. Ex quibus omnibus quæ hætenus in rem nostram concessimus conficitur, Nummum Benedicti III. in cujus Monogrammate *Papæ* titulo ipse appellatur, non nisi post ejus consecrationem cūsum fuisse, proindeque inter 29 Septembris diem, & septimum vel primos subsequentes Octobris mensis, usque dum scilicet Hlotharii Imp. mors Romæ nunciata fuisset. Nullus alius certe in tota Pontificiorum Nummorum veterum serie occurrit, cujus ætas tam angusto temporis curriculo definiri possit.

VII. In summitate Nummi nostri conspicitur solita Crux, quam in omnibus Summorum Pontificum Denariis

ab

(a) Ezerius *Annal. Ecclesiæ*, ad A. 1294.

(b) *Eccl. hist. Angl. lib. xi. cap. 19.* & Concil. T. v. pag. 1757. Ed. Paris.

(c) Concil. T. vi. p. 1278.

(d) Cod. Carolin. *epist. 13.* & Concil. T. vi. pag. 1571.

(e) Regest. Greg. VII. lib. 1. *epist. 1.* usque ad 12. Concil. T. xi. pag. 6. & apud

Baron. ad an. 1073. n. 34.

(f) Raynall. *Annal. Ecclesiæ* ad A. 1307. num. 27.

(g) Idem ad A. 1370. n. 26.

(h) *Enth. Storia di Viterbo* pag. 430.

(i) *Ms. lib. Mus. Ital. T. 11. p. 223.*

(k) Vide Litteras Greg. XI. & Martini V. jam laudatas.

# 104 DE NUMMO ARGENTEO

ab Hadriano I. ad Paullum II. se reperisse testatur Vignolius (a), excepto fortasse Leone VIII., & paucis aliis (b). Laudanda certe est hujusmodi Christianorum consuetudo, qua æternæ salutis Signum ubique ante oculos repræsentari voluerunt, ut & qui vivunt jam non sibi viverent, sed ei qui pro ipsis mortuus est, & resurrexit (c). Ideoque & ipsis etiam Monumentorum inscriptionibus præponere solebant, ut pluribus observant Jacobus Gretserus (d), Paullus Aringhius (e) Juitus Fontaninius (f), aliique, eadem fortasse ratione & causa, qua Christi nomen Epistolis præponere mos erat, ut omnia quæcumque facerent in verbo aut in opere, omnia, monente Apostolo, in nomine Domini nostri Jesu Christi facerent (g). Hac occasione in Eruditorum gratiam Inscriptionem quandam hic subjiciendam censeo, quam proximis feriis Autumnalibus Verulis exscripsi, dum una cum P. Augustino Antonio Georgio Ariminensi, Ordinis Eremitarum S. Augustini Presbytero, sacræ Scripturæ in Romano Archi-Gymnasio Professore, Latinis Græcis & Hebraicis litteris eruditissimo, meique amantissimo, ibi commorarer. In majori enim Altari Cathedralis Ecclesiæ S. Andræ Lapis conspicitur, in quo notatur Depositio Marturii cujusdam Presbyteri in pace Domini defuncti, die Solis Kalendis Decembris Indictione XII. currente, & Crucicula Inscriptioni præponitur hoc modo.

†DP

(a) *Par. d. Antiqu. Rom. Pont. Denarii* &c.

(b) In Nummo Leonis VIII. Pseudo-Pontificis *idem* pag. 77.

(c) S. Paul. *epist.* II. ad Corinth. cap. 5. v. 15. S. Cyrillus Alex. *lib. 6. in Julianum*.

(d) Gretserus de *Conce* lib. 3. cap. 15. 16. & 19. *Opus*. T. I.

(e) Aringhius *Roma Subterranea* lib. 3. cap. 10.

(f) Fontanini *Commentario di S. Colomba* cap. 6. pag. 21.

(g) S. Jo. Chrys. *h. hom. 9. in cap. 3. Epist. ad C. Iosif. T. XI. pag. 394. Operum Edit. Montfaucon.*

✠ DP MARTVRI  
PB IN PCI KAL DECEN  
BRIS. D. SOLIS IND. XII (a)

Sed ut ad Cruces quæ in nostris Pontificiis Nummis conspiciuntur redeamus, singularis mihi semper visa est Joannis Vignolii sententia (b), qui quum observasset in Nummo Hadriani II. Crucem solito loco signatam, eamque inter duas ansulas seu commata sibi invicem adversa comprehensam, velut in quadam *parenthesi*, suspicatus est unum ex illis Arcubus aureis argenteisve ibi designari, qui ad recondendas forte Sanctorum reliquias in Ecclesiis sæpe offerebantur, quorum non uno in loco meminit Auctor libri Pontificalis (c). Est quidem hoc ingeniosum magis quam verum, quum nullam Arcus formam præferant prædictæ ansulæ, quæ dumtaxat ad sejungendam Crucem a litteris utrimque paullo infra adscriptis appositæ sunt, velut cuique inspicienti patet. Ad eandem enim causam distinguendæ, ac, ut ita dixerim, interpungendæ Crucis a sublequente inscriptione, pro artificum lubitu modo unum vel plura puncta, modo binæ claves, modo rosa aut stella utrimque effingebantur, prout ex

O Nummis

(a) Aetas hujus Inscriptionis certo designari non potest. Attamen quarto & sequentibus sæculis usque ad undecimum dies Solis, Ind. CIII XII., & Kalendæ Decembris nunquam simul occurrerant, præterquam Annis 608, 653, 698, & 743, si a Septembri Indictionum initia instituantur, velut his præsertim temporibus obtinebant. Ceterum Indictionum Periodus in Italia maxime frequentari cepit sæculo sexto. Idem usus est Theodoricus in suis epistolis, Pelagius PP. II. [qui obiit A. 589.] &

alii deinceps. Aliam Inscriptionem A. 532. I. P. Cos. Lampadii & Orestis Indict. XI. notatam refert Georgius in notis ad Baronium Ed. Lucernæ. hoc anno. Plures alie exstant apud Marazium *Tab. Inscrip.* Ca. V. p. 415. & seqq. T. I. De hisce Indictionibus plura diximus superiori capite num. x.

(b) Vignoli *Antiq. Rom. Pont. Denarii* pag. 42.

(c) Lib. Pontifical. passim. Vide in *Indico T. I. Edis. Vatic. v. Arcus.*



# 106 DE NUMMO ARGENTEO

Nummis Pontificiis a Vignolio, Floravante ac Muratorio editis manifeste apparet (a). Immo in extremo orbiculo unius ex Clementis VI. denariis, quindecim Cruciculæ effinguntur, quarum singulæ per binas hinc inde ansulas separantur (b).

VIII. In adversa parte nostri Nummi loco Crucis signatum conspicitur in extrema ora Sidus octo radiis distinctum, quod & in aliis Gregorii IV., ac Benedicti XI. itidem apparet (c): quibus in rebus, quæ ab artificum potius ingenio aut sæculi more pendent, nihil juvat ullum mysterium investigare.

Sequitur deinde S. Petri nomen, quo semper summo opere gloriati sunt Romani Pontifices, qui illud idcirco in Nummis aliisve id genus Monumentis honoris causa præferre solebant, velut præcipui tum Romanæ Urbis tum Ecclesiæ universæ Patroni. Quæ idcirco Donationes Rom. Ecclesiæ fiebant, omnes S. Petro oblatæ dicebantur; ideoque affirmabat Pipinus quod per nullius hominis favorem sese certamini sapius dedisset, nisi pro amore B. Petri & peccatorum venia (d), Donationemque suam a B. Petro, atque a Sancta Romana Ecclesia, vel omnibus in perpetuum Pontificibus Apostolicæ Sedis, misit possidendam (e): ubi obiter notat doctissimus Thomassinus, Reipublicæ Ecclesiæque Romanæ jura in unum conjuncta consulasque fuisse. Respublica enim in idem corpus cum Ecclesia B. Petri paulatim concrevit, non alio Defensore multo antea tempore usæ, non alio capite conspicua, quam Pontifice Romano (f).

Adest in medio Nummi Monogramma, quod BENE- dicti PAPÆ nomen implicitum habet, de quo supra n. VI.

¶ VII.

(a) Murator. *Antiq. Ital. med. ævi* T. II. Diss. 27. pag. 575.

(b) Ibidem num. 11.

(c) Apud Vignol. *loc. cit.* pag. 27. & 37.

(d) Lib. Pontifical. in Stephano XI. *sess.* 251.

(e) Ibidem *sess.* 253.

(f) Thomassin. *Vetus & nova Ecclesiæ Disciplina* T. II. lib. I. cap. 29. num. 7. & 8.

& VII. cap. 11. Utrum autem recto vel obliquo casu idem explicari ac pronunciari debeat, incertum relinquo. Quamvis enim Vignolius observatu dignum censuerit, quod GREII, seu Gregorii IV. nomen in ejus Nummo, secundo casu expressum, designet monetam ipsius Pontificis esse, non vero Hludowici aut Hlotharii Imp. qui recto casu in adversa parte signantur (a), attamen quum animadverterim in ceteris Pontificiis Denariis hujusmodi nomina modo recto, modo obliquo casu expressa fuisse, omne Vignolii argumentum plane concidit, ac liberum cuique relinquitur, legendi in Inscriptione nostri Nummi vel recto casu *Benedictus* vel obliquo *Benedicti*. Quod si veteres constanter consuevissent omnia elementa, quibus verbum aliquod componitur, in monogrammatibus implicare, minime dubium esset, quod in nostro Nummo Pontificis nomen obliquo potius casu expressum fuisset, eo quod ibi desideretur littera S, quæ ultima est ejus nominis recto casu expressi. Sed cuique notum est, in hujusmodi Monogrammatibus modo omnia, modo opportuniore tantum alicujus nominis elementa fuisse implicita. Ceterum Hadrianus, Nicolaus, Sergius, Anastasius, Joannes, Agapitus & Leo recto casu in eorum Nummis scribuntur (b). Contra vero nomina Gregorii, Sergii, Marini obliquo casu exprimuntur (c). Quocirca nihil certi hac in re definiri posse exillimo.

Ex altera Nummi parte post stellam illam, de qua supra sermo incidit, sequitur HLOTHARII IMP. nomen, qui adhuc in vivis existimabatur (d), ex more jam supra

O 2 indi

(a) Vignol. loc. cit. pag. 29.

(b) In Nummis Hadriani I. apud Vignol. loc. cit. pag. 1. & in Tab. nostra ad enicem Operis num. 1. Nicolai I. pag. 40. Joannis IX. pag. 56. & in Tab. nostra n. 11. Sergii III. pag. 62. Anastasii III. pag. 64. Joannis XI. pag. 67. & XII. pag. 73. & XIII.

pag. 80. Agapiti III. pag. 71. Leonis IV. pag. 93. His adde Nummum Joannis sub Ottone Imp. eusum in Tab. nostra n. 14.

(c) In Nummis Gregorii IV. apud Vignol. loc. cit. pag. 27. Marini pag. 47. Sergii Tab. nostra num. 4.

(d) Vide supra cap. 2. num. 4. & 8.

# 108 DE NUMMO ARGENTEO

indicato, ut Pontifices hoc pacto Imperatores suos tanquam Romanæ Ecclesiæ Advocatos & Defensores honorificentius colerent. Et Hlotharium quidem summis honoribus a Pontificibus affectum demonstrat primùm Auctor Supplementi ad Pauli Diaconi historiam, a quo traditur, A. 823 Paschalem Papam eidem *potestatem, quam prisci Imperatores habuere, super Populum Romanum concessisse*; id quod de Privilegio circa Pontificias consecrationes intelligendum venit. *Fidelitatem* ei a Populo Romano, permitte tamen Sergio II., præstitam fuisse, tradit Pontificis hujus Biographus (a). Idemque Patrocinii sui in Urbem & Ecclesiam Romanam peculiare argumentum præbuit in Constitutione A. 824 facta, quam ex Collectione Canonum Cardinalis Deusdedit edidit Lucas Holstenius (b). Leonem IV. in Anastasii causa (c), & in ædificatione Leonianæ Civitatis plurimum adjuvit (d). Quare propriam imaginem super Altare B. Petri collocari, ob futuram memoriam sive mercedem persone Deo cara per cuncta sæcula veneranda (e), promeruit; & quum Leo profugam Corsorum Gentem summa pietate in Urbem excepisset, ob serenissimorum Lotharii & Ludovici majorum Imperatorum, suamque simul mercedem, perpetuamque memoriam (f), id se præstitisse affirmavit: nonnulla de Imperialibus Capitulis observandis eidem promisit (g), Missos ab eodem ad Justitiam faciendam petiit (h), & Privilegium denique circa Pontificias consecrationes contulit (i). Quum tantis igitur honoribus Hlotharius a Romanis Pontificibus fuerit affectus,

(a) Liber Pontificalis in Sergio II. *scilicet* 408.

(b) Holsten. in Coll. H. Roman. par. 1. pag. 108.

(c) In Actis Concil. Romani A. 853. Concil. T. IX. pag. 1135. Ed. Ven.

(d) Liber Pontificalis in Leone IV. *scilicet* 538.

(e) Liber Pontificalis in Leone IV. *scilicet* 513. (f) Ibidem *scilicet* 539.

(g) Apud Gratianum c. 9. de i. 10.

(h) Apud eundem Gratianum can. 45. 2. qu. 7. Hanc tamen Canonem Baluzius in præf. ad Capitular. Leon. III. potius adscripsit.

(i) Pagius in Crit. Bar. ad A. 847. n. 9.

ctus, quid mirum, si Gregorius IV., Seigius II., Leo IX. (a) & Benedictus III. ejus nomen in propriis etiam Nummis inscribi voluerint?

IX. HLOTHARIUS ex orthographia illius seculi cum Adspiratione initio vocis in nostro Nummo signatur, velut in authenticis plerisque Diplomatis pluribusve Nummis etiam in Italia cufis (b) scriptum invenitur. Solebant enim barbaris iis temporibus Francicæ & Germanicæ Gentes, ex ingenita ipsis quadam gutturali oris asperitate, verbis per L incipientibus Adspirationem præponere: quæ de re omnino consulendus Schilterus in suo Thesauro Antiquitatum Teutonicarum (c). Hæc nimirum oris asperitas in causa fuit, cur Germanorum nomina sæpe ab Italis, Teutonicam pronuntiationem minime callentibus, varie deformata fuerint. Exemplo esse potest Hlotharii II. nomen, quod apud veteres Scriptores & Monumenta Luderus, Leudo, Leuterius, Eleutherius (d), & Lauterius (e), semper scribitur, qui tamen in suis Diplomatis se Lotharium signare solebat. Apposite Ekkehardus in vita B. Notkeri Balbuli (f) de Germanis & Gallis, qui sub Carolo Magno Ecclesiastico Cantui juxta Romanum morem difficiliter sese accommodabant: *Alpina siquidem corpora vocum suarum tonitrui altifone perstreptentia, suscepta modulationis dul-*

[a] Apud Vignol. loc. cit. pag. 27. 30.

[b] 35.

[c] Apud Vignol. loc. cit.

[d] Tom. III. pag. 414.

[e] Chronicon Gotwicense Tom. I. pag. 330.

[f] Ex membrana insignis Archivii Archiepiscopalis Ravennæ num. 304. Capf. B. in qua Gualterius Servus Servorum Dei Divina gratia Archiepiscopus sanctæ Ravennæ Ecclesie Privilegium & plura bona concessit Ecclesiæ S. Mariæ in Castro Argenteo, & S. Nicolai de burgo ejusdem castri, & eorum Prebiteris & Curicis

ad eorum necessitatem & quotidianum victum .... secundum paginam Canonica Regula .... ut infirmis omni tempore dormiant, simulque manducant, & ceteras horas dierum ad orandum pro vivis & defunctis ad reddendas Deo laudes summo studio observent &c. Data est autem Charta ejusmodi Anno ab Incarnatione Domini M. LXXVI. temporibus D. Hlonerii Patris & Lauterii Regis, die nonodecimo mensis Februarii Indictionis quarta Argentea.

[f] Apud Goldastum Rer. Alamann. T. I. cap. 8. pag. 338.

## 110 DE NUMMO ARGENTEO

*dulcedinem proprie non resultant ; quia bibuli gutturis barbara grossitas . dum inflexionibus & repercussionibus & dyaphoniarum diphthongis mitem nititur edere cantilenam , naturali quodam si agere , quasi plaustra per gradus confuse sonantia , rigidas voces jactat , sicque audientium animos , quos mulcere deberent , tales exasperando magis ac obstrependo conturbant . Nos in Hlotharii nomine scribendo orthographiam illius sæculi , quam & Nummus noster aliaque monumenta præseferunt , sequentiam duximus , quum præsertim Nominis illius origo Italica non fuerit , sed Teutonica aut Francica , juxta quam duplici adípiratione exarari debet .*

X. PII cognomentum Hlothario additur , in monogrammate Nummi nostri contentum . Hujus quidem tituli ipsi solemniter adscripti nullam apud Scriptores mentionem habemus . Satis tamen constat honorificas hujusmodi appellationes communi potius populorum consensu , quam solempni aliqua acclamatione paulatim attributas fuisse . Et Carolo quidem , dum viveret , Magni titulus nondum peculiare ejus cognomentum evaserat . Idem de Pii titulo , quo Hludovicum I. Imperatorem donamus , asserere videntur Mabillonius (a) & Pagius ; sed , ut observat Vignolius noster , hunc titulum etiam dum viveret meritis est ; nam in duobus Nummis , a Gregorio IV. percussis , solito monogrammate PIUS appellatur (b) , quo nempe communiter ob egregia pietatis facinora donabatur . Hinc in elogio , quod supra ejus sepulcrum in Metensi S. Arnulphi Monasterio inscriptum fuit , ita legitur :

*Rex Lodovicus PIETATIS tantus amicus ,  
Quod PIUS a POPVLO DICITUR & TITULO.*

*Hilde-*

(a) Jo. Mabillon. *Annal. T. 1.*  
pag. 413.

(b) Vignoli *Ant. Rom. Pent. Denarii*  
pag. 29. & 39.

# BENEDICTI III PONT. MAX. III

*Hildegard soboles, Caroli Magni PIA proles,*

*In pacis mēas colligit hunc PIETAS (a).*

Hic quidem *Pii* titulus inter ceteros Regiæ Majestati debitos jam tunc habebatur, velut ex formulis libri Diurni Romanorum Pontificum (b) & ex Datis Diplomatum aliorumve Monumentorum colligitur, ubi *Pii*, *Piiſſimi*, *Sereniſſimi*, *Pacifiſi*, *Magni*, a Deo coronati Imperatores Regesve dicuntur: qui omnes non meriti, sed Dignitatis Tituli evaserant; ideoque nil mirum si & Hlothario, Principi haud pio, *Pii* cognomentum datum fuerit. In ejus Epitaphio legitur:

*Continet hic tumulus memorandi Cæsaris ossa*

*Hlotharii magni Principis atque Pii (c).*

In Nummis Romanorum Pontificum Gregorii IV., Sergii II. (d), & Benedicti III. *Pius* etiam appellatur, eoque nomine donatur quoque Hludovicus II. Imp. ejus filius in aliis Nummis Benedicti III. (e). Adeo enim hujus ætatis Principes eximio hoc titulo oblectabantur, ut libenter ipsis vel ex animo, vel ex assentatione, ut plurimum fieri solet, ab omnibus tribueretur.



Ex Ære.

EX MVSEO VICTORIO.

CAPUT


(b) Apud Du-Cosq. *Hist. Franc. Scrip.* T. II. pag. 120.

(b) *Edis. Garnerii pag. 4. &c.*

(c) Apud Brower. in *Annal. Trevirens.* lib. 8. (d) Apud Vignol. l. c. p. 27. & 30.

(e) Vide num. 1. cap. sequentis.

- I. Nummi alii editi & inediti ad Benedictum III. spectantes recensentur. II. Sancti Titulum unica Sigla S. notari consuevisse, etiam ante sec. XI., probatur. III. Ex adscripto in Nummis Pontificiis S. Petri nomine evinci non potest Protomas in iis expressas, S. Petrum representare. IV. S. Petri Imagines summa cura in Romana Ecclesia servata. V. Protoma Nummorum Pontificiorum capite fere semper nudo exhibentur. VI. Aliquando etiam Mitrato. VII. An Romani Pontifices se ipsos sub S. Petri insignibus representarint? VIII. Claves ad praelatas Protomas addita S. Petrum facile designant. De firma & Numero Clavium S. Petri. IX. Barbatus vultus S. Petro potius quam Romanis Pontificibus convenit. X. De Cruce S. Petro saepe tributa. XI. Littera RO in Bened. III. Nummo quid designent? XII. De Symbolis quae in Pontificiis Nummis occurrunt. De Flore, Porta Urbis, Cruce, & Manu expansa. XIII. Manus pro potestate, & Dei virtute aut ope. XIV. Manibus sublati preces, vota, & Magistratum electionem fiebant. XV. Manus Iuramenti & Fidelitatis symbolum. XVI. & XVII. Quae Fidelitas vel Iuramentum in Nummis Benedicti III. & Joannis PP. designari possint.

- I.  E proposito Benedicti III. Nummo, cujus gratia hanc Dissertationem instituiamus, hactenus satis superque meo quidem iudicio loquuti sumus. Sed antequam Opusculum nostrum concludamus, de tanti Pontificis memoria optime meritos futuros nos esse confidimus, si ad reliquos ipsius Nummos [quotquot adhuc innotuerint] illustrandos, animum advertamus. Unum porro observavimus

# BENEDICTI III PONT. MAX. 113

vimus in Museo eruditissimi Equitis Francisci Victorii, de quo supra cap. 2. num. 6., qui nondum lucem aspexit. Ejus autem Typum hic delineare supervacaneum ducimus, eo quod si antica pars Nummi [quem hac Dissertatione illustravimus, & fronti ejus præfiximus] cum publica parte alterius Nummi in Tabula nostra delineati num. 7. simul jungantur, eundem plane Typum referant cum Nummo inedito Musei laudati. In altera igitur parte legitur SCS PETRVS. & in medio Monogramma constans ex litteris B. E. N. P. A. In adversa LVDOVVICVS IMP. cum Monogrammate P.I.V.S.

Secundum ponimus Nummum, qui in Tabula nostra num. 6. visitur, a Le-Blanco (a), Vignolio, Floravante (b), & Muratorio (c) evulgatum. Apparet in eo cujusdam viri Protome, media inter litteras S. P. hinc inde signatas, & circa oram legitur † BENEDICT.P. In adversa vero parte conspicitur dextra quædam manus expansa & erecta, litteras R. O. interfecans; in ora † LODOVVICVS. IMP.

Sequitur in Tabula num. 7. Nummus alter ab iisdem eruditis viris jam editus, in cujus gyro legitur † SCS. PETRVS, in medio orbiculo B. N. E. D. R.; & in adversa parte \* LVDOVVICVS IMP. cum solito Monogrammate P.I.V.S.

Quod omnes jam relati Nummi ad Benedictum III. qui Pontificalem Cathedram tenuit ex ante diem 3. Kal. Octobris A. 855. usque ad Aprilem A. 858. pertineant, constat ex adjuncto Hludovici Imp. nomine; Hic enim quum jam ab A. 849. Imperii consors a Hlothario Patre

P

fuisse

[a] *Dissertation historique sur quelque monnoye de Charl. Magne, de Louis le Debonnaire, & de leurs successeurs frappées dans Ro. &c. pag. 107.*

[b] *Antiquores Rom. Pontif. Denarii.*

Roma A. 1734. additis cunis Benedicti Floravantis pag. 37.

[c] *Antiq. Ital. med. ævi T. 1. p. 556. num. 12.*



# 114 DE NUMMO ARGENTEO

fuiſſet adſcitus, & ſequenti anno Auguſtea corona a Leone IV. Romæ donatus, poſt Patris obitum (a) Imperium & Romanæ Eccleſiæ Advocatiam ſolus adminiſtravit uſque ad A. 875., quo pridie idus Sextileis ad Superos eſt tranſlatus (b). Poſſent fortaiſſe hi Nummi etiam ad Benedictum IV. referri, ſub quo Hludovicus III. Imperium obtinebat; At Nummi, qui eidem a Vignolio adſcribuntur, diverſam plane Orthographiam, & Monogrammatum formam exhibent (c).

HLVDOVICI Imperatoris nomen varia orthographia ſcribitur, juxta Regionum Populorumque diverſitatem. Francos enim cum adſpiratione, & ſæpe etiam cum geminata V pronunſiaſſe indicant innumera pene Monumenta, & quæ præcipue in ipſius Imp. *Cancellaria* data fuerunt. Idque ipſa etiam nominis origo ſuadere videtur; *Chloviz* enim in veteribus nummis cum C & H exaratur, quod deinde in *Chlodovicum*, *Chlodoveum*, *Hlodovvicum*, & poſtremo in *Aloysum* evaſit.

De pronunſiatione Septentrionalium Populorum, ſatis jam ſupra ſcripſimus *num. 8. cap. 4.*, ubi & de *Pii* cognomento [*num. 10.*], & de Cruciculæ ſeu ſtellæ ornamentis [*num. 7. & 8.*] Romani vero etſi *Hlotharium* duplici adſpiratione conſcriberent (d), prout *num. 9. loc. cit.* jam obſervavimus, *Hludovici* tamen nomen nulla præpoſita adſpi-

(a) Hlotharius Imp. nōſte d. 27. Septembrii. A. 855. Vide ſupra *cap. 2. n. 1.*

(b) Hludovici II. Imp. obitum diei 19. Kalend. Septembris aſſignat Necrologium R. marcenſis Monafterii, quod ſupra laudavimus *num. 7. cap. 2.*, & cujus excerpta quorundam dabimus in noſtra Appendice Monumentorum. Andreas Presbyter [apud Murator. *Ant. med. ævi T. I. pag. 52.*] cum deceſſiſſe ſcribit *pridie Idus Auguſti in ſinuſus Breſtanſis*. Chronicon Vultur-nenſis *Idibus Auguſti*. Necrologium Monafterii S. Germani de Præſis [apud Ma-

billon. *de R. Diplom. lib. 2. p. 206.*] 100. *Kal. Sept.* Omnibus tamen præterendus eſt Andreas Presbyter prædictus natione fortaiſſe Britanniſis, ut ſuſpicatur Muratorius [*Annus d' Italia ad A. 875. c. v. pag. 110.*] vel qui ſaltem ejusdem Hludovici Imp. funeri interfuit.

(c) Apud Vignol. *loc. cit. pag. 59.*

(d) Ita in Nummis Gregorii IV. apud Vignol. *pag. 27.* Sergii II. *pag. 32.* Leonis IV. *pag. 35.* & in noſtro Nummo Benedicti III.

adspiratione in Nummis exararunt. Testes adhibeo Nummos Paschalis I. (a), Gregorii IV. (b), Nicolai I. (c), Hadriani I. (d), & Joannis VIII. (e), in quibus LVDOVICVS scribitur; In duobus autem Benedicti IV. LVDOICVS (f). In eo quem nunc illustramus Benedicti III. LODOVICVS (g). Ceterum in Bulla Papyracea Leonis IV. A. 850, in alia A. 854, & in alia Benedicti III. pro Monasterio Corbejensi Adspiratio præponitur. In Epitaphio ipsius Hludovici, quod Mediolani adhuc existat, *HLVDOVICVS* (h). His breviter expositis, ad ea quæ accuratiorem requirunt indaginem descendamus. Ac primo de Protome, quæ in Nummo 6 Tabulæ nostræ conspicitur cum litteris S. P., postea de Siglis R. O. & de Manus Symbolo plura notatu digna subjiciemus.

II. Solemne fuit Romanis Pontificibus, sæculis præsertim VIII., IX., X., & XI., Apostolorum Principis nomen in suis Nummis inscribere, ut quidquid haberent illi acceptum referrent, cujus personam in militante Ecclesia gerebant. Quinquaginta circiter eorum Denarii ab 8 ad XI sæculum percussi, hæcenus lucem viderunt; Duodecim alios hæcenus ignotos præsentī Dissertatione nos primum evulgamus. In his autem universis, paucis admodum exceptis (i), S. Petri nomen clare inscriptum apparet. In incerti temporis Nummo, quem damus in Tabula nostra n. 15, legitur *Sanctus Petrus*. Nonnunquam & S. Pauli nomen etiam additum fuit, prout in duobus Nummis Stephani PP. (k). In alio autem apud

P 2

Fon-

(a) Vignol. loc. cit. pag. 24.

(b) Ibidem loc. cit. p. 27.

(c) Ibidem loc. cit. p. 40.

(d) Ibidem loc. cit. pag. 42. &amp; in Tab. nostra num. 9.

(e) Ibidem loc. cit. pag. 44. &amp; in Tab. nostra num. 10.

(f) Ibidem loc. cit. pag. 29.

(g) Ibidem loc. cit. pag. 27.

(h) Apud Puricellam in Monum. Basil. Ambrosiana.

(i) Apud Vignol. loc. cit. pag. 1. 71.

(k) Vide etiam in Tabula nostra num. 27. Apud Vignol. pag. 23. &amp; 20.

## 116 DE NUMMO ARGENTEO

Fontaninium amborum Apostolorum imagines exhibentur cum Inscriptione ROMANI PRINCIPES (a).

Ceterum hoc S. Petri nomen modo integre expressum reperitur SCS. PETRVS, modo abbreviate SCS PETR., modo etiam per singulares litteras S. P. vel S. PE. Ne succenseat nobis eruditissimus Fontaninus, qui existimarat *Sancti* titulum per singularem litteram S nequam ante XI. seculum designari consuevisse. Fateor & ego in communi usu frequentissime fuisse, ut per SCS exprimeretur; at quod post seculum dumtaxat XI. *prænomen Sancti* unica littera S indicari coepum fuerit (v), minime clarissimo huic viro concedi potest. Litteræ enim S. P. ad Protomen Nummi a Benedicto III. cusi, quem nunc illustramus, appositæ, quid aliud quam *Sancti Petri* nomen aperte designant, quod in ceteris aliis hujusmodi Numismatibus constantissime legitur?

In alio item Denario Formosi Pontificis (c) qui ab A. 891. ad A. 896. Romanam rexit Ecclesiam, eadem litteræ S. P. signantur hinc inde a Protome quadam, in qua S. Petrum representari certissime arguo ex Clavibus ei adjunctis. Clarius id ipsum liquet etiam ex alio Nummo Benedicti Papæ sub Ottone Imp. percusso, & per Floravantem evulgato (d), in quo ad Protomen Cruce insignitam legitur S. PE. In alio Nummo Johannis X. apud Vignolium (e) S. PETRS. Omnium vero instar sit præclarissimus Sergii PP. Nummus, quem ex Museo Vaticano olim Xaverii Scyllæ nunc primum in lucem edimus in Tabula nostra ad calcem Operis n. 5. Ibi enim singularis littera S. & PETRI nomen in Monogrammate impli-

(a) Apud Justum Fontaninum in *Disco argenteo veteris veterum Christianorum. Roma 1727. cap. 14. pag. 18.*

(b) Idem loc. cit. pag. 41.

(c) Apud Vignol. loc. cit. pag. 52.

(d) Loc. cit. pag. 81. ubi Nummus ille Benedicto VI. tribuitur, sed meo quidem iudicio incerte; potest enim & v. & vii. adscribi.

(e) Loc. cit. pag. 81.

implicitum evidenter apparent. Quæ ideo a nobis diligenter notata sunt, ne cui fucum faceret auctoritas doctissimi viri Justi Fontaninii, quum præsertim eo tempore quo ipse scribebat præter Benedicti III. & Joannis X. nummos, ceteri alii nondum lucem conspexissent. At fateri debemus alia etiam Monumenta solertissimi viri diligentiam effugisse. Nam & antiquissimum Musivum Ecclesiæ S. Agathæ in Suburra [quod v. sæculi existimatur] XI. Apostolorum imaginibus decoratur, quarum singulis Apostoli nomen adjungitur, præposita ad designandum Sancti titulum singulari littera S (a). In Musivo Ecclesiæ S. Laurentii in Agro Verano a Pelagio II. [qui obiit A. 590] constructo, quatuor Sanctorum imagines repræsentantur cum adpositis nominibus S. LAURENTIUS. S. PETRVS. S. PAULUS. S. STEPHANUS (b). Item in Musivo insignis Capuanæ Ecclesiæ, quod sæculi IX. initio ædificatum fuit, exhibentur quatuor Sanctorum imagines cum subiectis nominibus S. PETRUS. S. STEPHANUS. S. PAULUS. S. AGATA (c); Ac in alio etiam Ecclesiæ S. Mariæ Novæ, quod Joanni VI. I., vel Nicolao I. tribuitur, quatuor aliis Sanctorum imaginibus adscripta reperiuntur nomina S. JOHS. S. JACOBUS. S. PETRUS. S. ANDREAS (d).

Nec prætereunda est eximia quædam vetusta vitrea lamina, quam observavi in Museo Capponiano nunc Collegii Romani Societatis Jesu, de qua iterum sermo erit num. VIII. hujus capituli. Exhibentur ibi auro delineatæ, prout in vetustissimis vitris Cœmeterialibus, SS. Apostolorum Protomæ, & Petri quidem ad dexteram [velut & in prædictis (e)] apparet] cum litteris S. PETRUS, & S. PAU-

(a) Ciampin. *Vet. Mon. T. I. tab. LXX.*(b) Idem *loc. cit. T. II. tab. XXV III.*(c) Idem *loc. cit. tab. LII.*(d) Idem *loc. cit. tab. LIII.*(e) Buonarroti *Vetri Cemet. pag. 77.*

# 118 DE NUMMO ARGENTEO

& S. PAULUS . Vetustissimam quoque S. Damasi Pontificis Inscriptionem exhibet cl. Franciscus Blanchinius (a) , qui Siglas S. PA. S. PE. ibi signatas S. Paulus , & S. Petrus solertissime est interpretatus . Si eundem audiamus, etiam litteræ SP , quæ in celebri Numismate Crispi Cæsaris inscribuntur (b) , Sanctum Petrum , vel signum Petri designare videntur . At pace doctissimi viri figura illa sedens, quæ in medio Nummo repræsentatur, potius ad Christum Dominum referenda videtur , cui optime convenit Inscriptio in ora ejusdem Nummi apposita *salus & spes x. Reipublicæ*, vel etiam ad Constantinum Crispi patrem, dextera in salutantis modum porrecta . His igitur exemplis constat, Sancti titulum unica littera S etiam ante xi. sæculum notari consuevisse, contra ac senserat cl. Fontaninius.

III. Sed ut ad Protomas illas , quæ tum in Nummo Benedicti III. tum in aliis pluribus Rom. Pontificum observantur propius accedamus, non ita facile de omnibus in universum pronunciarim an Pontificem ipsum , cujus est Nummus , an potius Apostolorum Principem repræsentent. Etsi enim hujusmodi Protomæ S. Petri nomen modo ad latus , modo in ipsius Nummi gyro adscriptum habeant, qui in rebus Antiquariis versantur optime norunt, non semper litteras, circa imagines aut symbola Nummorum expressas, ad symbolum ipsum in typo repræsentatum referri , sed vel locum cuspæ monetæ , vel officinæ signum, vel cetera hujusmodi sæpe ab iis designari. Protome quædam conspicitur in Nummo Joannis X. ad cujus dexteram JOH, ad sinistram S. PETRVS adscribitur (c) . Quis autem divinarit, utri potius adjudicanda sit hujusmodi Protome , quæ inter Joannis & S. Petri nomen media

(a) In præfat. ad Tom. I. Anastasii num. 33.      nisma edidit primùm Baronius in *Annal.*  
ad A. 324. n. 35.

(b) *Lec. cit. num. 33.* Idem Num-      (c) Vignol. *loc. cit. p. 63.*

dia existit? In alio Denario Agapiti rI. Caput quoddam cernitur Cruce ad latus adjuncta: in gyro scriptum est AGAPITUS PA. Alius ejusdem Pontificis Denarius idem Caput præfert, sed in gyro non *Agapiti* nomen, ut in superiori, sed SCS PETRUS legitur (a). Quis igitur statuere certo poterit, an illa imagine S. Petrus, vel potius Pontifex ipse effectus fuerit? Quum enim, ut antea dicebamus, tutelarium Sanctorum nomen in Nummis mediæ ævi, ac præsertim in Pontificiis ad indicandam Romanæ Ecclesiæ Urbisve monetam, inscriberetur, quoties S. Petri nomen in gyro commode exprimi non potuisset, aliquo saltem pacto in area Nummi indicandum videbatur; ideoque non semper hujusmodi Nomen ad Protomen necessario referendum est, quum & pro signatæ pecuniæ loco aut ceteris hujusmodi indicandis, notari potuisset.

IV. Quod si Nummorum nostrorum Typi adeo informes & rudes pro ævi illius barbarie non essent, facile hanc possemus quæstionem ex ipsis vultus lineamentis dirimere. Summo enim studio præci Ecclesiæ fideles, Christi Domini, & SS. Apostolorum imagines propriis eorum ac velut vivis lineamentis continua traditione servarunt (b); Id quod de imagine Sancti Apostolorum Principis disertis verbis tradit Eusebius (c), pluribusque confirmant cl. Philippus Bonarrotius (d), & doct. Minus Præsul Jo. Bottarius (e). Antiquiores S. Petri imagines peculiari Dissertatione collegit & illustravit cl. vir mihiq; singulari familiaritate conjunctus Petrus Franciscus Fogginius (f). Ex iis autem liquet quandam similitudinem in universis illius

(a) Loc. cit. pag. 71.

(b) Conf. cl. Eq. Franciscus Vidorius in lib. de Nummo æreo veterum Christianorum cap. 7. & seqq.

(c) Euseb. Hist. Eccl. lib. 5. cap. 18.

(d) Osservazioni sopra alcuni fram-

menti di vasi antichi di vetro &c. p. 75. & seqq.

(e) Osservazioni alle sculture &c. della Roma Sotterranea T. I. p. 94.

(f) De Romano D. Petri itinere. Exercitatione XI.

illius imaginibus religiose semper observatam fuisse, ut nudo præsertim capite & barbata facie omni tempore effectus fuerit. Sed neque hæc ipsa lineamenta in nostris Nummis facile perspicui possunt, quibus æque ac Imperatorum Orientalium Numismatibus convenire potest verissimum illud Cangii effatum, quod si non *arrium* omnium, certe *Monetariæ præsertim postremis hisce sæculis interitum arguit quam pessime in Nummis Augustorum aliorumque formata effigies*, rudi adeo stylo, ut virorum ne sint an *feminarum non proclive sit conjicere* (a). Quare frustra in nostris Nummis imaginem S. Petri ex oris lineamentis recognoscere possumus.

V. Nostrorum quidem Nummorum Capita plerumque nuda esse judico, & Corona tantum Clericali insignita, quam perperam confundens Vignolius (b), *Camelaucium* illud repræsentare exstitimavit, quod solitum erat Romanorum Pontificum integumentum, *Bireo* vel *Camauro* hodierno simillimum (c). Sed in vetustis monumentis, ubi vel Romanorum Pontificum, vel ipsius Apostolorum Principis Caput repræsentatur, sola Clericali corona decorantur, prout videre est in Basilica S. Pauli extra Urbem, ubi quædam Pontificum Romanorum series ab antiquissimo tempore depicta apparet (d). Tum, quoad sæculum VI., præstant imagines Felicis IV. in Mulsivo Ecclesiæ SS. Cosmæ & Damiani (e), & Pelagii I. in alio Ecclesiæ S. Laurentii in Agro Verano (f); quoad sæc. VII. alias

(a) Carolus Du-Cange in *Dissert. de Infer. xvi Numismatibus*. num. 75. ad calcem *Gloss. med. & inf. Latinit.*

(b) Pag. 37. & 61.

(c) Anastas. in Constantino scilicet. 172. *Apostolicus Pontifex cum Camelaucio, ut solitus est Roma procedere, a Palatio egressus, in Placidias properavit.* Vid. Du-Cangius in *Glossar.* & in *Journ. de la Differt.* 24. n. 4. & Dominicus Georgius

de *Liturgia Rom. Pontif.* T. I. Hoc fortasse Camelaucio contectus videtur Gregorius IV. in Mulsivo Ecclesiæ S. Marci apud Ciampin. *Vet. Monum.* T. I. tab. xxxvii.

(d) Quarundam Typum videlicet T. I. pag. 1. Anastasii de hisque plura in *Proleg. apud Opusc.* xi. cap. 3.

(e) Ciampini *Vet. Monum.* P. II. tab. xvi.

(f) Idem loc. cit. tab. xxviii.

# BENEDICTI III PONT. MAX. 121

alias habemus imagines Honorii I. in Musivo Ecclesiæ S. Agnetis extra Muros (a), Joannis IV. in Musivo Oratorii S. Venantii (b); Et quoad sæculum denique VII. imagines adhuc servantur Leonis III. in Musivo Ecclesiæ S. Sufannæ (c), & in altera parte Triclinii Lateranensis (d), atque aliæ Paschalis I. in Musivis Ecclesiarum S. Mariæ in Domnica (e), S. Praxedis (f), & S. Cæcilie (g), in quibus omnibus Monumentis laudati Pontifices nudo capite, & solita Corona Clericali plerumque insigniti exhibentur. Quæ pingendorum Pontificum consuetudo diu etiam permanfit, postquam Mitre usuf obtinere cœperat. Casanatensis enim Codex quem supra cap. III. num. II. laudavimus, ubi Pontificum Catalogum exhibet, ad oram marginis depictos habet orbiculos quosdam, in quibus ipsorum Pontificum Protomæ apparent, detecto capite, & vertice prorsus nudo, ex quo capillitia Corona aliquantulum promissa depenlet.

Quod si etiam Apostolor. Principis imagines quotquot ad ætatem nostram pervenere vel minimum inspiciamus, nulla est, in qua ipse nudo capite non appareat. Consulantur integra Bonarrotii (h), Aringhii (i), Ciampinii, (k) & Alemanni (l) Opera, ad quæ lectores libenter remitto. Clericalis insuper Coronæ specie ornatus videtur in Musivis S. Sufannæ (m), & Triclinii Lateranensis a Leone III. (n), in iis S. Cæcilie a Paschale I. (e), & S. Marci a Gregorio IV. (p) constructis. Quum enim ea invalescere jam

Q

cœ-

(a) Ciampini loc. cit. tab. XXX.

(b) Idem loc. cit. tab. XXXI.

(c) Idem loc. cit. tab. XLII.

(d) Idem loc. cit. tab. XLII.

(e) Idem loc. cit. tab. XLIII.

(f) Idem loc. cit. tab. XLVII.

(g) Idem loc. cit. tab. LII.

(h) Buonart. Vetri Cemetery. Tab. X. & seqq.

(i) Aringhii in Roma Subterr. passim,

vui addend. Jo: Bottari's Osservazioni alla R. ma Sottterr. &c. ad tab. XVI. L. XXI. &c. usque ad XXVIII. & alibi.

(k) Ciampini Vet. Monum. &c. passim.

(l) N. c. Alemanni de Later. Pariet.

(m) Ciampini. Vet. Mon. Pal. tab. XLII.

(n) Idem loc. cit. tab. XL. & XLII.

(o) Idem loc. cit. tab. LII.

(p) Idem loc. cit. tab. XXXVI.



## 122 DE NUMMO ARGENTEO

cœpisset opinio, quod Clericalis Tonsura ex ipsius Apostolorum Principis institutione dimanasset, non admodum difficile fuit ejusdem S. Apostoli Capillitium paulatim ad Coronæ modum in imaginibus suis tonsuræ repræsentare, ut vero similior, prout falsa eorum temporum ferebat opinio, ejus imago redderetur; Qua eadem quoque ratione & aliorum Apostolorum atque Sanctorum Capita depicta fuere: Quapropter ex rudibus adeo lineamentis, quæ in nostris Pontificiis Nummis apparent, male & incerte admodum potuit Vignolius *Camelancium* Romanorum Pontificum recognoscere, quum multo probabilius videatur Clericalem Coronam ibi repræsentari, quam gestasse tunc temporis Romanos Pontifices jam diximus. Ac re quidem vera, quum plures ex Nummis a Vignolio editis in variis hujus Urbis Museis inviserem, deprehendi non semper Chalcographos secundum ipsam Nummorum formam apographa sua delineasse, sed nonnunquam Typi elegantiae aliquantulum indulgisse, prout in hujusmodi Monumentis sæpe contingit. Exemplum dabo in Nummo Benedicti PP sub Ottone Imp. percusso (a), in quo Caput apparet quadam veluti corona redimitum, quum tamen in ipso Nummo nequaquam id ornamentum adponatur, sed inter lineolas duas supra frontem transverse ductas aliæ plures perpendiculariter signentur, adeo ut manifesta in ipsis capillitia Corona delineetur, ut in ipso Nummo apud Eq. Franciscum Victorium probe recognovi, qui ejusdem Typum in Opere de *Florentino aureo* exactissime, suo more, repræsentavit (b).

VI. Sed non in omnibus Pontificum Romanorum Nummis, Capita quæ in ipsis apparent, nuda & sola Clericali Corona insignita exhibentur. Duos enim habemus Sergii

(a) Apud Vignol. *Antiqu. Rom. Pont.*  
*Denarii* pag. 83. n. 2.

(b) Il *Fiorino d'oro antico illustrato.*  
*Brunet* 1738. pag. 38. 18. & 174.

Sergii [ fortasse 111. ], qui ab A. 904 ad 911 Romanæ præfuit Ecclesiæ (a), in quibus solita Protome apparet cum litteris hinc inde SCS PETRUS . & supra caput Mitra acuminata ad instar coni, qualis hodie ab Episcopis nostris adhibetur . Mitræ porro usum vel tunc habuisse Summos Pontifices, nullus dubito ; eo vel maxime, quod Leo PP. IV. ejusdem usum Anshario Episcopo Hamburgenſi concesserit (b), eamque referat effigies Joannis XV. Papæ apud Ughellium (c) . Consulantur Mabillonius (d), Cangius (e), Georgius (f), & Catalanus (g). Quæ autem in Nummis Sergii & in ea Joannis XV. imagine Mitra conspicitur, oblonga est, in acumen desinens, *ad instar* [ prout agebat Mabillonius ] *Sacer-ri panis* ; quo plane modo apparet etiam in vetustissima S. Petri martimorea statua ad Portam Basilicæ S. Petri Corbejenſis (h) erecta .

Sed quid igitur ? In Sergii Nummis quis potius repræ-

Q 2

sentabi-

(a) Apud Vignol. loc. cit. pag. 42.

(b) Leo IV. in Bulla Anshario Episcopo Hamburgenſi concessa, data nonſe Martio Ind. 111. A. 840. *Ornari quoque caput tuum Mitra, portari ante te Crucem &c.* Ext. apud Lindenbrogium in *Scriptor. Septentrional.*, & in *Bullario Rom. Edit. Maynardi T. I. pag. 182.*

(c) Ughellius *Ital. Sacr. T. v. p. 1742. prior. Edit.* edidit descriptionem picture membranaceæ Codicis Privilegiorum Tiberianæ Ecclesiæ, sæculo [ ut videtur ] XI. concinnati, quem ex autographo recentiori manu descriptum servat Aſcheriana Bibliotheca Cod. 2305., ex quo descriptio nem prædictam habuit Ughellius . Eundem Codicem pro sua qua est humanitate mihi communicavit eruditus vir Simon Ballarinius eidem Bibl. Præfectus ; & collatione facta deprehend, male apud Ughellium legi *Joannes xv. imberbis cum Mitra corni instar insurgente*, quum in Codice p. 415. scriptum fuerit *Mitra Coni instar insurgente &c.* Mitram Episcopalem x. sæculi

habebat verus Charta Roriconis Episcopi Laudunensis apud Mabillonium de Re Diplo. 7. Tab. 1111. num. 3. ubi in Sigillo Pontificali è mitra conspicitur cum Mitra, que primam recte insurgit, sed d. man in acumen desinit. Sæculo decimo XI. Mitræ usus communior factus est, adeunt Mansionarii Vaticanæ Basilicæ, qui superbia elati se *Cardinales Presbyteros* eff. jactabant, *Mitram* gesticisse dicuntur, prout in *Actis S. Gregorii* v. 11. Inter *Script. Rer. Ital. T. 111. par. 313.* & apud Baron. A. 1084. m. p. & in *Actis S. Marci die 23. pag. 153.*

(d) Jo. Mabillon. *pr. f. 11. in fæ. 14. Ord. S. Benedicti n. cxxxii. & cxxxiii.*

(e) Carolus Du-Cange *Disser. xxiv. n. 4. in Joannivillam & 10 Glossar. med. & inf. Latinit.*

(f) Dominiou Georgius de *Liturgia Rom. Pont. T. I. lib. 1. cap. 27.*

(g) Catalanus in *Pontifical. Roman. T. I. par. xxiv.*

(h) Apud Mabillonium loc. cit.

## 124 DE NUMMO ARGENTEO

sentabitur, ipsemet Pontifex, an Apostolorum Princeps? Ut mea quidem fert sententia, quantum in rebus tanta obscuritatis caligine involutis conjectura assequi licet, arbitror nullum alium ibi designari, quam Sergium Pontificalibus ornamentis indutum: etsi enim, ut supra monuimus, Romani Pontifices nudo fere semper capite, iis præsertim sæculis, effingerentur, quum tamen Mitra usum suscipere cœpissent, non alienum erat, si tali etiam insignitos ornamento se in aliquibus monumentis exhibuissent. Multò autem absurdius videretur, si Apostolorum Princeps hoc modo ab iis representatus fuisset, que n in omnibus vetustis imaginibus nudo semper capite cernebant. & cujus effigiem tam religiose servare curarunt. Optime Bonasrotius (1). „ *Specialmente la Chiesa Romana ebbe particolar mira di mantenere le vere immagini di tutte due i Principi degli Apostoli, e ce ne danno una certa riprova le antiche pitture ed i Mosaiici, nella maggior parte de' quali si vedono tempo per tempo fedelmente offerate le loro stesse fisionomie. Da queste immagini con tanta avvedutezza e così fedelmente custodite si può credere che N. ceforo Call st) abb' a preso in gran parte la minuta e diligente descrizione, che ei fa de i due Santi Apostoli* „ . His adde Petrum Antiochensem qui xi. sæculo ad Michaellem Cerularium scribens agebat, se Constantinopoli sacras imagines Roma allatas observasse, quæ cum ipsarum autographis optime congruebant (2). En quanta religiofitate præstaret Romana Ecclesia in SS. imaginibus adservandis. Restat adhuc in Vaticanæ Basilicæ Sacratio insignis vetustissima Tabula, in qua SS. Apostolorum Petri & Pauli Protomæ apparent. Eas Nicolai I. vel Hadriani II. tempore depictas fuisse, testatus est mihi doctissi-

(1) Buonar. *OFFERTA. A' VETRI CEMETER.* pag. 75.

(2) Apud Cotelierum *Eccles. Græc. Menum.* T. II. p. 159.

etissimus Præsul Josephus Simon Assemanus ejusdem Basilicæ Canonicus, & Bibliothecæ Vaticanæ Præfectus, qui prædictas Apostolorum Imagines doctissime illustravit in Commentario insignis Kalendarii Græco-Moschi in eadem Bibliotheca asservati, quod magno Litterarum bono propediem in lucem est prolaturus. Eorum autem Capita prorsus nuda apparent & barbata, prout in ceteris aliis Monumentis observantur. Hujusmodi plures vetustæ imagines existant in Basilica Vaticana, & præsertim in ipsius Cryptis, aliisque locis & Basilicis hujus Urbis, quas hic longius referre non juvat. Quod si igitur aliis quibusdam ornamentis S. Petri imago decorata fuit, id quidem evenisse concedo, vel sæculo XIV. & subsequenribus, vel antea etiam, sed in locis ab Urbe valde distitis, velut Corbejæ aut alibi, ubi nulla de vera S. Apostoli effigie servanda religio fuisset: Nequaquam tamen id factum arbitror sæc. VIII. IX. & X. in Romana Ecclesia, ubi tanta religione ipsius etiam vultus lineamenta, totiusque corporis habitus firma perpetuaque traditione retinebatur. Quotquot enim S. Petri picturæ, musiva vel Signa vetustiora Romæ asservantur, eundem omnes nudo capite repræsentant; ideoque, donec certiora argumenta proferantur, nequaquam mihi persuaserim, S. Petrum cum Mitræ ornamento, a Sergio Pontifice in Nummis suis, effectum fuisse.

VII. Nec meo quidem judicio absurdum plane esset, si quædam hujusmodi Nummorum Protomæ nonnumquam Pontificum etiam vultum repræsentarent, sed S. Petri nomine vel insignibus decoratum, utpote qui ejusdem Apostoli vices personamque sustineret; non secus ac Ethnicis Romanis Imperatoribus consuetum fuerat, ut Signa & imagines suas Dei alicujus habitu vultuque decorarent. Singularis est sane hoc in genere Stephani Pa-

pæ

## 126 DE NUMMO ARGENTEO

pæ 11. epistola, in qua quum a Pipino, Carolo, & Carolomanno auxilium contra violentos Longobardorum impetus peteret, S. Petri personam induens, ita præfatur *Petrus vocatus Apostolus &c. .... & per me omnis Catholica & Apostolica Romana Ecclesia &c. .... vobis excellentissimis Pipino, Carolo &c. .... Ideoque ego Apostolus Dei Petrus qui vos adoptivos habeo filios ad defendendum de manibus adversariorum hanc Romanam Civitatem &c. (a)*. Simili loquendi modo usum fuisse video S. Theodorum Studitam, qui Paschalem I. alloquutus, eum ita compellat: *Janitor Regni Calorum, Petra Fidei, super quam edificata est Catholica Ecclesia. Petrus enim tu, Petri sedem gubernans & exornans ..... Tibi dixit Christus Deus noster, Et tu aliquando conversus confirma fratres tuos (b)*.

VIII. Ceterum ne conjecturis nimium indulgeamus, hæ locum habere possunt ubi aliis certioribus destituamur argumentis. Nam si Clavium vestigium hisce imaginibus additum appareat, libentius ad ipsum Apostolorum Principem imagines easdem referrem, quum certò affirmare non ausim, hoc peculiare S. Petri Insigne propriis etiam imaginibus accommodatum a Romanis Pontificib. fuisse. Itaque Protomas quæ in Nummis Joannis VIII. (c), Formosi (d), & Joannis IX. (e) conspiciuntur, S. Petro tribuendas esse censerem, propter quoddam Clavium vestigium quod in iis videre videor, dummodo chalcographus rudia Numismatum lineamenta recte expresserit. De Clavibus S. Petro attributis qui plura desiderat, conferat eruditissimos Jo: Ciampinium (f), Nicolaum

(a) Cod. Carolin. n. 1. T. 111. Script. *Romani Pontif. Operum T. 2. p. 91.*  
*Rev. Franc. Du-Chesnoi.*

(b) S. Theodorus Studita lib. 1. epist. 15.  
Estat inter Sirmondi Opera Tom. v. Alia  
hujusmodi exempla consulenda sunt apud  
Theoph. Raynadam in Corona Aurea.

(c) Vignolius loc. cit. pag. 44.

(d) Idem pag. 52.

(e) Idem pag. 56.

(f) *Vet. Numm. Par. I. cap. 28. & de  
Edificiis Constantiniani tab. 24.*

Iaum Alemannum (a), Jo: Mabillonium (b), & Petrum Franciscum Fogginium (c).

Has porro Claves fortasse repræsentari existimo in Nummo hætenus inedito Sergii PP. quem damus in Tabula nostra *num. 5.* Visitur ibi oblongum sceptrum, in cuius summitate ex una parte littera E adjungitur, ex altera R quædam inversa. Duplici quidem lusu ibi delectatum fuisse monetarium arbitror, ut & Claves S. Petri designaret, & ejusdem quoque nomen quodam quasi monogrammate in iis exprimeret. Hoc equidem cuique Nummum ipsum intuenti manifestum est; quum præsertim ex alia parte littera S appareat quæ *Sancti* titulum clare indicat, & P quæ initialis est nominis *Petri*; reliqua autem illius elementa in summitate sceptri addita fuere nempe E, R, & T, quod cum utroque implicatur. Quod autem & Claves hoc eodem signo repræsententur, non injuria suspicor. In quodam enim Remigiano Codice, quem Jo: Mabillonius [circa A. 1703. scribens] 800. annorum esse judicavit, exhibetur S. Petrus solito Apostolico pallio indutus, nudoque capite, tres Claves dextera gestans, quæ ita comparatæ sunt, ut una litteræ J inversæ formam præferat, altera sit quasi Γ quoddam Græcum altero crure brevius, & adnexam habens R; media vero Clavis, quæ ceteris duabus præeminet, T figuram referat (d). Ecquis igitur hisce Clavibus *Petri* nomen a Pictore implicitum fuisse, clare non intellexerit? In Nummo tamen Sergii una tantum esse videtur Clavis, vel uno saltem manubrio formata. Id fortasse artificia imperitiæ, & loci angustia tribuendum. Sed neque hoc insolens est, ut cum unica Clavi S. Petrus repræsentetur. Ita enim visitur tum in antiquissimo Musivo S. Agathæ in

(a) Alemann. *de Lateranen. Pavist.*  
cap. 9.

(b) Mabillon. *Annal. Benedictin.* L. 10.  
num. 91.

(c) Foggini *de Itinere S. Petri* pag.  
471.

(d) Mabillon. *loc. cit.*

## 128 DE NUMMO ARGENTEO

in Suburra quod a Fl. Ricimero circa A. 471. constructum fuit, tum in aliis monumentis apud Alemannum & Ciampinium (a), sed præcipue in Musæo Oratorii S. Venantii a Joanne IV. circa medium sæculum VII. constructo, ubi S. Petrus unica Clavi donatur, quæ *Dolabræ* [ ut nostri vocant ] ex utraque parte adjunctam habet. Ita etiam in alia parte Triclinii Leoniani unam tantum Clavim S. Petrus tenet (b). Inter cetera etiam pretiosissima Cimelia Musei Collegii Romani Soc. Jesu, quæ pro sua humanitate doctissimus vir, & in omni Antiquitatis studio peritissimus Rev. P. Contuccius eidem Museo Præfectus mihi communicavit, vetustam S. Petri imaginem in lamina ærea encausto obducta observavi, in qua S. Apostolus una tantum Clavi insignitus conspicitur, quemadmodum etiam exhibetur in quodam antiquo Vitro Musei Capponiani in eodem Romano Collegio existentis & num. 11. hujus Capituli laudato, in cujus medio apparet Christus Dominus Nimbo crucigero insignitus; ad illius dexteram Protome viri barbati unicum Clavim humero sustinentis, cum litteris *S. PETRVS*; ad lævam similis Protome, sed calva fronte ensẽ erectum dextra tenens, cum inscript. *S. PAVLVS*. Ac ut demum ex nostris Pontificiis Nummis aliud aliquod proferam exemplum, cum unica Clavi ad modum litteræ F efformata repræsentatur idem Apostolorum Princeps in Denario Agapiti 11. apud Vignolium (c).

IX. Non parum etiam conducere ad veram S. Petri effigiem dignoscendam, præter vultus lineamenta, ipsa etiam *Barba*, si tanta Nummorum nostrorum ruditas non esset. Barbatum quidem S. Apostolum in omnibus fere imaginibus repræsentatum fuisse jam supra

(a) Alemann. *de Lateranen. Pariet.* pag. 61. & 68. Ciampini *Vet. Monum. P. I.* cap. 28.

(b) Ciampini. *Vet. Monum. Tom. I. tab. XXXI. C. XL.* (c) Vignol. *Antiq. Rom. Pont. Denarii* pag. 71.

inuimus (a). Consulantur quotquot imagines ibi laudavimus. In Nummis etiam Joannis VIII. (b). Agapiti II. (c) aliisve hujusmodi quadam *Barba* veltigia apparere non male quis suspicari posset, cui ego, in tanta Nummorum deformitate & Monetariorum imperitia, nec asferiri nec contradicere aulerem. Hoc autem concessio, vero quidem simile redderetur argumentum, ut S. Petrum ab imaginibus Romanorum Pontificum, qui IX. & X. sæculo floruerunt, ex *Barba* discerneremus. Siquidem Romanus Clerus, adeoque & Pontifices *Barbam* eo tempore minime gestabant. Scimus hanc a Græcis Schismaticis calumniam IX. sæculo, tum Romanæ, tum universæ Ecclesiæ illatam fuisse, quod *Barbam* raderet (d), quibus etsi responderit Ratramnus Corbejenfis non ubique hanc consuetudinem eadem forma obtinuisse, satis tamen arguit in Romana præcipue Ecclesia id usurpatum fuisse (e). Ideoque S. Petrus Damianus scribebat: *Ecclesiarum plane Rectores tanto vertiginis quotidie rotantur impulsu, ut eos a Secularibus BARBIRASIVM QUIDEM DIVIDAT, sed actio non discernat* (f). Et de S. Gregorio VII. traditur in Collectanea Cardin. de Aragonia, ipsum sexaginta Mansionarios Vaticanæ Basilicæ ejecisse, qui erant *Crues Romani uxorati seu concubinarij, barba rasi, & Mitrati, asserentes se Cardinales Presbyteros esse* (g). Quam *Barbarasuram* vetustissima traditione Romanam Ecclesiam tenuisse testatur idem S. Gregorius VII. his verbis: *Quem-*  
R admo-

(a) Hoc cap. num. 4. & 5.

(b) Vignol. loc. cit. pag. 44.

(c) Idem loc. cit. pag. 71.

(d) Frodoardus in Hist. Remens. lib. 3. cap. 17. *Succensentes etiam nobis, quia Clerici apud nos barbas suas radunt &c.* Idem arguit etiam sæculo XI. Ceterius, uti ex ejus epistola apud Baron. ad A. 1054. n. 33. Et confirmat Petrus Episcopus An-

vioch. ibidem n. 41. *Romani quide n Barbam radentes &c.*

(e) Ratramn. Corbejen. lib. 4. cap. 5. in Spicileg. &c. Dach. VII. T. 11.

(f) S. Petr. Damian. epist. 13. lib. 1.

(g) Script. Rer. Ital. T. 111. pag. 113. & apud Baron. A. 1084. n. 9. & in Altis SS. Maji d. 25. pag. 113.



# 130 DE NUMMO ARGENTEO

ad nudum totius Occidentalis Ecclesiae Clerus ab ipsis Fidei Christianae primordiis barbam radendi morem tenuit &c. (a), qui tamen mos nequaquam a tam remota origine est derivandus. Quo errore, ipso viii. saeculo, non caruit Ratramnus Corbejenfis, qui ut Schismaticorum dictis satisfaceret, ipsum radendae barbae morem ad Apostolos & Christi discipulos retulit, laudans & S. Petri imagines, quae suo aëvo tali schemate pictorum arte formabantur. quod tamen Romae, ubi major conservandae verae imaginis Principis Apostolorum religio viguit, nequaquam iis saeculis factum fuit, ut omnes vetustae ipsius imagines quae hodieque supersunt clare evincunt. Haecenus de more Barbam radendi apud Romanum Clerum. Plura qui volet consulat Chamillardum in lib. de Corona, Tonsura, & habitu Clericorum, & eruditissimum Muratorium T. II. pag. 302. Antiqu. Ital. Med. Aevi.

X. Denique nec silentio praetereundae Cruces quaedam oblongae, quibus laudatae Protomae in quibusdam Nummis Pontificiis insignitae conspiciuntur, nempe in Nummis Joannis vii. (b), & Agapiti ii. (c). Non equidem inficior has referri posse ad Cruces pectorales vel alias quassibet Romanorum Pontificum, de quibus eruditissime egit Jo. Dominicus Georgius (d), vel ad Christiani Principatus symbolum, vel ad quandam Orientalium Imp. imitationem, qui hujusmodi oblongas Cruces manu gestantes in Nummis & Signis effingebantur (e): Sed eas potius S. Petro tribuendas esse existimo, siquidem ejus imagines ita efformatas saepe fuisse constat. Duces praecipue sequor doctiss. viros Jo. Bottarium (f), & Pe-

(a) In Regesto Epistol. lib. 8. Epist. 10. Concil. T. xi. Ed. Paris.

(b) Vignolius loc. cit. pag. 44.

(c) Idem pag. 71.

(d) De Laturo. Rom. Pont. T. I. L. 1. c. 13.

(e) Cangeus in Constantinopoli Christi. pag. 479.

(f) Famil. Byzantin. Buonarroti Osserv. a' Petri Cemetery. p. 252.

(f) Bottari Sculture della Roma Setteranica. T. I. p. 94. & acib. Foggini de Romano Itin. D. Petri, Exercit. xii.

& Petrum Franciscum Foggium, qui Crucem sapissime S. Petro in antiquis monumentis esse tributam pluribus demonstrarunt. In iis enim duo Apostolorum Principes frequentissime occurrunt, quorum alter qui a sinistris Jesu Christi collocatur Crucem vel bajulat, vel a Christo Domino recipit (a). Aringhius in iis interpretandis nonnunquam mente confusus est, quum modo S. Paulo, modo autem S. Petro eas imagines referendas esse duxerit; sed oris habitus, capillitii forma S. Petrum egregie demonstrant; quum è contra S. Paulus a calvitie capitis bene dignoscatur, qua insignem eum fuisse tradit vetus Philopatridis Auctor inter Luciani Dialogos insertus. Negare tamen minime ausim Crucem S. Paulo nonnunquam etiam tribui, uti præsertim in antiquo Veronensi sepulchro (b), sicuti & SS. Laurentio & Vincentio (c) Martyribus, & meo quidem judicio in Martyrii signum, data fuit. Sed nos, quod ut plurimum fiebat, consuetamur. Sæculis enim rudibus Crucem S. Petro tribui præcipue consuevisse testantur, tum Ecclesiæ S. Laurentii (d), tum Lateranensis Triclinii (e), tum Oratorii S. Venantii (f), tum sepulchri Ottonis II. Imp. (g) Musiva, ut præteream, & præstantissimum Medicæ Bibliothecæ Syriacum Novi Testamenti Codicem (h), aliaque plura quæ longum esset hic recensere. Atque optime quidem S. Petro convenire potest Crucis Insigne, qua nempe Martyrii palmam gloriose adeptus est. Ideoque Protomæ quæ

R 2

in

(a) Ibidem *tab. xxi. xxii. usque ad xxv. & tab. xxxxi. tab. 1. & sola tabula xvi. S. Petrus exhibetur ad lenteram Christi, qui Crucem ei, præbens in modum, ostendit.*

(b) *Musæi Veronæ Hist. par. 3. cap. 3.*

(c) *Funerandi Observat. a Petri C. material. p. 67. & 68.*

(d) *Campin. Vet. Monum. T. II. tab. xviii.*

(e) *Ibidem loc. cit. tab. xx. xxi.*

(f) *Ibidem loc. cit. tab. xxii.*

(g) *Apud Alenann. de Later. Pariet. pag. 88.*

(h) *Cod. 1. Syriac. Evangel. exsartus Ann. 516. Etæ Cherianæ. Tab. xciv. apud clar. Evodum Allmannum Archiepiscopum Apamensem in Catalogo Biblioth. Medicæ.*

in laudatis Pontificiis Nummis Cruce ad humeros ad-  
mota exhibentur, [habita frequentiora consuetudinis  
ratione, qua eandem S. Petro artifices libenter tribue-  
bant], eidem Apostolorum Principi non improbabili-  
ter referendæ videntur.

Ex his igitur omnibus colligi potest, Protomas quæ  
in Pontificiis Nummis occurrunt, non omnes S. Petro  
temere esse tribuendas, sed gravi admodum judicio, cau-  
teque agendum esse, ut & alia argumenta, de quibus  
satis fufe jam diximus, diligenter exquirantur, eaque se-  
dulo examine perpendantur, ut ad propositi Nummi in-  
terpretationem accommodentur. S. Petri quidem Ima-  
gines in quibusdam Nummis certò repræsentantur. Sed  
alias ipsis etiam Romanis Pontificibus nonnunquam tri-  
bui posse non injuria suspicor, veluti præsertim in Num-  
mis Sergii 111. aut ubi Pontificali Pallio vel Mitra deco-  
rantur. Propriam imaginem gestasse novimus in suis Bullis  
Joannem viii., qui ab A. 872 ad A. 882. Pontificalem ob-  
tinuit Cathedram. In fine enim cujusdam Privilegii,  
quod die 24 Aug. A. 878 concessit, hæc a Scriniario ad-  
dita leguntur: *Leo humilis Scriniarius & Notarius S.R.E.  
cum jussione Reverendissimi Domni Johannis Papa scripsi &  
aliis roborandum protuli, & ut est sigillatum sigillo plumbeo  
magno impresso habente imaginem Sanctissimi Papa Johannis  
cum litteris infra scripti similibus, videlicet JOHANNES PA-  
PA (a).* Nec in Bullis tantum, sed & in publicis Operi-  
bus, in Monumentis, in Donariis, aliisque hujusmodi  
rebus Romani Pontifices propriam imaginem ad æter-  
nam memoriam repræsentari curabant. Ita enim factum  
est in tot Musivis, quæ ad ætatem nostram pervenerunt,  
& sæpe etiam in Picturis, Tabulis, & Vestibus: quod  
Leonem IV. præcipue præstitisse declarat libri Pontifica-  
lis

(a) Apud Ughellium T. I. *Italia Sacra in Episcopis Papiensibus.*

lis Auctor (a). Nullus igitur dubito, quin iidem Pontifices qui in Musivis, Picturis, Tabulis, Vellibus, Bullis aliisque huiusmodi proprium nomen & imaginem apponere solebant, eandem aliquando & in suis etiam Nummis insculpi voluerint.

XI. Quibus ita firmatis ad illustrationem adversæ partis propositi Nummi a Benedicto III. percussi transcamus. Singulares litteræ R O. manu quadam dextera interfecæ, in eo conspiciuntur, quibus Romæ percussam fuisse monetam intelligimus. Hæc porro non peculiaris Romanorum Pontificum consuetudo fuit, sed ceteris aliis Principibus, & Nationibus communis. Indicem Civitatum, in quibus nota cussæ monetæ in Orientalium Imp. Nummis apparet, adornavit cl. Cangius (b); post quem argumentum idem fufius illustrarunt Jo. Harduinus, & Anselmus Bandurius. Officinæ vero monetariæ seu Civitatis nomen plerumque per Siglas signabatur, ut MD pro *Mediolani*, RV pro *Ravenna*, RM pro *Roma*. Ita porro signantur Nummi duo Hadriani I. quorum alter a Floravante (c), alter a nobis primum in lucem profertur, quem damus in Tab. nostra num. 1. In aliis vero modò legitur explicite ROMA (d), vel Græcè ROMH (e), modo in Monogrammate (f), cuius peculiarem præ ceteris formam præseferunt Nummus Stephani PP. apud Vignolium (g), & alius Joannis PP. sub Otrone Imp., quem damus num. 14. Tab. nostræ. In duobus vero Benedicti III. per singulares litteras *Roma* nomen exprimitur. In altero enim legitur *BeNEDi-*

*ctus*

(a) Liber Pontifical. in Leone IV. *scil.* 503, 506, 516, 528, 536, 542, & 543.

(b) Du-Cange in *Dist. de Inferioribus* Numismatibus n. XLVI. § 111.

(c) *Antiq. Rom. Font. Denarii* pag. 1.

(d) *Loc. cit.* pag. 23, 40, 52, 62, 64, 65, 79, 85.

(e) In Nummo Formosi apud Vignol. pag. 52.

(f) *Loc. cit.* pag. 19, 24, 40, 42, 44, 47, 48, 50, 52, 59, 73, 79, 83.

(g) In Nummo qui Stephano V. tribuitur pag. 50. n. 2.

### 134 DE NUMMO ARGENTEO

*Ætus Roma*, in altero RO. manu quadam intermedia. Hos Nummos primus edidit Le-Blancus (a), qui postremum ita interpretatus est, ut litteræ RO signo illo seu manu divisæ Romam denotarent; & ita quoque existimarunt Pagius (b), & Vignolius (c). Sed contra sentit splendidissimum Italiæ nostræ ornamentum, Hludovicus Antonius Muratorius, qui in eximio suo Opere Antiquitatum Italicarum medii ævi hæc ait: *Manus effigiata conspicitur cum litteris RO, quas si litteris Mantum componentibus adjungas habebis RO-MANUS, idest IMPERATOR ROMANUS. Vide qualibus ingenii lusibus tunc Roma delectaretur. Sed & nos vidimus superiorem ætatem, hoc est sæculum decimum septimum, ejusmodi nugis deditum* (d). Ego vero malim ingenue fateri, me prorsus nescire quidnam significet Manus in Nummo illo apposita, quam rationes hujusmodi promere. Quod si ibi *Imp. ROMANUS* intelligi debet, id utique contra morem, receptamque dicendi formulam factum fuisset. Patricii enim & Imperatores tum in vetustis Scriptoribus tum in Monumentis, his præsertim sæculis, *Imperatores Romanorum* in secundo casu appellari consueverunt, minime autem *Romani Imp.*; unde etiam in Nummo Leonis IX. Henricus *IMP. ROMANORU.* inscribitur (e). Quapropter quum in Titulis, Nummis, aliisque publicis Monumentis solemnes Imperatoriæ Dignitatis formulæ plerumque servari soleant, nullo modo in Benedicti Nummo Hludovicus ita *Imp. Romanus*, sed ex usitato loquendi more *Imp. Romanorum* indicatus esse videtur; ideoque Manus in Nummo illo apposita ad aliquid aliud meo quidem judicio est referenda: nec litte-

1æ

(a) Leblanc. *Dissertat. historique sur quelques monnoies Fr. frappées à Rome* &c. pag. 107. pr. ed.

(b) Critic. Baron. ad A. 875. m.

(c) *Loc. cit.* pag. 17.

(d) *Ibid.* 11. pag. 549.

(e) Apud Vignol. pag. 93.

re RO aliud significare videntur, quam ROMA eusam monetam fuisse.

XII. Modo, ut pro hujus Manus explicatione nonnulla proferamus, animadvertendum primò est præter S. Petri vel Pontificis Protomen, de qua hætenus egimus, vel præter ipsius Imperatoris figuram quæ in Nummis Leonis (a) & Joannis Pape (b), & alterius Joannis quem in Tab. nostra num. 12 evulgavimus apparet, quædam etiam symbola in Pontificiis Nummis fuisse nonnunquam signata, quæ peculiarem aliquam significationem eo tempore omnibus notam haberent.

Florem conspicimus in Nummo Joannis PP., quem ad ritum *aureæ Rosæ* a Romano Pontifice benedicendæ traxit Vignolius (c); quem tamen si mavis ad Christum ipsum *Florem ex virga Jesse* a Tertulliano appellatum, vel ad dona Spiritus Sancti, quæ in Flore designantur (d), vel ad aliquos Pentecostes ritus (e), vel ad hujusmodi aliud nobis nunc incompertum referri potest, vel denique ad faustum & felix aliquod eventum indicandum, quum Florum profeminatio in Festis & publicis votis & Principum celebritatibus, ab antiquissimo tempore præcipue adhibita fuerit (f).

*Ædificium* quoddam conspicitur in adversa parte Nummi Nicolai I. (g), quod duobus Arcubus seu Portis insignitur, eoque Urbem Romam, vel S. Petri Basilicam designari scribit Vignolius. Sed nullibi apparet, quod frons Templi Vaticani duo tantum ostia habuerit (h); id eoque

(a) Apud Vignol. pag. 79.

(b) Ibidem pag. 73.

(c) Ibidem pag. 67. Incompertum tamen habemus, an hic ritus sæculo 11, & 12, adhuc capisset.

(d) Buonarruoti *Observaz. a' Petri Ceterianis* &c. pag. 103.

(e) Vid. Cangius in *Gloss. v. Pascha* & *rosarium*.

(f) Bottari *Offert. alla Roma Sottervanea* T. I. pag. 167. De Florum & Rosæ symbolis plura Theoph. Raynaudus in *Rossana mediana Oper. T. 2. pag. 405. 423.* & passim.

(g) Vignol. pag. 49.

(h) Ex descriptione Petri Mantii apparet, Porticam anteriorem hujus Basilicæ

### 136 DE NUMMO ARGENTEO

eoque Romam potius ibi representatam fuisse suspicor sub figura Portæ Urbis, quæ sæpe pro totius Civitatis symbolo usurpari solebat. Duplices enim quandoque fuisse Arcus in Urbium Portis, velut in eo Nummo visitur, luculentissime jam demonstravit doctissimus Marchio Scipio Maffejus (a); quin & plures Urbis Romæ Portas tales fuisse nuper existimavit cl. P. Josephus Blanchinius Congregat. Oratorii Presbyter; Id quod præsertim patet de Nævia nunc Majori (b), & de Portuensi vetere (c). quibus Flaminiam & Ostiensem addit cl. Auctor (d). Fortasse tamen non Urbis Portam, sed Aquæductum a se instauratum eo in Nummo inculpi fecit Nicolaus; siquidem ipse Formam aquæ, quæ vocatur Tociæ (e), at vero jam per evoluta annorum spatia nimis confractam existentem, per quam decurreret aqua per centenarium in Orbem Romanam, a fundamētis ad fabricandum atque restaurandum eadem forma preparavit (f).

Crucem quoque, præclarum nostræ Salutis monumentum in Pontificiis Nummis conspiciamus, quam ubique præferre solebant prisci Ecclesiæ Fideles, quibus nil erat antiquius quam gloriari in Cruce Domini nostri Jesu Christi, ut num. VII. superioris Capitis jam innuimus. Carolus Calvus in Pistensis conventu A. 864 præcepit, ut in Denariis novæ nostræ monete ex una parte nomen nostrum habea-

retes Portas habuisse, & ingressum in ipsam Basilicam per quinque portas patuisse, quarum Mediāna dicebatur quæ media illarum erat, eamque argenteo obdixisse legimus Honorium I., & Lennem IV. Consulend. Ciampin. de Sacr. Edific. Tab. XI & XII, p. 17, 85. &c.

(a) Verena illustrata Par. II. pag. 71.

(b) Delle Magnificenze di Roma antica e moderna lib. I. che contiene le Porte o Mura di Roma, colle spiegazioni del P. Giuseppe Bianchini. Roma 1747. pag. XXXI.

(c) Ibidem pag. XXV. & apud Nardinum Roma antica lib. I. cap. 9.

(d) Ibidem pag. v. & XXII.

(e) Alibi Avisa. Sed Baronius legi mavult Accia [in Ann. II. ad A. 860. n. 13.] Codex Vatican. apud Georgium [in Var. Lect. Anastasi ad eadem T. XV. pag. 616. Annal. Baron. Ed. Lucens.] legit Tociæ, fuisse Jopia, quæ memoratur ab Anonymo apud Mabillon. Analect. T. IV. p. 502.

(f) Lib. Pontificalis in Nicolao I. sess. 524.

habeatur in gyrum, & in medio nostri nominis monogramma : ex altera vero parte nomen Civitatis, & in medio CRVX habeatur (a), velut omnes pene Francici Nummi apparent (b), quem morem in Nummis Septentrionalium populorum (c), & Italicarum Civitatum (d) observatum sepe cognoscimus; quod & Orientales Imperatores antea præstiterant. Hujusmodi quoque C. ux in medio Nummo signata apparet in Denariis Hadriani I. (e), de quibus iterum erit dicendi locus (f).

In aliis Nummis conspicitur Imperator ipse stans, veste gemmata ad talos usque demissa, coronato capite, gladium dextra erigens, lævaque manu huius incumbens (g). Quæ aliaque hujusmodi symbola in Nummis Pontificiis peculiari aliqua ratione & veluti arcana significatione, expressa fuisse apparet; ideoque ipsam quoque *Manum* quam in Nummo Benedicti III. conspicimus, haud otiose signatam fuisse existimo. Similis *Dextera* elata & protensa habetur in Nummo Joannis Pontificis (h) sub Ottone Imp., in cuius gyro SCS. PETRUS inscribitur; ubi profecto ad hujusmodi Inscriptionem nequaquam Manus illa in medio Nummo insculpta est referenda, quemadmodum de Nummo Benedicti III. suspicatus est cl. Muratorius, sed ad indicandum symbolum aliquod nobis fortasse incompertum apposita videtur. Aliæ *Manus* nonnunquam etiam exhibentur in Nummis Septentrionalium populorum apud Hickesum. Unam tamen præcipue observavi in argenteo Nummo, hæte-

S

nus

(a) Cap. 11. apud Baluzium *Capitular. Reg. Franc. T. II. pag. 178.*

(b) Apud Leblancum *Traité historique des Monnoyes de France &c.*

(c) Apud Georgium Hickesum in *The-sauro Linguarum Septentrionalium T. III.*

(d) Apud Muratorium in *Antiq. Ital. med. ævi Tom. 11.*

(e) Apud Vignol. *loc. cit. pag. 1. & in Tabula nostra num. 1.*

(f) In ad. continuatione ad *Tabulam nostram ad eandem Operis.*

(g) In Nummis apud Vignol. *loc. cit. pag. 19. & 19 Tabula nostra num. 12.*

(h) Apud Vignol. *loc. cit. pag. 80.*



### 138 DE NUMMO ARGENTEO

nus quod sciam inedito, penes Reverendum P. Gregorium Pignattium jam supra laudatum (a), cujus Typum, eo quod præ nimia vetustate valde detritum appareat, supervacaneum ducimus hic exhibere. Ex altera tamen illius parte non obscure dignoscitur Aedificium quoddam pluribus columnis suffultum & fastigio ornatum, qualia observari possunt in Francorum Nummis a Leblanco editis, quo nimirum vel Templum vel Urbis aliqua designari videtur (b); ex altera vero parte Dextera quædam in cælum erecta effingitur, eo modo quo in prædictis Nummis Benedicti & Joannis Romanorum Pontificum apparet. Ex Inscriptione vero quæ in gyro utriusque partis signata fuerat, nil aliud me legere potuisse videor, quam ST. PP. vel SI. PP. Simile aliud hujusmodi symbolum in fastigio Ecclesiæ Hersfeldensis positum fuit, ubi ærea Dextera inaurata, & ad cælum erecta prominet (c); Ac denique in pavimento principis Ecclesiæ insignis Monasterii Fuldenis marmoreus quidam orbis insurgit, in cujus extrema ora ad quatuor sibi invicem adversas plagas plumbo confixæ fuerunt quatuor æræ Dexteræ expansæ [annulari tamen & auriculari digito supra volam inclinatis] & ad centrum orbis illius porrecte (d).

XIII. Ut autem non solum Monumenta, quæ Dexteræ manus symbolum præferunt, hic recenseamus, sed etiam quid hujusmodi signo significari possit, aliqua saltem conjectura assequamur, animadvertendum primo est, *Manum* a veteribus sæpenumero pro potestate vel auctoritate aliquid faciendi, fuisse usurpatam (e), utpote quæ præcipua corporearum actionum ministra existat.

Unde

(a) In Præfatione pag. 11.

(b) Leblancus *loc. cit.* p. 93. & seqq.

(c) Browerus in *Antiq. Frib. J. 2.* c. 17.

(d) Apud eundem Browerum *loc. cit.*

(e) Pompon. lib. 2. §. 1. D. de Origine Juris. Omnia manu a Regibus gubernantur. Vid. Barnab. Brillonius de Verb. Signific. v. *Manus*.

Unde ex hoc fortasse in *manum mariti* uxores convenire dicebantur, & Servos libertate donatos *manumissis*, nempe de *manu & potestate herili missos*, fuisse appellatos monet Ulpianus (a). Quum vero summus rerum omnium principatus & auctoritas penes solum Deum sita sit, metaphorice per *Manus* appellationem ipse Deus, ejusque potentia, virtus, & auxilium intelligebatur. Ait enim S. Cyrillus Alexandrinus, quod *semp̄r in Divinis Scripturis Manus signum est operis, & recte factorum* (b). Quam significationem forte respexisse Religiosos viros insignis Ordinis Hospitalis S. Joannis Hierosolymitani, liquet ex eorum antiquo sigillo, in cujus altera parte Dextera quædam elata conspicitur in benedicens modum, annulari & auriculari digito inclinatis, cum inscriptione IN DOMINATIONE MANUS SCHE (c). Idem expressum arbitror in sepulchrali Monumento Simonis de Slichte [qui xii. sæculo vivebat], quod indicatum jam a Browero (d), cl. Schannatus (e) graphice delineatum in lucem protulit. Ibi enim insculpta est Dextera manus è nubibus prolata, & supra Crucem quandam incumbens, cum inscriptione DEXTERA DOMINI FECIT VIRTUTEM, quæ ad præclara illius militis facinora Dei ope patrata, fortasse refertur. Longam hic veterum Marmorum, Musivorum, Nummorum, Codicumque seriem recensere possem, in quibus Manus e nubibus prodiens pro ipsius Dei figura repræsentatur: sed lectores libenter remitto ad clariss. viros Aringhium, Bonarrotium (f), & Bottarium (g), quorum hic luculentissim

S 2 mus

(a) Ulpianus *Leg. 4. ff. De Injustis & Jure*.

(b) *Lib. 3. Glaphyr. in Genes.*

(c) *Codice Diplomat. di Malta del P. Sebastiano Paoli T. I. tab. vii. n. 57.*

(d) Brower. *loc. cit.*

(e) Schannat. *in Tradition. Fuldens. pag. 176.*

(f) *Monumenti Osservanz. a' Vetri Camer. pag. 3.*

(g) *Bottari Osservanz. alla Roma Sotterranea T. I. pag. 40, 71, & 82.*

# 140 DE NUMMO ARGENTEO

mus mihi testis est, non modo in antiquioribus Monumentis symbolum hujusmodi reperiri, sed & in infima etiam sæcula derivatum fuisse. Præcipue tamen omnibus hisce symbolis designandis adhibebatur Dextera manus, quæ dignitate præstantior, & ad majorem actionem significandam aptior esse videtur. Hinc illud Crinagoræ Epigramma (a), quo agebat nullum Romæ periculum imminere posse

ἄχρ' αὖ μίμνῃ  
Δεξιὰ σημαίνειν Καίσαρι βασιλεύει.

DEXTRA donec

Maneat Cafari ad Imperium.

XIV. Quoniam vero supplicantium est Manus in altum tollere, ut opportunum hoc pacto sibi auxilium comparare studeant, hinc solemnî ritu tum apud Ethnicos, tum apud Hebræos, tum apud Christianos, manibus sublatis preces Deo fundi, semper consuetum fuit (b). Ideo Clemens Alexandrinus (c) in orationibus Manus in Cælum tolli testatur τὰς χεῖρας εἰς ὕψος ἀνέμειν; eoque gestu Vota etiam suscipiebantur, prout pluribus videre est apud eruditissimum Barnabam Brissonium (d). Et quoniam Principum vel Magistratum electio, quædam veluti Votorum nuncupatio est, in solemnî illorum designatione Dextera manus elatio præcipue usurpabatur, ut hoc signo populi consensus & plausus quodammodo patefieret. Ita plane testatur Tzetzes (sec. xii. Scriptor (e), his verbis (f).

Tδ

(a) Epigrammat. Græcor. lib. 1. p. 12. *Varior. Tom. I. pag. 273. 280. 281.*  
Edit. Francof. A. 1600.

(b) Sulecerus in Ties. Ecclesiast. v. αὐχὺ  
n. vi. litt. b. De Honis de Formis lib. 1.  
pag. 44. Edit. Paris. 1583. Buonarroti  
Osservaz. a' Vetri Crmet. pag. 110. p.  
121. Buonar. Osserv. alla Roma Sotter-

(c) Stromatum lib. 7.

(d) Briss. loc. cit. pag. 118.

(e) Fabric. Biblioth. Græca T. 2. lib. v.  
cap. 42. n. 111.

(f) Chiliad. VIII. hist. 231. inter Poë-  
tas Græcos veteres Lectii p. 404.

# BENEDICTI III PONT. MAX. 141

Τὸ παλαιὸν ἢ στρατηγὸν ἢ ἄλλον ἱστ' ὀρχοντων  
 "Αν ἱμελλον ποιησαδαι, τὸ ὄνομα ἐκαλων.  
 "Αν ἔν τῷ δήμῳ ἀριστός, ὡς ὁ ἀροβιβλαμένος  
 ΗΡΩΝ οἱ πάντες ΔΕΞΙΑΣ τὰς αὐτῶν εἰς ὑψος,  
 'Ευθύς τὸ ἀριβάλλτο εἰς τὴν ἀρχὴν ἐκείνος.  
 Τάτο τὸ ἔθος γίνεσκε τῆς αὐτῶν χειροτονίας.

*Antiquitus vel Imperatorem vel alium ex Principibus  
 Quum vellent creare, nomen proclamant.  
 Quum igitur plebi placeret qui propositus erat,  
 TOLLĒBANT omnes DEXTRAS suas in altum,  
 Statinque eligebatur in Magistratum ille.  
 Hunc morem scito veteris designationis.*

Quid igitur si in Pontificiis Nummis jam supra indicatis  
 sub illo *Dextera* elatæ & expansæ symbolo Pontificis vel  
 Imperatoris designatio, vel preces votaque pro eorum  
 salute & Principatu suscepta indicarentur?

XV. Ab orationibus vero & precibus, paullatim ad  
 jurisjurandi quoque sacramentum translatum fuit ma-  
 num hujusmodi symbolum, quasi in sermonis vel rei  
 promissæ testimonium Dii per gestum illud advocarentur;  
 quod præcipue etiam designabatur manu tactis rebus qui-  
 busdam, vel etiam ipsius focii dextera apprehensa in so-  
 lemne datæ fidei argumentum. Hinc perjuris *manus* am-  
 putabatur (a), hinc *fidelitas per Manum & Sacramentum*  
 præstari dicebatur (b), & in Diplomate quodam Caroli  
 Crassi memoratur *Obligatio Hominii, Juramenti, seu Fidei*  
*per manum data* (c). Immo non tantum quis propria ma-  
 nu jurare contentus erat, sed alios etiam sui sacramenti  
 consortes ac veluti fidejussores exhibebat, quod *Manu*  
*septi-*

(a) *Capitularia Reg. Franc. Steph. Ba-*  
*zili f. l. pallim.*

(b) Ivo Carnoten. *epistola* 190. ubi vi-  
 dend. Juratus in nos. (c) *Juratus loc. cit.*

## 142 DE NUMMO ARGENTEO

*septima*, *duodecima* aliisque hujusmodi jurare dicebatur ; (a) formula in libris Capitularium, Feudorum, & in veteribus membranis frequentissima, cujus conceptio præcipue observari potest apud Sirmondum (b). Quod vero dicitur, Servos *manum mortuam* habere hoc pacto explicari voluit Cironius (c), eo quod nempe dato sacramento se ad operas obsequia atque certos census Dominis suis obstrinxerant; ex quo morem illum in Belgium manasse arbitratur, ut quum Dominus ex defuncti Servi hereditate nihil jure herili capere potuisset, *manum* ex ejus cadavere in præstitæ servitutis signum abscederet (d). Ceterum quod Dexteræ in Cælum elatio pro sacramento haberetur discimus ex celebri illo Deuteronomii loco (e), in quo Dominus ita a Moyse loquens inducitur: *Levabo ad cælum manum meam, & dicam, Vivo ego in æternum*, ubi LXX. Interpretes ita vertunt ὅτι ἀπὸ εἰς τὸν ὕψαιον τοῦ χειρὸς μου, καὶ ὁμῶς τοῦ δεξιᾶς μου, καὶ ἐπὶ τῷ Ζῶ εἶναι εἰς τὸν αἰῶνα. Quoniam *levabo in Cælum manum meam, & jurabo dextera mea, & dicam, Vivo ego in æternum*. Et Geneseos v. 22. Cap. xiv. *Levo manum meam ad Dominum Deum altissimum &c.* ἐξῆρα τὴν χειρὰ μου πρὸς Κύριον τὸν Θεὸν τὸν ὑψίστον &c. Eundem jurandi ritum apprimè expressit in Latini Regis persona Virgilius his verbis (f)

*Suspiciens Cælum TENDIT AD SIDERA DE-  
XTRAM;*

*Hæc eadem [Ænea] terram, mare, sidera IVRO,  
Latæaque genus duplex, Janumque bifrontem,*

*Vimque*

(a) Hier. Bignonius in not. ad Marculfi Formul. lib. I. cap. 38. Pithæus in Glossar. ad Capitularia T. II. pag. 728. Capitularium Baluzii.

(b) Capitular. T. II. p. 485.

(c) Cironius in Observat. Jur. Capen.

lib. 2. cap. 10. Canguis in Glossario v. *Manus mortua*.

(d) Ex Chronico Belgico ad A. 1123. & append. ad Marianum cap. 28.

(e) Deuteron. cap. 32. v. 40.

*Vinque Deum infernam, & duri sacvaria Divis.*

*Audias hæc Genitor, qui fœdera fulmine sancit.*

Nec hujusce moris exempla desunt in infimis etiam sæculis, si fidem adhibemus cl. Browero asserenti, quod quatuor illæ æræ manus in pavimento Ecclesiæ Fuldenfis appositæ, & num. XIII. superius memoratæ, nihil aliud ex veteri traditione designent, quam sacramenta in illius Ecclesiæ defensionem & obsequium prælitata a Provinciis Thuringiæ, Wederaviæ, Saxoniz, & Bajoariæ. Et quæ in fastigio Hersfeldensis Ecclesiæ erecta Manus conspiciuntur, eodem Browero teste, tanquam symbolum susceptæ a Hludovico & Hlothario Imp. Ecclesiæ illius tutelæ, communi suffragio judicatur.

XVI. Hæc fere habuimus, quæ ad propositi symboli Nummorum Benedicti III., & Joannis Romanorum Pontificum illustrationem pertinere videbantur. Cuilibet autem liberum erit quod melius sibi videbitur probare, ut, vel Principalem auctoritatem, vel Dei opem, vel suscepta vota, vel Principum designationem, vel præsertim sacramentum aliquod, eo symbolo in prædictis Nummis representari intelligat.

Quid vero sub sacramenti nomine venire possit, nunc paullo fusius est a nobis explicandum. Aliud enim erat jusjurandum seu *Fidelitas* quæ Pontifici præstabatur a Populo Romano & ab Imperatore, aliud quod Imperatori a Pontifice Populoque Romano. De priori locum habemus penes Benedicti III. Biographum, qui notas illas Benedicti nostri calamitates exaggerans, quibus in ipso Pontificatus exordio improborum astu vexatus fuerat, Nicolaum Episcopum Anagninum, Mercurium, Gregorium, & Christophorum Magistros militum perjurii reos facit, quod *Fidelitatis sacramentum quod fecerant almifico Benedicto parvipendentes*

# 144 DE NUMMO ARGENTEO

*dentes, oblitiscencesque, electo damnato [Anatasio] se con-*  
*junxerunt* (a), *beati*que [Benedicti] *fidelitatem declina-*  
*runt jam facti* (b). Hæc est enim *fidelitas* quam Populus  
 Romanus in Summi Pontificis electione præstabat, quæ  
 vel aliqua peculiari formula concipiebatur, vel in Ele-  
 cti salutatione, aut in ipsa subscriptione quam universi  
*Proceres* Decreto electionis faciebant, contineri videba-  
 tur. Ita quando Leo vi 11. Pseudo-Pontifex iterum fuit  
 a Populo Romano in Urbem & Apostolicam Sedem sus-  
 ceptus, solemne sacramentum super B. Petri corpus a  
 Romanis recepit, testantibus Petro Bibliothecario in vita  
 Joann. x 11. apud Papebrochium, Chronographo Farfensi,  
 & Auctore Pontificii Catalogi, quem ex Codice Casana-  
 tensi supra laudavimus, cujus excerpta dabimus in no-  
 stra Appendice Monumentorum. Imperatorum autem  
 devotio seu *Fidelitas* erga Romanam Ecclesiam ex ipsius-  
 met Dignitatis officio descendit, utpote quæ ad tuen-  
 dam Ecclesiam erat unice instituta. Patriciatus etiam  
 collatio, in cujus locum Imperiale nomen successit, non  
 nisi certis conditionibus & pactis ab utraque parte ser-  
 vandis, haudquaquam fiebat, ut supra ratiocinabamur  
 (c). Ideoque Carolus Magnus Leoni 111. scribebat, quod  
 „ sicut cum Beatissimo prædecessore vestræ sanctæ Pater-  
 „ nitatis pactum inii, sic cum Beatitudine vestra ejusdem  
 „ fidei & charitatis inviolabile socius statuere desidero :  
 „ quatenus sanctissimæ Romanæ Ecclesiæ sedes Deo do-  
 „ nante, nostra semper devotione defendatur. Nostrum  
 „ est secundum auxilium Divinæ pietatis, sanctam ubique  
 „ Christi Ecclesiam ab incurso Paganorum, & ab Infide-  
 „ lium devastatione armis defendere foris, & iatus Catho-  
 „ licæ Fidei agnitione munire (a). „

Solemne

(a) Lib. Pontific. in Bened. 111. f. 559.

(b) Ibidem f. 558.

(c) In Propylæo ad Alt. SS. Maji p. 160. Paris.

(d) Cap. 17. num. 2. & 4.

(e) Concil. Tom. vii. pag. 1138. Edit.

# BENEDICTI III PONT. MAX. 145

Solemne jurisjurandi sacramentum quo Otto Magnus, antequam Imperiali coronam a Joanne XI. redimeretur, S. Petro & Romanæ Ecclesiæ sese obligavit, Decreto suo inseruit Gratianus (a). Eandem formulam [quibusdam tantum mutatis] legi in Casanicensi sepe laudato Codice, quam in nostra Appendice dabimus, ut inde appareat, quæ fide Imperatores Romanæ Ecclesiæ se obstringi non dubitarent. Alia hujusmodi formula existat in Ordine Romano Jacobi Cardinalis Guetani (b).

XVII. Aliud etiam sacramentum Imperatori a Romano Populo præstabitur. Et de eo Theganus, ubi de Stephano IV., qui statim postquam Pontificatus suscepit, iussit omnem Populum Romanum Fidelitatem cum Juramento promittere Ludewico (c). Contigit autem sub Sergio II. quod, quum Hludovicus Hlotharii Imperatoris filius Italici Regni coronam suscepturus Romam advenisset, a nonnullis Teutonicis qui cum eo erant peteretur, ut Romani eidem Regi Fidelitatem præstarent; sed hoc prudentissimus Pontifex [Sergius] nequaquam concessit, sed sic illis orsus est: Quia si vultis Domino Lothario magno Imperatori sacramentum ut faciant, solummodo consentio atque permitto. Nam Ludovico ejus filio ut hoc peragatur, nec ego nec omnis Romanorum Nobilitas consentit. Tunc demum tam beatissimus Pontifex, quam magnus Rex, & omnes Archiepiscopi & Episcopi, stantibus reliquis sacerdotibus & Romanorum ac Francorum Optimatibus Fidelitatem Lothario magno Imp. semper Aug. promiserunt (d). Hujusmodi Fidelitatem & Carolomanno, & Ottoni I. Romanos præbuisse legimus, traditque Eutropius presbyter supra laudatus

T Pro-

(a) Dist. 63. cap. 1. Tibi Domino.

(b) Apud Mabillon. Musæi Italici T. XI. pag. 308. Vide & doctissimi Josephi Catalani Commentaria in Pontificale Roman. tit. 20. §. 4. T. I. pag. 379.

(c) Theganus cap. 16 de Ge. Ludovici Pri. Apud Du-Chet. Hist. France. Serp. T. XI. pag. 278.

(d) Liber Pontificalis in Sergio II. fest. 437.



## 146 DE NUMMO ARGENTEO

*Proceres Romanorum, & omne vulgus pariter cum his* (a) eandem *Fidelitatem* & Carolo Magno, & Hludovico Pio, & Hlothario Auggg. promississe (b). Et hoc plane sensu Romanos Imperatoribus suis *Fideles* sæpe sæpius se compellasse legimus. Hujusmodi Fidelitatis formula quæ Arnulpho Imperatori A. 894 a Populo Romano præstita fuit, legitur in continuatione Fuldensium Annalium ad A. 895 (c) his verbis: *Iuro &c. quod salvo honore & Lege mea atque Fidelitate Domni Formosi Pape, fidelis sum & ero omnibus diebus vite mea Arnulpho Imperatori &c.* Quod autem hoc *Fidelitatis* nomine præcipua quædam Advocatiæ jura continerentur, quæ Imperatoribus Romani Pontifices ultro obtulerant, pluribus exsequitur strenuus Apostolicæ Sedis vindex Justus Fontaninus (d). Præcipue tamen versabatur hujusmodi *Advocatiæ & Fidelitatis* circa electionem Pontificis, quam Canonice se facturos Romani promittebant, & circa ejus consecrationem sine Imperatoris consensu nullatenus peragendam, prout statuit Eugenius II. (e), qui & formulam sacramenti quod Imperatori a Romano Clero erat præstandum ipse distavit. A qua consuetudine minime recessit Leo IV., ut pluribus videre est apud Pagium (f). Immo idem cautum fuit ab Ottone Imp. qui in Diplomate die 13. Febr.

(a) Vide supra cap. xv. num. 4.

(b) Apud Goldast T. I. pag. 8. *Monarchia*.

(c) Apud Duchesne. *Hist. Franc. Script.* T. II. pag. 383.

(d) *Dissert. I. de Censorio* pag. 361. 363. 369.

(e) Hoc est juramentum quod Romano Clero offerret Eugenius PP. facere imperavit. Promitto ego Ill. &c. quod ab hac die *Fidelis* ero Dominis vestris Impp. &c. *salva fide quam repromissi Domino Apostolico*, & quod non consentiam ut aliter in hac Sede Romana fiat electio Pon-

tificis nisi canonice &c. Et ille qui electus fuerit, me consentiente, consecratus Pontifex non fiat, priusquam tale sacramentum faciat in presentia Missi Domini Imp. & populi, cum juramento quasi Dominus Eugenius PP. sponte pro conservatione omnium factum, habet perscriptum. Ex suppl. ad *Hist. Langob. Pauli Diae.* Et confirmatur ex Diplom. Ottonis I. & Henr. ci I. apud Baron. A. 962. num. 8. & A. 1014. n. 7. Pagius in Eugenio II. num. 4.

(f) Pagius in *Critic. Baron. ad A. 847 n. 8. & seqq.*

# BENEDICTI III PONT. MAX. 147

13 Febr. A. 962 Romanæ Ecclesiæ concessio, decrevit : *Ut omnis Clerus, & universa populi Romani Nobilitas, propter diversas necessitates Pontificum, irrationabiles erga Populum sibi subiectum asperitates revocandas. Sacramento se obligent, quatenus futura Pontificum electio canonice & iuste fiat, & ille qui ad hoc sanctum Apostolicum Ministerium eligitur, nemine consentiente consecratus fiat Pontifex, prorsusquam talem in presentia Missorum nostrorum vel filii nostri seu universa generalitatis faciat promissionem pro omnium satisfactione, qualem Dominus & venerandus spiritalis Pater noster Leo sponte fecisse dignoscitur : quod iisdem ferme verbis confirmavit Henricus I. in alio Diplomate Romanæ Ecclesiæ concessio (a). Hinc autem apparet, quod non tantum Populus, sed & electus Pontifex tali sacramento fidelitatis erga Imperatorem se obligarent. Id optime declarat Synodus Romana sub Joanne IX. coacta, ubi decernitur, ut nullus sine periculo juramentum vel promissiones aliquas nova adinventione ab [electo Pontifice] audeat extorquere, nisi qua antiqua exigit consuetudo, ne Ecclesia scandalizetur, vel Imperatoris munificentia minuat (b); ideoque in Pseudo-Synodo Lateranensi, præ ceteris quæ Benedicto V. PP. obiecta fuere, hæc commemorat Liutprandus dicta fuisse : Num inficiari potes presenti Domino Imperatori juramento promississe, nunquam te cum ceteris Romanis Papam electurum aut ordinaturum absque illius filiique sui Regis Ottonis consensu (c) ? Quod intelligendum videtur de juramento, quod fortasse præstiterat in electione Leonis VIII. Pseudo-Pontificis A. 963. celebrata.*

Nihil igitur obstat, quominus sub illius *Manns* symbolo, quod in Nummis Benedicti III. & Joannis Romm.

T 2

Pon-

(a) Baron. ad A. 1014. num. 7.

(b) Can. 2. Conc. T. 21. p. 703. Ed. Ven.

(c) Liutprand. *Hist. lib. 4. c. 11.*

## 148 DE NUMMO ARGENTEO

Pontificum conspicimus, sacramentum aliquod Fidelitatis designari arbitremur, quod Populus Romanus Pontifici aut Imperatori, vel Imperator & Pontifex sibi invicem aut Romano Populo præstiterint.

XVIII. Quoad Nummum vero Joannis PP., alia etiam peculiaris ratio adesse poterat, ut Manus in illo pro sacramenti symbolo effingeretur. Si enim Joanni XII. Nummus tribuatur, tunc ad juramentum per quod Ottoni Magno promisit se nunquam Adelberto & Berengario fauturum, referri etiam poterit (a). Cl. autem Vignolius in ea fuit sententia ut Nummus prædictus a Joanne XII. potius cusus fuerit; quod ego plane incertum judico. Tres enim tantum habemus Nummos Joannis Pontificis & Ottonis Imp. nominibus insignitos: In eorum altero visitur Imperatoris Protome cum inscriptione *OTTO IMPERATO.* ex alia parte *DOM. JOANES PAPA* (b). In alio Manus expansa cum inscriptione *SCS. PETRVS.* in postica *DOM. JOHA. PAPA. OTTO* (c). In tertio quem nunc evulgamus n. 14. Tabulæ nostræ ex una parte legitur *SCS. PETRVS.* ex alia *JOHS PAPA OTTO.* Primum Nummum Vignolius Joanni XII. & Ottoni I. assignavit, alterum Joanni XII. & Ottoni II.; sed meo quidem judicio, nulla penitus ratione: nam & aliis Pontificibus, qui Joannis nomen prætulerunt sub tribus Ottonibus, æque tribui possunt. Suspiciatur tamen Vignolius in posteriori Nummo Ottonem II. designari, eo quod ejus nomen sine titulo

(a) Regio in Chron. ad A. 953., Papa  
 „ [Joannes] multa illum [Ottonem] secum  
 „ charitate deduxit, & diebus vitæ suæ  
 „ nunquam ab eo se defecturam promissit:  
*Luitprandus Tiesin. Hist. lib. 6. cap. 8.*  
 „ Interea præfatus Papa Juramenti & pro-  
 „ missionis oblitus quam fecerat pio Impe-

„ ratori, ad Adelbertum ac se adeat mitit  
 „ jurjurando ei affirmans, se illum contra  
 „ sanctissimi Imperatoris potentiam adjuro-  
 „ rum „.

(b) Vignol. loc. cit. pag. 73.

(c) Idem loc. cit. pag. 80.

# BENEDICTI II PONT. MAX. 149

tulo Imperatoris ibi legatur, forte quia Patre vivente, vel ob reverentiam, vel quia ad Imperii consortium non fuerat adscitus, saltem in Actis publicis Imperatoris titulum non usurparit. Sed ego hisce argumentis haudquaquam satisfactos iri viros doctos arbitror. Primò enim non est Vignolio concedendum, Ottonem II. ad verum Imperii consortium adscitum non fuisse. Refert enim Hildeheimense Chronicon, ipsum a Joanne XII. Augustalem benedictionem recepisse, ut Imp. Augustus foret appellatus a cunctis qui eum agnovissent, veluti Pater ejus: proindeque nihil frequentius in Actis publicis & in ipsius met Ottonis Magni Diplomatis occurrit, quam amborum Impp. nomina. Deinde causa, ob quam IMP. titulus in eo Nummo non apparet, est loci angustia, quæ trium Literarum elementa capere non valebat. Nec diffitetur quidem Vignolius, Nummum Leonis VII. Pseudo-Pontificis sub Ottone Magno fuisse percussum; attamen in eo legimus LEONI PAP. OTTO (a) nullo addito IMP. titulo, sicut & in alio Benedicti Papæ SCS PETRVS OTTO, & in alio Joannis quod in nostra Tab. num. 14. exhibetur JOHS PAPA OTTO. In nonnullis etiam Italicarum Civitatum Nummis, quæ Monetæ cudendæ privilegium ab Ottone Imp. obtinuerant, nudum Principis nomen legitur nullo addito IMP. titulo (k). Quamobrem nulla suppetit ratio, cujus causa Nummus ille Joannis Pontificis, in quo Manus expansa & erecta exhibetur, Ottoni II. potius quam I. vel III. tribuatur, ideoque nec Joanni XII. tutò assignari poterit, sed alteri cuilibet, qui Apostolicam Cathedram Ottonibus imperantibus tenuerit.

Hæc omnia fusiori forsan oratione persequuti sumus,

(a) Apud Vignol. loc. cit. pag. 27.

(d) Idem pag. 23.

(c) Apud Muratorium Antiqu. Italic. med. ævi T. II. Dissert. XXVII.

# 150 DE NUMMO ARGENTEO

mus, ut ceteros etiam Benedicti III. Nummos in tanti Pontificis memoriam pro virili parte illustraremus, quidve sentiendum tum de Protome, tum de Manu erecta & expansa, quæ in medio illius Nummo conspiciuntur, sententiam nostram explanaremus.

## CAMEVM ANVLARE ANTIQVVM ALBI ET NIGRICOLORIS

*Quod exstat Roma in Museo Victorio.*



ADMO.

## A D M O N I T I O

IN TABULAM SEQUEMTEM.

**P**RO totius Operis coronide visum est hoc loco sub-  
 jicere Tabulam Nummorum, quos in nostra Disser-  
 tatione præcipue laudavimus, & quibus ad illustratio-  
 nem propositi argumenti maxime usi sumus. Eo autem  
 potissimum consilio ad illos evulgandos animum adje-  
 cimus, quod magna ex parte in lucem nondum prodiiis-  
 sent. Horum copiam mihi præbuerunt ex Museo Xave-  
 rii Scyllæ, doctissimi æque ac humanissimi viri Josephus  
 Simon Assemanus, Joannes Bottarius, & Petrus Fran-  
 ciscus Fogginius Vaticanæ Bibliothecæ Præfeti, ubi  
 Museum prædictum servatur. Quum enim Xaverius Scyl-  
 la natione Messanenensis, mirifico harum rerum amore  
 captus, amplissimam omnium quotquot hæcenus colle-  
 ctæ fuerint Nummorum Pontificiorum supellectilem,  
 ab Hadriano I. ad Clementem XI. perductam, sibi com-  
 parasset, eo vita functo deperdita aut distracta penitus  
 fuisset, nisi solertissima diligentia Eminentissimi Cardin-  
 alis Dominici Passionei, cui quantum debeat Littera-  
 ria Respublica nemo ignorat, hisce Cimeliis prudentis-  
 sime providisset. Is enim, ut est plane ad fovendas Lit-  
 teras natus, ad BENEDICTUM XIV. P. M., bonarum  
 artium cultorem optimum, rem omnem retulit: qui  
 pro ea qua pollet munificentia in omnia præsertim An-  
 tiquitatis Monumenta Museum prædictum in Vaticana  
 Bibliotheca ad æternam memoriam, & Apostolicæ Se-  
 dis ornamentum collocari præcepit; cui pro hoc illu-  
 stri beneficio innumerisque aliis gratias habent universi  
 Rei Antiquariæ amatores. Summum enim ejus studium  
 erga

## 152 DE NUMMO ARGENTEO

et ga vetera Monumenta præcipue enitet, dum Lateranensis Triclinii & Oratorii S. Nicolai memoriam restituit, Vaticanam Bibliothecam nova Carpinei Musei & Orthobonianæ jam Altempsianæ Bibliothecæ accessione locupletavit, Obeliscum Deo Soli ab Augusto in Campo Martio dicatum è terræ visceribus eruit, & Capitolinum denique Museum [immortale Clementis XI. Opus] adeo ampliavit, ut Signorum excellentia, & Inscriptionum raritate, cetera omnia totius Orbis longe superaverit.

I. Sed ut ad subjectæ Tabulæ explicationem veniamus, primo loco in ea repræsentavimus Nummum rarissimum Hadriani I., ubi Pontificalis Protome conspicitur Clericali Corona insignita, media inter litteras I B, cum Inscriptione HADRIANUS PAP.: In adversa parte Crux litteras R M interfecans cum Inscriptione VICTOR. X. DNN, in Exergo CONOB. Simillimus est hic Nummus alteri ejusdem Hadriani per Benedictum Floravantem jam edito (a) paucis tantum exceptis. Ambo autem Græcanicum artificium & formam redolent. Quum enim Romani nulla alia ad eam usque ætatem moneta usi fuissent quam Imperiali, tunc quum nova a Pontificibus jam Principatum adeptis cudi coepit, nil proclivius fuit quam illius rationem & formam plane imitari; eo tum maxime, quod Græcis Artificibus Romani præcipue uterentur; ex quo factum est, ut figuræ quæ in pluribus Musivis aliisve Monumentis adhuc conspiciuntur, Græcanico sæpe habitu & forma repræsentatæ fuerint (b). Proindeque Crux in nostro Nummo exhibetur, quæ frequentissime etiam in Orientalium Impp.

(a) *Antiquier. Rom. Pontif. Denarii* Jo. Vignolii, additis curis Bened. Floravantis. Roma 1724. pag. 1.

(b) *Georgius Valsarius Vita de Tit-*

*tori. Tom. I. pag. 122. Ciampini Vet. Numm. Par. 1. pag. 84. & Par. 11. pag. 101. &c. Videndus Leo Ostiensis Chronica Cæsaren. lib. 3. cap. 29. &c.*

Imp. Nummis occurrit cum inscriptione VICTORIA AUGUSTORUM &c. eo quod ipsi omnes suas Victorias salutaris Signi virtuti adscriberent; Constantini Magni exemplum sequuti, qui Cruce in Cælo visa cum litteris EN TOTTONIKA, eaque in Labaris & Signis militaribus inscripta, omnes feliciter hostes superavit, & pacem ac tranquillitatem Romano Imperio restituit. Quapropter propriam continuè statuat in gratiarum actionem Romæ in celebri loco dedicari præcepit, addita eidem hasta formam Crucis præferente cum Inscriptione: *Hæc salutare Signo, vero fortitudinis indicio Civitatem [Romanam] Tyrannidis jugo libera vi. & S. P. Q. R. in libertatem vindicans, pristina amplitudini & splendori restitui* (a). Ex quo deinde pientissimi Imperatores Crucem in suis Nummis sæpissime signari voluerunt, & hisce aliisve hujusmodi titulis ornavit: GLORIA ROMANORVM, GLORIA EXERCITVS, REST. REIP., BONO REIP., SALVS MVNDI, LVX MVNDI, VIRT. PRINC., VICTORIA AVG. &c. In Francorum & Italicorum Nummis sæpe etiam Typus Crucis conspicitur, vel in Nummi area, vel in ædícula aut Templo quodam inclusa cum inscriptione CHRISTIANA RELIGIO (b), & a Carolo Calvo jam sancitum fuerat, ut in Denariis suæ Monetæ Crux semper insculperetur (c). Summa enim religione hujusmodi Nummi habebantur, quemadmodum S. Genovefæ Parisiensis exemplum declarat, quæ Nummum aureum titulo Crucis insignem, quem Dominus Antiochenus Germanus in signum Sponsalitorum cum Christo loco arrharum collo ejus suspenderat, omnibus præposuit delictis, omnibus divitiis antecessit (d). Exstant præterea Nummi Grimoaldi

V di

(a) Eusebius in vita Constantini lib. 1. seqq. (c) Vide supra num. 12. cap. 5. cap. 31.

(b) Apud Leblancum Traité historique des Monnoyes de France pag. 92. 100. & (d) Steph. Tornæensis p. 1. 161. Licet confirmat verus Auctor vitæ S. Genovefæ.



# 154 DE NUMMO ARGENTEO

di Principis Beneventani, in quibus Crux conspicitur cum litteris S. R. vel S. G., vel S. R. VIC., quas cl. Muratorius optime interpretatur *Salus Regni, Salus Christianorum*, & *Sacra Religionis Victoria* (a), & in Nummo Neapolitano S. T. *Salutis Trophaeum* (b). Simili quoque ratione Hadriani I. Nummos cusos fuisse arbitror, ut nempe Inscriptio illa VICTORIA DNN in Nummo Floravantis expressa, ad Crucem & ad Christum ipsum sit referenda, non ad Imperatores, veluti Urbis Dominos, quemadmodum arbitratus est cl. Muratorius (c). Hic enim quem nunc evulgamus Hadriani Nummus rem plane in aperto ponit, quum in eo clare legatur VICTOR X DNN, hoc est *Victoria Christi Domini Nostri*, X nempe Graeca adhibita tanquam initiali nominis Christi Domini (d); unde in celebri Numismate Crispi Caesaris Christus ipse representatur cum Inscriptioe SALUS ET SPES X REIP. (e).

Benedictus Floravantes duplicem litteram N per errorem in Nummo ipso signatam fuisse arbitratur. Quum tamen nulla ibi interpunctio appareat, eas litteras com node sic distingui posse existimo, ut VICTORIAM Christi Domini Nostri designent, more sat frequenti ut Domini vel Domini titulus per litteras DN significaretur. Aliqua nonnunquam sphalmata in Nummis inferioris aevi reperiri haud nego, quum praesertim defunctorum jam Imperatorum Typos novi monetarii non semel retinerent, prout in Nummis Baduila & Teje Ostrogothorum Regum evenisse observat Jo. Georgius Eckhartus (f). Idem fortasse contigit quoque in Siglis illis CONOB, quae

(a) *Antiq. Ital. med. aevi* Tom. 11. pag. 618.

(b) *Ibidem* pag. 621.

(c) Muratorius *loc. cit.* pag. 548.

(d) Consul, cl. Eques Franciscus Viduo-

rius *Nummus arcus veter. Christian. Par.* 11. cap. 11.

(e) Vide supra pag. 118.

(f) De Nummis sub Theodorico percussis. Eos Nummos refert etiam Bandarius. T. 11. pag. 612.

quæ in nostris Nummis Hadriani I. nonnullisque aliis argenteis inferioris ævi leguntur; ex siquidem pro CONV. flata OBryzo moneta indicanda a doctissimis viris interpretantur (a); quod nequaquam argenteis Nummis convenire potest, nisi ad hanc monetariorum incuriam confugiamus. Alium quoque Nummum argenteum tertiæ formæ, sed aliqua tantum sui parte auro commixtum cum litteris COMOB me olim observasse memini in præclarissimo Museo Hannibalis Oliverii Patritii Pifaurensis, viri Rerum Antiquarum peritissimi, cujus & eruditionem & amicitiam summopere colo & observo. Similemque auro & argento mixtum Iulini Imp. Nummum cum Siglis CONOB. exhibet Bandurius (b).

De litteris RM consulantur quæ supra num. XI. Capitulis v. innuimus.

Siglas I B pro Anno Pontificatus XII. Græca ratione designato interpretatur Floravantes. Eadem litteræ observari possunt in quibusdam Justiniani Nummis apud Bandurium (c), quos velut Alexandriæ cufos cl. Cangius pro S. Joannis Baptiste nomine indicando, in cujus honorem Princeps Ecclesia dedicata erat, ita signatos fuisse credidit (d). Justinianus certe ad Annos Imperii designandos Latinis Notis numeralibus utebatur, non Græcis elementis.

2. Sequitur altera pars Nummi Leonis IV. a Vignolio jam edita (e), sed ad Archetypi fidem haud exacte. Ibi enim potius IOannes PAPA legendum videretur.

3. Nummus est Sergii II. ineditus cum Inscriptione SCS PETRUS, & in medio ipsius SERGII nomen,

V 2

litte-

(a) Vaillant pag. 360. T. I. Mémoires de l'Acad. Royale des Bell. Lettr. a la Haye. Josephus Baro de Rimard pag. 182. T. III. Saggi di Dissertazioni dell'Accademia di Cortona.

(b) Numism. T. I. pag. 616.

(c) T. III. pag. 611. Op. 642.

(d) Cangius in Dissert. de infer. avi Numism. num. 30.

(e) Pag. 35.

## 156 DE NUMMO ARGENTEO

litteris rudi artificio formatis, velut ea sæcula ferebant. In Italicis (a), Francicis (b), & Septentrionalibus (c) Nummis hujusmodi characteres varie deformati nonnunquam apparent. Ex alia parte legitur in gyro HLOTHARIUS IMP. & in medio solitum Monogramma PIUS. Hunc porro Nummum supra memoravimus pag. 109.

4. 5. In quarto Nummum legimus SCS PETRUS. ROMA: In altera parte SERGII. PA. cum Protome quadam. Quintus habet S. Petri imaginem quam supra explicavimus num. VII. cap. v. cum litteris S. PETR. In altera parte ROMA, in medio SERG. Ambo igitur spectant ad Sergium Papam, & fortasse ad hujus nominis Tertium; siquidem Secundus eo vixit tempore, quo major vigeat Pontificum erga Imperatores observantia, proindeque eorum nomen in Nummis suis inscribi non negligebatur. Hæc tamen Imperialis nominis Inscriptio ex sola Pontificum voluntate pendeat, ut præter ea quæ num. II. & seqq. cap. IV. adduximus, optime declarant hi duo Sergii PP. Nummi, in quorum nullo Imperatoris nomen legitur. Quod si ad Sergium II. referantur, ille sub Hlothario Imp., si ad III., hic sub Hlodovico III. Pontificalem Cathedram tenuit. Ideoque nullus eorum excusari poterat a signando in suis Nummis Imperatoris nomine, si jure Imperii & in argumentum supremæ Imperialis in Urbem potestatis insculpi debuisset, ut Adversarii contendunt.

6. 7. Nummos sextum & septimum Benedicti III. jam fusius commentati sumus toto superiore cap. v.

8. 9. Nummi ad Hadrianum II. pertinent, in quibus peculiarem sui Monogrammati formam habemus, & ab

(a) Apud Murator. loc. cit. Dissert.

(b) Apud Leblancum loc. cit.

(c) Apud Hickelium in Thes. Lingu. Septentr. T. III.

# BENEDICTI III PONT. MAX. 157

& ab edito (a) alio diversam . In octavo legitur .... ICUS MP. & in medio ROMA . Ex alia parte SCS. PETRUS , cum ipsius Hadriani Monogrammate . In altero item Nummo *num. 9* legitur LUDOWICUS MP, ex alia parte SCS. PETRUS : In medio litteræ ADRIAN simul implicitæ . Hos Nummos supra memoravimus *pag. 115*.

10. Nummus est Joannis VIII. , peculiarem sui Monogrammatæ formam exhibens ex implicitis J.O.H.A. N.E.S. litteris constans : in gyro SCS PETRUS . Ex altera parte LUDOWICUS IMP. in medio ROMA . Vide quæ supra diximus *pag. 115*.

11. Lamberti Imperatoris nomen præferret cum inscriptione . . . ANTUERT : in medio visitur Monogramma Joannis IX. Papæ JOHANNES , eadem forma qua & a Joanne VIII. usurpatum fuit . In adversa parte adest Pontificalis Protome cum litteris SCS PETRU . Hunc Nummum jam a Vignolio , Floravante (b) & Muratorio (c) editum , exactissime ex Autographo Scyllano hic delineari curavimus .

12. Nummus ad Joannem aliquem Pontificem spectare videtur ; siquidem in Monogrammate hæc tantum litteræ apparent I.O. P.A. nempe *Joannes Papa* : in gyro SCS. PETRUS . In adversa autem parte exhibetur Imperialis figura , veste gemmata , coronam in capite gestans , gladium dextra erigens , & læva manu hastæ innixa . Quisnam Imperator hoc Typo designari possit divinare non libet , quum ab A. 872 usque ad 1033 duodecim Pontifices *Joannis* nomine sub diversis Imperatoribus Romanam rexerint Ecclesiam . Alium Nummum edidit Leblancus Romæ cusum , in quo Caroli Imp. figura exhibetur , simili veste gemmata , & ad talos usque demissa

(a) Apud Vignol. *loc. cit. pag. 42.* (b) *Loc. cit. pag. 56.*

(c) *Loc. cit. pag. 350.*

# 158 DE NUMMO ARGENTEO

demissa, gladio, hasta, & corona insignis (a). Carolum Magnum ibi repræsentatum fuisse existimavit, sed quo fundamento, prorsus me nescire fateor: quin immo eam talaris Vestis formam quæ in prædicto Nummo conspicitur, Caroli Magni imaginibus minime convenire arbitror. In Musivis Triclinii Lateranensis & Ecclesiæ S. Susepianæ Chlamyde [quæ vestis est lævum humerum tegens, & supra dextrum infibulata, ejus brachio inde exerto] induitur, quam *Pallium quadrangulum* vocat Monachus Sangallensis (b). Hac eadem veste ornatum conspicimus Hlotharium Imperatorem, & Carolum Calvum Regem Francorum in quorundam Codicum Picturis a Baluzio editis (c), eandemque gestasse etiam Hludovicum Pium scribit Theganus his verbis: *Nihil [in Festis solemnioribus] præter camisiam & feminalia nisi cum auro texta, lembo aureo, baltheo præcinctus & ense auro fulgente, ocreas aureas, & CHLAMYDEM AVRO TEXTAM & Coronam auream auro fulgentem in capite gestans, & baculum aureum in manu tenens* (d): Witickindus item de Conrado I. scribit: *sumptis his insignis LANCEA SACRA, armillis aureis, cum CHLAMYDE, & VETERVM GLADIO REGVM* it ad Henricum (e). Primus Carolus Calvus decessorum suorum habitum mutavit. Refert enim Fuldensis Annalista, quod *Karolus Rex de Italia in Galliam rediens novus & infelitos habitus assumpsisse perhibetur. Nam TALARI DALMATICA indutus, & baltheo desuper accinctus pendente usque ad pedes, nec non capite intuluto serico velamine ac diademate desuper imposito, Dominicis & festis diebus*

(a) Editus etiam fuit a Vignolio *loc. cit.* pag. 19. & a Muratorio *loc. cit.* pag. 344.

(b) *Lib. 1. cap. 36.* apud Du-Chesn. *hist. Franc. Script.* T. 11. pag. 121.

(c) *Capitular. Reg. Francor. Tom. 11. pag. 1275. &c.*

(d) Theganus *cap. 19. inter Script. Franc. Du-Chesnii T. 11. pag. 279.* Idem confirmant *Anales Metenses ad A. 837. Ibidem pag. 300.*

(e) *Annal. Lib. 1. Edit. in T. 1. Script. German. Meibomii.*

bus ad Ecclesiam procedere solebat. Omnem enim consuetudinem Regum Francorum contemnens GRÆCAS GLORIAS optimas arbitrabatur (a). Et Græcorum quidem propriæ erant talares vestes, eæque gemmatæ, ut videre est apud Cangium in tabulis præfixis suæ Dissertationi *de inferioris ævi Numismatibus*. Fortasse in nostro & in Leblanci Nummo ipse Carolus Calvus repræsentatur, qui a Joanne VII I. P.M. Imperator factus est; quod tamen non affirmantis sed conjicientis & suspicantis in modum, a me dictum volo. *Hastam* vel *Lanceam* appello eam, cui in prædictis Nummis innixus exhibetur Imperator. Vignolius & Fontaninius *Vexillum* Romanæ Urbis eo signo repræsentari existimant (b), quod Imperatoribus in Patriciatus & Advocatiæ symbolum concedebant Romani Pontifices; (c) eamque ob causam Imperatoris imagini in prædictis Nummis signatæ optime convenire videbatur. Attamen earet in iisdem solito velo in aera expanso & volitante, ut in Musæo Lateranensis Triclinii & alibi conspicitur, nisi & ejus omissionem monetariorum ruditati tribuere velimus. Sed meo quidem judicio aut *Lanceæ* aut *Hastæ* figuram præferebat, quarum utraque Francorum Regum ornamentum erat, velut ex adducto Witichindi loco, aliisque argumentis a cl. Cangio, & a Chronico Gotwicensis Auctore adductis, colligi potest (d).

*Gladius* inter Regalia & Imperialia simul Insignia numerabatur. Consulendi omnino sunt doctissimi Cangius, (e) Catalanus (f), & prædictus Chronico Gotwicensis Auctor (g). Paschasius in vita Walæ Corbejenfis Hlotharium

(a) Annal. Fuldenf. ad A. 876. apud Du-Chesnelum T. I. pag. 569.

(b) Vignolius loc. cit. pag. 20. Fontaninius *Dissert. de Comitibus* pag. 24.

(c) Cangius *Dissert. de Joinvillam*, & in *Glossar. Catalanus in Comment. ad Pont. Rom. T. I. tit. 24.*

(d) Cangius in *Glossario*. Chronicon Gotwicense T. I. pag. 108. & seqq.

(e) Cangius in *Glossario* v. *Gladius* *Spatha*. *Ensis* &c.

(f) Catalanus in *Pontifical. Roman.*  
(g) Chronicon Gotwicense passim.

## 160 DE NUMMO ARGENTEO

rium Imp. ita cum Hludovico ejus patre loquentem inducit: *coram S. Altare & coram S. corpore B. Petri Apostolorum Principis a summo Pontifice, vestro ex consensu & voluntate, honorem & nomen suscepi Imperialis officii, insuper diadema capitis & GLADIVM ad defensionem ipsius Ecclesie & Imperii vestri* (a). Sergius 11. PP. Hludovicum Hlotharii filium in Regem Langobardorum coronans ei *REGALEM* tribuens *GLADIVM*, illum subcingere iussit (b).


13. Nummus ex una parte S. Petri nomen habet *SCS PETRUS*, in medio *ROMA*; ex altera *BERNEGARIUS HP*, & in medio *Joannis* Papæ X. Monogramma, qui A. 916 Berengarium Imperiali diademate coronavit. In alio etiam ejusdem Nummo apud Vignolium (c) *BERNEGARIUS* reperitur.

14. Nummus sub Joanne Papa & Ottone Imp. percussus altera sui parte S. Petri nomen exhibet *SCS PETRUS*, & in medio orbiculo *ROA*, quibus litteris *Roma Urbs* designatur, ut supra jam diximus pag. 133. Ex altera parte legitur *JOHS PAPA OTTO*. Vide p. 89. 148.

15. Nummus nullo Pontificis nomine, aut alio chronico caractere notatur; eo quod vel Sede vacante, vel absente Pontifice, vel a Romanis ipsis fuerit fortasse cusus. In antica ejus parte conspicuus quidam vultus apparet, an S. Petri vel potius Christi Domini celebrem aliquam ipsius Icona representans, cum inscriptione *SANCTUS PETRUS*; in poetica binæ claves, Cruce intermedia cum eadem inscriptione *SANCTUS PETRUS*.

## APPEN-

- (a) *Lib. 11. num. xvi. cap. 3. apud Mabillon. sec. 11. Bened. Par. 1. pag. 512.* Quod Gladius Imperialis de corpore S. Petri iuretur vide in Ordine Romano Jac. Ca'etani apud Mabillon. *Anf. Ital.* T. 2. pag. 402. Bullarium Basil. Vaticanæ T. 1. pag. 517. 550. 552. & 554.  
(b) Lib. Pontifical. in Sergio 11. fest. 486.  
(c) Apud Vignol. loc. cit. pag. 85.





17  
18  
19

(10)

(10)

(10) 1000

# A P P E N D I X

## VETERUM MONUMENTORUM

*Qua in superiore Dissertatione precipue laudantur.*

### I.

*Catalogus ineditus Romanorum Pontificum sub Nicolao I.  
confectus, de quo supra pag. 54.*

*Ex Codice membranaceo IX. seculi insignis Biblioth. Vallicellanae, signato litt. A. num. 5., formae quadratae, cui titulus:*  
HABETUR PRÆFATIO CRESCONII DE CONCORDIA CANONUM (a). ITEM CONCORDIA CANONUM CONCILIORUM INFRASCRIPTORUM ET PRÆSULUM ROMANORUM (b), IDEST CANONUM APOSTOLORUM, NICENORUM, ANCYRANORUM, NOVÆCÆSARIENSIVM, CANGRENSIVM, ANTIOCHENSIVM, LAODICENSIVM, CHALCEDONENSIVM, SARDICENSIVM, CARTHAGINENSIVM. ITEM PRÆSULUM SIRICII, INNOCENTII, ZOSIMI, CELESTINI, LEONIS, ET GELASII. EXPLICIT ANNOTATIO CANONUM SCORUM PATRUM.

pag. 10.

### IN NOMINE DOMINI

Incipiunt Nomina Episcoporum qui fuerunt in S. R. E.  
per ordinem.

I.

**D**omnus Petrus (c) sedit annos xxv. menses II. dies VIIII.

II.

Linus sedit annos xv. menses III. dies XII.

X

III. Cle-

(a) Vide Bibliothecam Juris Canonici Veteris Guill. Voellii & Henrici Justelli T. I. pag. 146.

(b) Nempe Dionysii Exigui Collectio

quæ exstat in ead. Bibliotheca Juris Canonici T. I. pag. 101.

(c) De Domini vel Domini titulo qui ipsi Sanctis tribuebatur plura Cangius in Gloss.

# 162 DE NUMMO ARGENTEO

III.	Cletus sedit annos xii. menses i. dies xi.
IV.	Clemens sedit annos ix. menses ii. dies x.
V.	Aneclitus annos xii. menses x. dies vi.
VI.	Evarestus annos xii. menses vii. dies ii.
VII.	Alexander annos x. menses vii. dies ii.
VIII.	Xyllus annos x. menses iii. dies xxi.
IX.	Telephor annos xi. menses iii. dies xxii.
X.	Yginus annos iv. menses ii. dies viii.
XI.	(a) Anicetus annos ix. menses iii. dies iii.
XII.	Pius annos xi. menses iii. dies xxi.
XIII.	Sother annos ix. menses iii.
XIV.	Eleuther annos xv. menses vi. dies v.
XV.	Victor annos x. menses ii. dies x.
XVI.	Zepherinus annos xvii. menses ii. dies x.
XVII.	Callistus annos v. menses ii. dies x.
XVIII.	Urbanus annos viii. menses xi. dies xii.
XIX.	(b) Antheros mense i. dies xv.
XX.	Pontianus annos v. menses ii.
XXI.	Favianus annos xii. mense i. dies x.
XXII.	Cornelius annos ii. dies x.
XXIII.	Lucius annos ii. menses ii. dies iii.
XXIV.	Stephanus annos iv. menses ii. dies xv.
XXV.	Xystus annos ii. menses xi. dies vi.
XXVI.	Dionisius [ <i>sec. curis</i> Dionysius ] annos ii. menses ii. dies vii.
XXVII.	Felix annos ii. menses x.
XXVIII.	Eutichianus [ <i>sec. curis</i> Eutychianus ] annos viii. menses x. dies iv.
XXIX.	Gajus annos xi. menses iv. dies ix.

XXX. Mar-

Glossario v. Domini, & Hugo Menarius in not. ad Concord. Regul. S. Benedicti Anian. cap. 70. In Disco veterum Chri-  
stianorum, qui a Justo Pontaninio pecu-  
liari commentario illustratus fuit, legitur  
DE DOMINI DEI ET DOMINI PATRI VITAE

FELIX COM GAUDIO.

(a) Hygino non Anicetus, sed Pius suc-  
cessit.

(b) Et hic male Antheros proponitur  
Pontiano.

# BENEDICTI III PONT. MAX. 163

XXX.	Marcellinus annos vii i. menses i. dies xxv.
XXXI.	Marcellus annos v. menses vi i. dies xxi.
XXXII.	Eusebius annos ii. mense i. dies xxv.
XXXIII.	Melchiodorus annos ii. menses vii. dies viii.
XXXIV.	Silvester annos xxi i.
XXXV.	Marcus annos ii. menses vii. dies xx.
XXXVI.	Julius annos xi. menses ii. dies vi.
XXXVII.	Liberius annos x. menses vii. dies ii.
XXXVIII.	Felix annum i. menses ii. dies ii.
XXXIX.	Damasus annos xvi i. menses ii. dies x.
XL.	Siricius annos xv. menses xi. dies xxv.
XLI.	Anastasius annos ii. dies xxvi.
XLII.	Innocentius annos xv. menses ii. dies xx.
XLIII.	Zosimus annos i. menses vii. dies xxv.
XLIV.	Bonifatius annos ii. menses vii. dies xii.
XLV.	Celestinus annos vii i. menses ii. dies ix.
XLVI.	Xystus annos vii i. dies xxiv.
XLVII.	Leo annos xxi. mensem i. dies xxvi i.
XLVIII.	Hilarius annos vi. menses ii. dies xviii.
XLIX.	Simplicius annos xv. dies vii.
L.	Felix annos vii i. menses xi. dies xvi i.
LI.	Gelasius annos iv. menses vii i. dies ix.
LII.	Anastasius annos i. menses xi. dies xxiv.
LIII.	Symmachus annos xv. menses vii. dies xxvii.
LIV.	Hormisdas annos ix. dies xvi.
LV.	Johannes annos ii. menses ix. dies xvi.
LVI.	Felix annos iv. menses ii. dies xii.
LVII.	Bonifatius annos ii. dies xxvi.
LVIII.	Johannes annos ii. menses iv. dies vi.
LIX.	Agapitus menses xi. dies xvi i.
LX.	Silverius menses ix.
LXI.	Vigilius annos xvi i. menses vi. dies xxvi.
LXII.	Pelagius annos iv. menses x. dies xvi i.

# 164 DE NUMMO ARGENTEO

- LXIII. Johannes annos xii. menses xi. dies xxvi.
- LXIV. Benedictus annos iv. mense i. dies xxviii.
- LXV. Pelagius annos x. menses i. dies x.
- LXVI. Gregorius annos xiii. menses vi. dies x.
- LXVII. Sabinianus annos i. menses v. dies ix.
- LXVIII. (a) Bonifatius menses vii. dies xiii.
- LXX. Deusdedit annos i. dies xx.
- LXXI. Bonifatius annos v. menses x. dies xi.
- LXXII. Honorius annos xii. menses xi. dies xvii.
- LXXIII. (b) Severus menses i. dies iv.
- LXXIV. (c) Johannes anno i. menses ix. dies xviii.
- LXXV. Martinus annos vi. mense i. dies xxvi.
- LXXVII. Eugenius annos i. menses ix. dies xxiv.
- LXXVIII. Vitalianus annos xiii. dies vi.
- LXXIX. Adeodatus annos iv. menses i. dies v.
- LXXX. Donus ann. i. menses v. dies x.
- LXXXI. Agatho annos i. menses vi. dies iv.
- LXXXII. Leo menses x. dies xvi.
- LXXXIII. Benedictus menses x. dies xii.
- LXXXIV. Johannes ann. i. dies ix.
- LXXXV. Conon menses xi.
- LXXXVI. Sergius annos xiii. menses viii. dies xiv.
- LXXXVII. Johannes annos i. menses i. dies xii.
- LXXXVIII. Johannes annos i. menses vii. dies xvii.
- LXXXIX. Sisinus dies xx.
- XC. Constantinus annos vii. dies xv.
- XCI. Gregorius annos xv. menses viii. dies xxiv.
- XCII. Gregorius annos x. menses viii. dies viii.
- XCIII. Zacharias annos x. menses i. dies xiv.
- XCIV. Stephanus annos v. dies xxix.

XCV. Pau-

(a) Librarij oscitantia omiffus hic fuit  
S. Bonifatius IV. qui numero LXIX. col-  
locari debebat.

(b) Qui hic Severus, in alijs Pontifi-

cis Catalogis Severianus appellatur.

(c) Septuagesimus quintus Pontifex  
Theodorus librarij oscitantia hic omif-  
sus est.

# BENEDICTI III PONT. MAX. 165

XCV.	Paulus annos x. mense I.
XCVI.	Stephanus annos I I. menses v. dies xxvii.
XCVII.	Hadrianus annos xxi I I. menses x. dies xvii.
XCVIII.	Leo annos xx. [ <i>primis curis annos x. ]</i> menses x. dies xvi.
XCIX.	Stephanus menses vii.
C.	Palchalis annos vii. dies xvi.
CI.	Eugenius annos I I. menses vii. dies xxiii.
CII.	Valentinus mense I. dies x.
CIII.	Gregorius annos xvi.
CIV.	Sergius sedit annos I I.
CV.	Leo sedit annos vii I I. menses I I. dies v.
CVI.	Benedictus sedit annos I I. menses vi. dies xi.
CVII.	Nicolaus sedit annos ix. menses vi. dies xx.
CVIII.	[ <i>Numerus Annorum, dierum, &amp; mensum Pontificatus Nicolai additus est in Codice secundis curis.</i> ]
CIX.	
CX.	

## I I.

*Excerpta ex Codice membranaceo xi. circiter seculi, Casanatenfis Bibliotheca, signat. E. 5. 27., in quo precipue continetur variorum Canonum collectio, & Romanor. Pontificum Catalogus supra memoratus pag. 46. 55. & 144.*

xii. Johann. nat. Rom. ex patre Alberico sedit A. viii [x]. mēf. iv. Iste denique Johannes infelix quod sibi pejus tota vita sua in adulterio & vanitate duxit; cujus temporibus Otto Imp. Romam veniens ab eo honorifice est susceptus. Cum quo ipse Imperator multum decertans, sed ab errore & nequitia sua nunquam potuit eum remove. Confilio namque ipse Imperator cum suis fidelibus inito iterum Romanam veniens, quatenus idem protervus & sceleratus

## 166 DE NUMMO ARGENTEO

leratus Pontifex cum suis Archiepiscopis atque Episcopis recordaret, ut a tali ac tanto scelere resipisceret. Sed ipse iniquus statim quod se suo adventu audivit Campaniam fugiens, ibique se in silvis & montibus more bestię latuit. Tunc omnis Romana uno consensu & una voluntate Clerici atque Laici rogaverunt Imperatorem, ut sanctę matris Ecclesię dignum Pontificem & pium rectorem tribueret. Facta itaque postulatio atque petitio universi populi, tale ad domno Imperatore acceperunt responsum: Eligite quid dignius sit & ego libentissime eum vobis concedam; statimque a cunctis Clericis quam Laicis electus atque expetitus est domnum Leonem virum venerabilem Protoſcriniarium summę Sedis Apostolicę, ex patre Joanne item Protoſcriniario natione Romanę regione quę vocatur Clivo Argentarii vir strenuus & omni honestate preclarus. Et consecraverunt eum Rom. Pontificem in mense Decembri in Lateranenſi Patriarchio. Qui fecit ordinationes in eodem mense presbyteros VII. Diac. II. Et sedit Ann. I. & mens. III. Et cessavit Episcopatus ejus. Ipso denique vivente iniquum consilium a Romano Populo expertum est. Quemadmodum domnum Leonem foras ejicerent, & sceleratum illum qui in Campanię partibus latitabat reducerent. Quod & factum est. Unde maxima famis & ingens persecutio in hac civitate Romana devenit. Quia Dei opitulante clementia prædictus Domnus Leonem sanus & illesus ab hac civitate exivit. Et ibi domnus Imperator cum suo exercitu in partibus Spolitane erat advenit. Quem honorifice a domno Imperatore susceptus est. Statimque armavit milites munivit custodes & contra Romanos maximas insidias præparavit. Qui cum venisset in Ratinam civitatem Romanos ante suam presentiam venire, qui ei mortem sceleratissimi Joannis nuntiaverunt. Et de electione

## BENEDICTI III PONT. MAX. 167

atione Benedicti Diaconi rogaverunt, sed nichil ab eo optinere potuerunt, talemque ab eo responsum acceperunt: Quando dimiserō ensē meum tunc dimittam ut Domnum Leonem Papam in Cathedram S. Petri non restituam. Nuntii vero ipsi reversi sine consensu & voluntate Imperatoris idem Benedictum Diaconum Romanum Pontificem elegerunt. Quod audiens dominus Imperator magis in furore & ira exarsit. Undique circumvallavit Civitatem Romanam, per diversas civitates oppida atque castella coepit depredare & funditus dissipare. Et in tantam penuriam & captivitatem eam adduxit ut Modium fursuris venundaretur xxx. Denarios. Coangustati autem & afflicti Romani & cum tam pessimum malum sufferre non valentes, innocentem Benedictum Imperatori tradiderunt, & domnum Leonem in Romanam & Apostolicam Sedem susceperunt, spondentes ei & Domno Imperatori super corpus B. Petri Apostoli per Sacramentum. Dimisit enim eis quanta & qualia ab ipsis perpeffus est mala. Et ita domnus Imperator ab hac civitate Romana in partibus Galliarū secessit. (a)

VIII. Leo predictus natus Rome ex Patre Johanne Protoscriniario de Clivo Argentarii sedit Ann. 7. mens. 111.

V. Benedictus presatus nat. Rom. sed. mens. 11. d. v.

Ex

(a) Mistorium huiusmodi sub Petri Bibliothecarii nomine divulgavit cl. Daniel Papebrochius in *Comatu Historico-Chronologico Rom. Pont.* pag. 160. Et ab Autore Anonymo sub Cretellino 111. scribente inserta fuit in sua *Historia Romanorum Pontificum*, quam ex Codice Monasterii Zwentensis in lucem edidit cl. Bernardus Pez *Anecd. Tom. I. Par. 111. pag. 171.* Eandem quoque observabis in Catalogo Rom. Pontif. apud Eckartum *Corpus hist. med. ævi T. 11. pag. 1610.*

Ceterum, ut probe ait Eminentiſſimus & Venerabilis Cardinalis Baronius (*in Annales*

*ad A. 961. num. 40.*) admonendus est *le-Her*, quod Scriptores huius temporis nonnihil visi sunt adulari Ottoni Imperatori favisseque electioni ab ipso Otone factæ Leonis: quod aque omnes detestati fuerint Joannis Papa nefanda scelera, iussu ipsum abrogatum putaverunt, & scripserunt, re tamen non funditus perſcrutata: ut non mireris si eos legeris favere una cum Imperatore Leoni, in Joannem vero & ejus successorem Benedictum, ut in *Pseudo-Pontifices declarare*.



*Ex eodem Codice, sed charactere minutiori & diverso  
atramento, Juramentum Ottonis Regis, postea  
Imp. I. supra memoratum pag. 145.*

Domno Joanni PP. Rex Otto per nos mittit & jurat per Patrem & Fil. & Spiritum Sanctum & per hoc lignum vivice Crucis & has reliquias sanctorum, quod si permittente Deo Romam venerit S. R. Ecclesiam & eundem Domnum Joannem PP. & rectorem ipsius exaltabit secundum suum posse, si vivum invenerit; Sin autem, eum qui legabiliter illi succedet. Et nunquam vitam aut membra neque ipsum honorem quem habet, & q. eum habiturus est sua voluntate aut suo consensu aut suo consilio aut sua exhortatione perdet, neque ipse neque aliquis successor ejus. Et nullum Placitum in Roma aut ordinationem faciet de omnibus que PP. & Romanis pertinet sine consilio Domni PP. Et quicquid de Terra S. Petri ad ipsius potestatem venit vel venerit, R. Ecclesie restituet. Cuicumque autem Regnum Italicum committere jurare faciet illum ut adjutor sit Domno PP. & successoribus ejus ad defendendam Terram S. Petri secundum suum posse. Sic adjuvet eundem Domnum Regem Ottonem & hec sancta Evangelia, & hec sacrosancta sanctuaria.

## III.

*Charta insignis Regesti Sublacensis Monasterii, de quo  
Muratorius Antiqu. Ital. med. ævi Tom. V.  
pag. 760.*

*Ex Schedis v. cl. Dominici Georgii in Biblioth.  
Casanatensi Fasciculo xxxiv.*

Præceptum Ottonis Magni Imp. pro eod. Mon. Incipit. In nomine sancte & individue Trinitatis scil. Patris & Filii & Spiritus sancti. Otto Divina favente clementia Imp. Aug. Petitione Georgii viri venerabilis ex Apostolice Sedis Secundicerio (a) religiosi abbatis prioris Monasterii Beatiss. Benedicti & S. Scholastica foreris ejus, quod dicitur in Sublacu, qui veniens in gremium Basilice B. Petri Apostolorum Principis, ubi cum Domno Joanne XIII. PP. S. Syn. do pro utilitate ejusdem Ecclesie & venerabilium locorum intererant, circumfidentibus cum Ravennate Archiepiscopo cum plurimis Episcopis ex Romano territorio atque Italia & ultramontano Regno, nec non presente Capuano Principe, qui Marchio Camerini & Spoletini Ducatus, atque circumstantibus multis ex nostris ex diverse ordine fidelibus & ostensis Domni Caroli aliorumque Augustorum & Regum Principalibus constitutionibus factis ad stabilimentum defensionemque sui ex jussu Monasterii seu omnium rerum sibi pertinentium, postulavit nostram Clementiam &c.

Signum Domni Ottonis Cæsaris Aug. Ambrosius Cancellarius ad vicem Umberti Episcopi & Cancellarii recognovi & subscripsi. Data 3 idus Jan. Anno  
Y Do-

(a) De hoc Georgio mentionem habuimus pag. 46.

# 170 DE NUMMO ARGENTEO

Dominice Incarnationis DCCCLXVII. Imperii vero Domni Ottonis piissimi Cæsaris V. Ind. x. Actum Romæ in Dei nomine feliciter .

## I V.

*Excerpta ex vetusto Necrologio membranaceo, forma quadrata in folio, celeberrimi Romaricensis Monasterii, de quo supra pag. 38.*

*pag. 2.*

MISSA SPECIALITER DICENDA TAM VIVIS Q. DEFUNCTIS UTRIUSQUE SEXUS, QUORUM COMMEMO..... CONTINETUR, VEL QUORUM NOMINA SUBTER SCRIPTA VIDENTUR

AD INTROIT. QVAL. VOL. Exaudi Deus orationem meam. ut sup. IT. AN. Salus populi ego sum. IT. AN. Omnia que fecis .

Majestatem tuam clementissime Pater supplices exoramus & mente devota postulamus pro omnibus his tam vivis quam defunctis utriusque sexus, quorum numerum & nomina tu scis dñe, Qui hunc locum de rebus suis pro amore Dei ditaver. vel suas nobis seu antecessarum nostrar. largiti sunt elemosinas sive qui se in nostris vel illarum commendaverunt orationibus, seu quorum nomina subter in hoc breviario scripta adesse videntur. concede propitius ut hæc sacra oblatio defunctis proficit ad veniam & vivis proficiat ad medellam & fidelibus tuis pro quibus oblatio nostra offertur indulgentia tuæ pietatis succurrat .

LECTIO LIBRI MACHABEORUM

In diebus illis orationem faciebant Sacerdotes &c.

*Post*

# BENEDICTI III PONT. MAX. 171

*Post Missam sequuntur Nomina Francorum Regum,  
Imperatorum, aliorumque.*

pag. 3.

Gundramni	Caroli
Hilperici	it. Pipini
Chlotarii	Carlomanni
Childeberti	Grimoaldi
Theudeberti	Drogonis
Theuderici	Grifonis
Sygiberti	it. Grifonis
it. Childeberti	Caroli
it. Chlotarii	it. Pipini regis
Dacberti	it. Caroli Imp.
it. Sygiberti	qui obiit 5 Kl. Febr.
Chlodovei	Hludowici Imp.
Hilderici	Hlotarii hludowici
Pipini	Caroli . hludovici
Dagoberti	Ermentrudis
Balthilde	

2. Kl. Oct. Karlomannus . Rex . obiit . Feliciter

vi. Id. ag. mi gra vit de hac luce hlotarius Rex

xviii. Kl. sep. obiit domnus Ludovvicus Imperator

vii. Id. oct. migravit Karolus Imperator

Luduvvicus Rex

id. ag. migravit Hu indebulcus Rex

Arnulphus rex . Luduvvicus . Irmingarde , & ceteris  
pluribus . iiii. Kl. Maias migravit Mainard. Arifus .

Vermodus Levita .

vi. x. Kl. Madias migravit Vvilherius . Vuinant . Fol-  
mario . Walterius . Labertus . Vulterius , Bertrans &c.

Nomen Hatchoni Excellentissimi Episcopi .

Nomina Canonicorum Monachorum & Laicorum  
qui in hoc loco cum Domno Haimono convener .

Y 2

pag. 19.

# 172 DE NUMMO ARGENTEO

pag. 19.

Nomina abbatum defunctorum sancti Romarici .  
atque almi patris nostri Amati , una cum consensu pa-  
tris nostri domini Theodrici , seu matris nostræ religio-  
sissime Deo sacratæ Teotildæ abbatissæ , in hoc mona-  
sterio per intervalla temporum successores extiterunt ,  
quorum meminisse orando pro ipsis sacerdotem Domi-  
nicis & quibusdam festis diebus decrevimus, recitatis eo-  
rum nominibus postquam sacerdos dicit : Memento et-  
iam Domine & eorum nomina qui nos præcesserunt cum  
figno fidei & dormiunt in somno pacis : Sed & fratrum  
quorum nomine in hoc memoriali subter scripta viden-  
tur statuimus ipsam hora præces fundendo pro ipsis me-  
morari nec non & in anniversario unius cujusque die cen-  
suimus specialiter ad Dominum venientem largitorem  
præces supplicationum fundere . FINIT .

Missæ in Cymiteriis cotidie celebranda præ defunc-  
toribus &c.

*Post Missam sequuntur alia nomina . Deinde pag. 35 .*

Nomina abbatissarum , que in isto loco fuerunt antequam  
suscepta esset Regula Sancti Benedicti .

Maclaflædis abba (*Abbatissa*) Huna abba

Erkhendrudis abba Alahtrudis abba

Sigoberga abba Ruothert abba

Gebedruds abba Guncia abba

Sevilla abba Plictrudis abba

Amperga abba Giltrudis abba

Ermendrudis abba Ymma abbatissa

Perpetua abba Vulfrada abba

Wachila abba (*& posteriori charactere adduntur*  
Huna Theutild. abba Aspin. abbissa)

Hæc sunt nomina sororum quæ ante Regula fuerunt.  
Arendrudis. Odila. Warendrudis &c. IN-

## INDEX CAPITUM

## C A P. I.

1. *Fabula de Joanna Papissa exeunte saculo xii. l. primum excogitata . II. Quibus argumentis hactenus ab eruditis viris refutata . III. Obiit Leo iii. l. die 17. Julii . IV. Anno vero ara Christianæ 855. Alemannus refellitur . V. Eligitur Benedictus iii. l. Imperatoris assensus . VI. Soli Hludovico Imperatori Decretum electionis perlatum . VII. Ubinam tunc esset Hludovicus . VIII. Imperatoris Legati Romam perveniunt . Benedictus consecratur . IX. & X. Probatum quod ejus consecratio die 29. Septembris inciderit . XI. Argumentum Papebrochii solvitur . XII. Anni & menses proleptice sæpe usurpati . Novæ Hlotharii & Hludovici ii. Epochæ a doctis viris constitutæ , reprobantur . Pag. 13.*

## C A P. II.

1. *Benedicti iii. l. consecratio male a quibusdam A. 856. consignata . II. Resutantur : & illius tempus penitus scrutatur . III. Hlotharius Imp. obiit die 28. Septembris A. 855. IV. Primis post ejus mortem diebus percussus evincitur Nummus nostrer . V. ex quo intervallum omne pro Joanna Papissa collocanda penitus excluditur . VI. Nummi ejusdem sinceritas , VII. qui Benedicto iii. l. certissime tribuitur . VIII. Corbejense Privilegium adducitur , IX. & propugnatur . X. Theophylactus Secundicerius eidem subseribit . XI. De Secundiceriis S. R. E. plura notatu digna proferuntur . De duplicis nominis usu . Pag. 35.*

## C A P. III.

1. *Chronotaxis Pontificia ix. sæculi a Spanhemio mire perturbata . II. Recensentur Monumenta , quorum ope restituitur , & quatuor inediti Romæ Pontificum Catalogi proferuntur . III. In Gregorii iii. l. & Sergii ii. l. Pontificatum inquiritur . IV. De Inter-Pontificio , quod a Sergii morte ad Leonis iii. l. consecrationem intercessit Sollerii sententia expenditur . V. Tempus irruptionis Saracenicæ in Urbem male a Spanhemio collocatum . VI. Leo iii. l. Circa diem 12. Aprilis A. 847. Pontifex consecratur . VII. Nec Hlotharius nec Hludovicus Augg. Concilio Romano diei 8. Decembris A. 853. adfuerunt :*  
ubiq. am

ubinam gentium tunc essent . VIII. De Epochis Pontificatus Benedicti 111. , Nicolai Primi , IX. & Hadriani 11. Indictiones a Kalendis Septembribus Romæ tunc numerari solitæ . Pag. 51. C A P. I V.

- I. Quæ potestate pollerent electi Romani Pontifices ante consecrationem . II. Quibus honoribus Imperatores ab eis prosequerentur . III. Cur eorum nomen in suis Nummis inscriberent Romani Pontifices . IV. De Eutropiana Appendicis auctoritate . V. PAPÆ , PONTIFICIS vel EPISCOPI nomen Electis nequaquam datum , sed Consecratis . VI. Nummus noster post consecrationem Benedicti 111. cuius fuit . VII. De Cruce in Nummis apponi solita Vignolii sententia expenditur . VIII. Observationes aliæ circa eundem Nummum afferuntur . IX. De orthographia nominis HLOTHARII , X. & de PII titulo eidem tributo . Pag. 80.

C A P. V.

- I. Nummi alii editi & inediti ad Benedictum 111. spectantes recensentur . II. Sancti Titulum unica Sigla S. notari consuevisse , etiam ante sæc. XI. , probatur . III. Ex adscripto in Nummis Pontificiis S. Petri nomine evinci non potest Protomas in iis expressas , S. Petrum representare . IV. S. Petri Imagines summa cura in Romana Ecclesia servatæ . V. Protomæ Nummorum Pontificiorum capite fere semper nudo exhibentur . VI. Aliquando etiam Mitrato . VII. An Romani Pontifices se ipsos sub S. Petri insignibus representarint ? VIII. Claves ad prædictas Protomas additæ S. Petrum facile designant . De forma & Numero Clavium S. Petri . IX. Barbatus vultus S. Petro potius quam Romanis Pontificibus convenit . X. De Cruce S. Petro sæpe tributa . XI. Litteræ RO in Bened. 111. Nummo quid designent ? XII. De Symbolis quæ in Pontificiis Nummis occurrunt . De Flore , Porta Urbis , & Cruce , & Manu expansa . XIII. Manus pro potestate , & Dei virtute aut ope . XIV. Manibus sublati preces , vota , & Magistratum electio olim fiebant . XV. Manus Juramenti & Fidelitatis symbolum . XVI. & XVII. Quæ Fidelitas vel Juramentum in Nummis Bened. 111. & Joannis PP. designari possint . XVIII. De Nummo Joannis Papæ sub Ottone Imp. cuso . Pag. 112.

PRÆ

## PRÆ CETERIS ADDENDA ET CORRIGENDA.

Pag. 9. *lin. 17. fidelemente: lege fidelement.* Pag. 13. *lin. 26. Sixini: adde (in pref. ad Primol. Lucen. Hist. Eccl. p. 748. T. XI. Ker. lib. Scrao. 3. Iod. 4. 3. col. 223 not. BENEDICTUM: lege BENEDICTI.* P. 15. *lin. 29. col. 2. in not. Brittonianorum Annalium citatio postponenda est.* Pag. 16. *lin. 3. col. 1. in not. Luitprandus &c. leg. Luitprandus Tleinen. (in Hist. Jac. T. I. l. par. I. Script. Ker. Ital. pag. 710.) Pag. 16. l. 22. confingunt: adde; in inferius dicturi sumus pag. 63, & 64. ibid. *lin. 25 pa. 61: adde; Altere hule S. Pontifici dictum existat in Basilica S. Maris Majoris, in cujus ipse Basilicam fugans veteri pictura exhibetur, cujus miraculum narrat in libro Ponticali scilicet. 504. in Leone IV. Pag. 18. l. 15 fati: lege Fatis.* Pag. 17. *lin. 15. cap. 111. adde pag. 63 & 64. P. 104. 8. (post) par. 1. l. P. 50 (adde.) De quo eodem Concilio Auditor libri Ponticalis hac scribit scilicet 545. Et tunc coram omnibus quadraginta & duo Capitula qua profecto ad salutem & lucrum omnium Christianorum hominum pertinere noscuntur per Diacones sancta & venerabilis Ecclesia Sedis legi precepit. Qua etiam capitula ut in futurum ab omnibus illicita serventur post cetera Decreta Pontificum in sanctis Canonibus iussu adscribit; quatenus omnes Episcopi huius auctoritatis exemplum ante oculos habeant, & suos possint melius instruere & erudire subiectos.* Pag. 21. *lin. 7. (a) quod: lege; (b) quod. Ibid. lin. 15. annis 607. & 608. Romanum &c. lege annis 607 & 608 Romanam &c. Pag. 12. lin. 1. praefatus: lege praefatus. Ibid. lin. 11. fu ebres lege funderes.* Pag. 26. *lin. 29. commorasse lege commoratus fuisse.*  
 Pag. 32. *lin. 17. Die vero 22. Januarii: adde Anni 966.* Pag. 16. *lin. 17. scribati lege scribit.* Pag. 42. l. 3. *Datum v. Nonas (lege) Datum Nonas Octubris.* Ibid. l. 4. *Theophilacti (lege) Theophylacti.* Pag. 43. *lin. 13. Annus MCCCXIX & lege Annus MCCCX.* Pag. 44. *lin. 23. THEOPHILACTY: lege THEOPHYLACTY.* Pag. 50. *lin. 11. τὸ Διοβάρη: lege Διοβάρη.* Pag. 51. *lin. 21. praterea: lege propterea.* Ibid. *lin. 39. quoniam non sine: lege quoniam sine.* Pag. 53. *lin. 24. col. 2. 22. Apr. A. 855. lege 22. Apr. A. 858.* Pag. 54. *lin. 11. Presbyter: adde & Pater Vincentius Vitorius eidem Bibliotheca Praefectus.* Ibid. *lin. 17. addita adnotataque: lege additi adnotatique.* Pag. 56. *lin. 3. Antiquitatum Ecclesiasticarum (lege) Antiquitatum Christianarum.* Ibid. l. 18. *Franciscus Blanchinius: lege Iosephus Blanchinius.* Pag. 58. *lin. 1 n. in not. Gregorius sedit A. XVI. (lege) 1111. Gregorius XVII. Pag. 59. lin. 1. in not. Sergius sedit A. 1111. m. l. (lege) 11. Sergius 111. Pag. 62. l. 23. Χρὸνος ἔτι lege Χρὸνος ἔτι. Pag. 64. l. 34. Tom. 1. l. (lege) Tom. 1. Pag. 66. l. 14. in not. res habuit: lege res se habuit.* Pag. 67. l. 3. *Nec Missi usquam memorantur: lege Nec Missi usquam memoratos legimus.* Pag. 73. *lin. 11. in not. Deusedit 11. vi. 1. lege Deusedit 11. vi. 2. Pag. 75. l. 10. X. lege IX.* Pag. 79. *lin. 5. die 5 Nonas Octubris: lege Nomis Octobris.* Ibid. *lin. 4. col. 1. in not. (a) Diciunt: lege (b) Dicimus.* Pag. 87. *lin. 14. spectarent: adde, ideoque huiusmodi Nummi Denarii Papales appellantur in Juramento quod a Iudicibus & Advocatis Urbis Roma Innocentio 11. P. M. praestitum fuit: quamque S. P. Q. R. A. 1188 celeberrum illam concordiam cum Clemente 11. iussit, inter cetera factus est se Pontifici reddidisse Senatui, Urbem ac Monetam, qua iniuste jam antea usurpata fuerant, ut videre est apud el. Floravancem (in Antiquis Roman. Pons. Denariis a Benedicte XI. ad Paulum 11. Jac. pag. 5. & seqq.). Ibid. lin. 3. possunt: lege potest.* Pag. 88. *lin. 12. Sed Grimoaldus: lege Quapropter Grimoaldus.* Pag. 91. *lin. 4. sine tumultu: lege sine tumultu.* Pag. 94. *lin. 6. Rudensis (a). Adde; & Carolomanno Regi scribens ait, se Legatos ad eum solemniter esse missum, cum pagina capitulariter continente ea, qua vos patri vestra Romana Ecclesia, vestroque protectori B. Petro Apostolo perpetualliter debitis concedere. (Epist. d. 3.). Pag. 97. lin. 10. cernissimus (a). [Adde] idemque**



confirmant Patres Ticinensis Synodi pro electione Widonis in Regem Italiae congregati  
can. 12. his verbis: *Post obitum recordanda memoris Domini Karoli [Calvi] gloriosi  
Imp. & senioris nostri, quot quantaque preciosa huic Italico Regno usque in praesens  
tempus superuenerint, nec lingua potest evolvere nec calamus explicare (Script.  
Rer. Ital. T. 13. pag. 416. v. 111.).* Pag. 100. lin. 9. quomodo: lege quomodo. Ibid. L. 7.  
obtinuit, *Adde* velur ex pluribus Chartis Monasterii Farfensis [T. 11. par. 13. Script.  
Rer. Ital.] aliisque monumentis apparet. Pag. 102. L. 24. Episcopus: lege Episcopus.  
Pag. 110. l. 11. curati debet. *Adde* Praetantissimam auream Bullam Hlotharii Imp. ex  
Mafco Capponiano mihi humanissime suppeditavit eruditus P. Contaccius, in caque  
conspicitur Imperatoris Protome laureato capite, veluti Caroli Magni, Hudovici III  
alloromque sigilla exhibentur, cum litteris *THARIUS AVGVSTVS*. Rarissi-  
mum hoc Cimellum illustrare possum, quia crudelitissime suo more commentatus est  
Cangias [in *Glossario v. Bulla aurea*], Pag. 112. L. 22. designari possunt [Add] XVIII.  
*De Nummis sub Joanne Papa & Ottone Imp. cuspis*, Pag. 116. L. 3. col. 1. in not. pag. 38.  
*adde* & 41. Pag. 127. L. 22. g. Inversa: lege F. Inversa. Pag. 133. lin. 9. intersecata: lege  
interfixa. Pag. 135. lin. 22. adhibita fuerit (f). *Adde*. Hujusmodi autem Florum  
symbolo vel ornamento praecipue delectatos fuisse arbitror Romanos, eo quod in cele-  
bri Lateranensis Triclinii Mafivo, in quo S. Petrus Vexillum Urbis Carolo Imp. pre-  
bens exhibetur, Vexillum illud bisce floribus spariam & distinctum appareat. Pag. 136.  
l. 9. de Navia nunc Majors (b). [Add in notis]. Hae tamen in usum Aqueductus pre-  
mium constructa fuit, postea in ampliacione Urbis, Maris ipsi inclasa, pro Porta  
adhiberi cepit. Pag. 144. L. 12. apud Papebrochium: lege apud Papebrochium (c). Ibid.  
L. 1. haudquaquam sibi lege sibi. Ibid. L. 22. (c). lege, (d). Ibid. L. 31. (a): lege, (d).  
Pag. 147. L. 20. munificencia (lege) homerificencia. Pag. 149. L. 20. OTTO. *Adde*, (d).  
Ibid. L. 24. titulo (k) (lege) titulo (c). Ibid. L. 1. col. 1. in not. pag. 27. lege pag. 27.  
Pag. 153. l. 25. imitari: (hic adde notam) Typo hujusce nostri Nummi fere similem ob-  
servavi in toties laudato Mafco Capponiano Nummam quandam argenteam, in quo duo-  
rum Imp. Protoma apparent, quorum in qui a dextris est, barbatus, & Globum Cra-  
cigeram mana gestat; alter vero juvenis exhibetur. Ambo Corona Cruce infigita  
decorantur. In medio Manus ea alto demissa, & sub ea Crux. Ea inscriptione in gyro  
posita oili aliud legere potui quam CON..... Quo facile adducor ad quandam ex  
Constantinis, qui vsq. & viii. seculo imperarunt, Nummum esse referendam. Ex al-  
tera vero parte conspicitur Crux media, Sidas quoddam & litteram R intersecans, cum  
Inscriptione VICTOR AVGT: in Exergo CONOB. Pag. 155. L. 13. Bandarius (b): *adde*  
ut praeterea & argenteam Constantini Imp. Nummam, quem ea Mafco Capponiano  
paulo ante laudavi, & alios plates qui consulti possunt apud eandem Bandurium.  
Pag. 156. l. 8. In quarto Nummam: lege in quarto Nummo. Pag. 158. l. 6. Ecclesie  
S. Sufan: *adde* apud Clamplin. [Vet. Mon. par. 11. tab. 42.] Ibid. l. 10. Sangallensis (b)  
(adde) & Sagum Eginhardus, quem fibula adstrictum fuisse tradit: addit vero eun-  
dem Carolum vestitu patrio idest Francico semper usum fuisse, excepto quod Roma  
semel Adriano Pontifice petente & iterum Leone successore ejus supplicante longa-  
munica ET CHLAMYDE accinctus, caeteris quoque Romano more formatis indu-  
batur (lo visa Caroli M. apud Da-Chen. Hist. Franc. Script. T. 1. pag. 102.). Pag. 160.  
L. 26. in poetica: lege in poetica. Ibid. L. 27. PETRVS: *adde* in aliis Nummis exhibetur  
Veronice Sudarium, ut apud Floravancem [in *Antiquis Rom. Pont. Denariis* tab. vi. n. 3.  
& 4], traditque Grimaldus apud Tarrigium [in *Cryptis Vatic.* pag. 447.] reperitur  
olim fuisse in Vaticano Basilicae rudicibus aeneum Nummum quadrata forma habentem  
in una parte claves decussatas, in altera vultum Salvatoris; quae Namismata, aliave  
hujusmodi (de quibus in Ballario Vaticano T. 1. p. 82.) ad Percgrinorum pietatem  
fovendam erudi solebant. An Nummus noster in his censeri debeat ignoro. Hunc porro  
edidit Floravantes loc. cit. pag. 3.

APPRO-

## A P P R O B A T I O N E S

**J**osephi Comitis Garampii Dissertationem *de Nummo Argenteo Benedicti 111. &c.* diligenter legi, ut Reverendissimo S. P. A. Magistro P. Nicolao Rodolphio parem. Tantum autem abest, ut in ea quidquam deprehenderim, quod bonis moribus Decretisque Orthodoxæ Religionis adversaretur, ut potius admiratus fuerim summam Auctoris eruditionem, inque evolvendis explicandisque difficillimis rebus peritiam, quæ Lectoribus magnæ esse possunt utilitati. Quamobrem dignam esse censeo, quæ publicetur.

Dabam in Æd. Minerv. Kal. Aprilis 1749.

*F. Thomas Maria Mamachius*

*Biblioth. Casanat. Præfatus.*

**J**osephi Comitis Garampii Ariminensis viri Ecclesiasticæ historiæ studiosissimi, Dissertationem *de Nummo Argenteo Benedicti 111. Pont. Max.* jussu Reverendissimi Patris Nicolai Ridolphi S. P. A. Magistri legi summa animi voluptate. Nam præterquamquod scripta est eleganter, & non mediocriter referta ejus varietatis, quæ Eruditorum animos in legendo retinere possit; illud etiam habet, ut, quod unum deerat ad Joannæ Papissæ confutationem, hoc Benedicti 111. argenteo Nummo plane demonstret, nullius alterius inter Leonem IV. & Benedictum 111. Pontificatum intercessisse. Itaque dignam censeo quæ publicetur, quum nihil quod Fidei Decretis & bonis moribus adversetur contineat.

*F. Vincentius Dinelli Ord. Præd.*

*Sacra Theolog. Professor.*

IM.

*I M P R I M A T U R,*

Si videbitur Reverendissimo Patri Magist.  
Sacri Palatii Apostolici.

*F.M. de Rubeis Arch.Tarsen. Vicefg.*

---

*I M P R I M A T U R,*

Fr. Raymundus Palumbi Mag. Soc. Sac.Pal.  
Apost. Mag. Ord.Prædic.







Mc

